



## كرونا حكايةلری - ۲

كابل، پروان، كاپیسا، پنجشیر، بغلان، قندوز، بدخشان و بلخ حكايةلری



اؤز كؤلنكەسى آرتیدن كبتگن آدم

خالده تحسین

محمد حسن تۆلقین ترجمەسى

AC  
KU

نشر سیرهسى: ۴۴۵

اؤز كؤلنكەسى آرتیدن كبتگن آدم | خالده تحسین

ACKU



Factual Stories on COVID-19

## The Man Who Gone After His Shadow

Khaleda Tahseen

”... یازووچی پردهنی بیر تامانگه تارتهدی. و دېره زهنی آچه دی. بلاک نینگ باغانی کوزنینگ شفقتسيز موسومی درختلردن یبرگه تۆکن سربخ پیراغلرینی سوپوره دی. یازووچی نینگ کۆزی وزه کی نینگ اپی درخت نینگ قوروبقالگن شاخچه لریدهایلینیپ قالگن وزه کی نی شاخچه لر آره سیدن چیقریب آلیش اوچون سعی و حرکت قیله دیگن اون-اؤن ایکی یاشر باله گه کۆزی توشه دی. شاخلری قوروب قالگن یاپ یالاتاغ اکاسی درختینی کوزه تیش یازووچی کؤنگلینی حسرتگه تۆلدیره دی. بهارنی افسلهیدی. ئور آییده آتاق گلرگه تۆلیپ قیامت برپا قیلگن کونلرین اېسیگه توشیب: «اخ، هر دایم اوشبو گلل هییدی نینگ عاشقی اېدیم. بو انه و بو دېره زهنی فقط بو گلر نینگ ایفاری اوچون یخشی کؤره من دېدی.»



ABLE

توانا  
بزمای بری، نشر کتاب، تروج لوهنگ کتبخانی  
و نوسعی، کتابخانهها بر افغانستان  
ACKU Box Library Extension



اۋز كۈلنكەسى آرتيدن كېتگن آدم

كرونا حكاية لرى



# اۋز كۈلنكەسى آرتيدن كېتگن آدم

كرونا حكايه لىرى

خالده تحسین

كابل، ۱۴۰۱

اۈز كۈلنكەسى آرتيدن كېتگن آدم

كرونا حكاپه لرى

خالده تحسین

اېدیتور: محمد عالم كوهكن

ترجمان: محمد حسن تۇلقین

اېدیتور و ادبى كوزەتوۋچى: كاوه جبران

رسم چيزووچى: زینب رضایى

گرافیک: عمران یوسفی

بېتلرنى ترتیبگه سالووچى: محمد كاظم كاظمى

ناشر: كابل بېلیم یورتیده گى افغانستان معلومات مرکزی

برنامه مسوولى: كاظم حمیدى رسا

نشریات كمیته سى: عبدالوھیدوفا، رشمى دانگل، فیض محمدناياب

نشر سېره سى: ۴۴۵

شاپك: ۶ - ۲۱ - ۶۶۲ - ۹۹۳۶ - ۹۷۸

نشر ییلى: ۱۴۰۱ قویاش ییلى

## موضوعلار رويخى

۷.....	اوقوچى بيلن سۆزلىشوو
۱۱.....	اۆز كولنكهسى آرتيدن كهنگن آدم
۲۹.....	بلال كمپى
۴۱.....	دكاندار عزيز عمكى
۵۱.....	كرونا داريسى نينگ كاشفى
۶۷.....	كهكسه طيب
۷۹.....	آق چاپان كيگنلر
۹۱.....	توت بيره مى
۱۰۳.....	سينگن توشلر
۱۱۳.....	دنيا اويينچاقلرى
۱۲۳.....	قورقينيچلى توشلر
۱۳۳.....	آنه نينگ بوش اورنى
۱۴۳.....	آدمى ليك اولمه گن
۱۵۳.....	كتاب جادوسى
۱۶۵.....	آنه مکتبى



## اۋقووچى يىلن سۆزلىشوو

ايرىم حادثەلر فقط تارىخى واقعهلر بۆلمەگنى اوچون اولرنى يازيش و ثبت اېتىش يىلن تارىخ يازيب بۆلمەيدى. اوشبو واقعهلر تارىخ اوچون بىر منبع بۇلىب بىلەدى. بىراق، يىنگى روزگار اوچون مېم بىر نقطه اۋلەراق تارىخ يۇنەلېشىنى اۋزگرتىرەدى. و بو آرەدە انسان نىنگ تارىخ بۇيىچە بىلىمى اۋزگچە كىفیت گە اېگە بۆلەدى.

كرونا پندىمى سى هم انه شو حادثەلردن سنەلەدى. بو آفت، فقط يۇقمە بىر كسل لىك نىنگ كوتىلمەگن سرعت يىلن ترقلېشىدن عبارت اېمس اېدى. بلكە، دنيا اقتصادى نىنگ چۇكىشى، ايشسىزلىك نىنگ كېنگ پىمانەدە قولاج يايىشى، جهان ساغلىقنى سقلش تىزىمى نىنگ طالبلرگە جواب بېرمەگنى و همەدن مېم راغى يىگىرمە بىرىنچى عصر انسانى نىنگ ناچارلىگىنى نمايان قىلدى.

اۋز تخىلى اساسىدە دنيا بىلىملرىنى بوتونلەى اېگلەگنى گە ايشانگن انسان، آسانگىنە اۋزىدن بىر نېچە مىليون برابر كىچىك بۆلگن موجوددن





اؤزینی اسرهش اوچون اونینگ برابریده قلقان قۇل له دی - یو، کوچسیزلیگینی کؤرستدی. انه شو باعث، کرونا ویروس نینگ ترقلیشی شونچه که، یوقمه بیر کسللیک ترقلیشی بۇلیب گینه قالمه ی. انسانیت تاریخی نینگ ینگ یی باسقیچی هم ابدی. اوشبو باسقیچ خاطره لرینی تاریخ نینگ حافظه سیده سقلش یکه تاریخ عهده سیدن چیه آله دیگن ایش اېمس البته. چونکه، تاریخ روایتلر اساسیده شکلننه دی و فقط ییریک واقعه لرینی روایت قیله دی. کیچیک حادثه لرگه دقت قیلمه یدی. همده اجتماعی بیر فاجعه نینگ ایگین - چیگینی، شونینگدېک اوشبو فاجعه نینگ زمینه سینی اؤرگنمه یدی. بو بیرده ادبیات میدانگه کېله دی. واقعه لرگه دقت بیلن قره یدی. و هر تامانی پیچیللیک بیلن عکس اېتدیره دی. تخیل بیلن یوغیریب نهایتده بشریت خاطره سیگه تاپشیره دی.

شونینگ اوچون بوتون دنیانی فتح اېتگن کرونا کې عالمگیر بیر فاجعه خاطره لرینی فقط رسمی و نارسمی تاریخ آرقلی اېمس بلکه، ادبیات واسطه سیده هم کېلگوسی اولادگه اؤتکزیش کېره ک ابدی. اوشبو فاجعه خاطره لری منگو قالیشی اوچون ادبیات تاریخگه کؤره کؤپراق حصه قوشیشی لازم.

حیات نینگ ایریم ساحه لریده انسانی تجربه لرینی سقلب قالیشنی اؤزی نینگ مهم وظیفه لریدن دېب بیلگن افغانستان معلومات مرکزی (ACKU) کرونا شرایطیده پیشقدملیک قیلیب اوشبو ساحه ده انسانلر تجربه لرینی قید اېتیش بۇیچه فعالیتلرنی باشقاریش اؤز بۇنیگه آلدی.

قۇلینگیزده گی کتاب انه شو مقصد اوچون عملگه آشیریلگن سعی و حرکتلر نتیجه سی دیر. بو کتاب افغانستان وطنداشلی نینگ تیریکی قالیش



اوپون عملگه آشيرگن مجادلەلرى، كرونا وىروسگە قرشى آلىب بارگن كوره شلرى، قهر مانلىكلرى، جسارتلىرى، شكستلىرى و مؤفقتلىرى عكس ايتدىرىلگن حكايەلر تۇپلمى دىر. اوشبو حكايەلر قهر مانلىرى افغانستان كى قشاق و قلاق بىر مملكتده يشب كوره شگنلر.

اوشبو كتاب يازىلىشى تۇغرىسىده قىسقه معلومات.

كرونا وىروس ترقلشى نىنگ بىرىنچى تۇلقىنى سۇنكىده، افغانستان معلومات مركزى كرونا گە قرشى مجاله بۇيىچە تجربه لرنى تۇپلش لايحه سىنى توردى. افغانستان نىنگ آلتى فرضى زونىدن كرونا گە قرشى عملگه آشيرىلگن كوره ش نىنگ بشرى تجربه لرنى يىغىش باره سىده قرار قبول قىلىندى. بو آلتى زون كابل، شمال، جنوب، شرق، غرب و مركزى منطقه لرنى اوز اىچىگه آردى. دستلب محلى همكارلر يميز معلومات و حياتى تجربه لرنى اهالى بىلن صحبتلر اوتكزىش آرقلى تۇپلەدىلر. كپىن اوشبو معلوماتلر نظارتچى گروه تامانىدن تپكشىر يلىب يازووچىلر گە تاپشير يلدى. يازووچىلر اېسه بىر و يا هم بىر نېچە تجربه نى بىته حكايە ده عكس ايتدىردىلر. دېمك، اوشبو تۇپلم حكايەلرى واقعتلر اساسىده يازىلگن. واقعه لر حياتده يوز بېرگن حادثه لردن عبارت. يازووچىلر اوشبو حكايەلرده فقط حكايە فضاىنى يره تىشگه اورىنگنلر.

حكايەلرنى يازىشده امكان قدر واقعه لر يوز بېرگن بىرلر ده گى محلى فرهنگلر نىنگ توسى و تاتى سقلب قالىنگن. بولر آدملر نىنگ آتىدن آلىب جايلىر، كىمىلر، آزىق - اوق، اوسىملىكلر ... نى اوز اىچىگه آله دى.

يازووچىلر يميز اوشبو حكايە لرنى فارس، پشتو و اوزبېك تىللىرىده يازگنلر. كپىن هر بىر تىلده يازىلگن حكايەلر باشقه ايكى تىلگه ترجمه



قيلينگن.

نتيجهده اوشبو حكايله لر آلتى دفتر قاليبيده مستقل اثرلر شكليده نشر  
اېتليدى. قۇلينگيزده گى كتاب اولردن بيري دير.

كابل بيليم پورتيدە گى  
افغانستان معلومات مركزى



## اۋز كۈلنكەسى آرتىدىن كېتىگن آدم

يازوۋوچى، پردەنى بىر تامانگە تارتىپ و دېرەزەنى آچەدى. بلاك باغبانى بو ناسپاس فصلدە پېرگە تۈكېلىپ توشگن سىرىق بىرگلىرىنى سوپورماقدە دىر. يازوۋوچى اۋن ياكە اۋن ايگى ياشلى بالەكەى نىنگ كاغذپران ايپىنى اوشلب، اكاس درختى نىنگ قوروق يالەلرئىدە اۋرەلىب قالگن كاغذپران ايپىنى تارتىپ آلىشگە كىرەت قىلە يانتگىگە كۈزى توشەدى.

يىلغاچ و قورىب قالگن اكاس درختى كۈرىش، يازوۋوچى نىنگ قلىپنى افسوس بىلن تۈلدىرەدى. بهارنى اېسلەتوۋوچى، شور آيى كونلرى آپاق گللىر خوشەلرى بىلن قاپلنگن بو درخت قىيامتنى قائىم قىلىپ تورگن. يازوۋوچى هيجان و اميدسىزلىك بىلن دېدى:

«اخ، هر دايم بو گللىر هئدى نىنگ عاشقى بۈلىپ كېلگن من. بو اتاق و بو پنجرەنى فقط منە شو گللىر نىنگ ائسى اوچون سېوئب يىخسى كۈرە من»  
كۈچەدە پوقانە ساتوۋوچى آدم نىنگ سېسى اونى حاضرگى كونگە قېترەدى. گلابى و آپاق رنگلى پوقانەلر غنچەسىنى كۈرىش يازوۋوچى نىنگ كۈزلرىگە سېوگى ننگەسى بغيشلەيدى.

«پوقانەنى شوق و ھىجان بىلەن ساتىپ آلگن پىتلرېمىز بۇلگن اېدى،  
قۇلىمىزدن چىقىپ ھواگە كۆتۈرۈلۈپ كېتىگن كېزلىرى يۈرەگىمىز بوتون  
حسرتگە تۇلىپ و كۆزىمىز ايلگونچە شمال اوياندىن بويانگە - بوياندىن  
اويانگە ايلپ كېتە ياتگن پوقانەنى كېچىك بىر نۇقشەگە ايلەنىپ قالگونچە  
ھوادە كوزەتەپ بارردىك.»

يازوچى، قۇللىرىنى بېلىگە اوشلپ اتاق نىنگ دىوارىدە تىەنىپ تورەدى.  
او، اوازق يىللردن بېرى مكرور يان دە منە شو اويده يالغىز اۋزى يشەيدى.  
چمەسى يىگىرمە يىلدىن بويان يگە و يالغىز دىر. يالغىزلىك ھىچ بىر پىت  
اونى منە شو سۇنگىگى ايكى - اوچ آى سېنگرى جبر بېرمەگن:

«كونى كېلىپ دنيا بوندى بىر تقدىرگە روپە رە بۇلىشىنى ھىچ كىم ھم  
اۋىلە آلمس اېدى، كر ونا ناملى بوندى بىر آفت بوتون دنيا آدملىرىنى بوندى  
بىر بىچارە و حيران حالتگە كېلتىرىپ قۇيىشىنى بىرارتە ھم اۋىلرەمىدى؟»  
ايكى - اوچ آيدن بېرى يازوچى يگە و يالغىز بو اويده يشەيدى و اۋزى  
نىنگ ايتىشىچە، او اېشىك تويلىك نىنگ قماغىدە، او بې اختيار اويدن  
تشفرىدە تورىشى، حتى اېنگ يقىن دۇستلىرى و اۋرتاقلرىنى كۆر مسلىگىگە  
مجبور بۇلگن اېدى.

اونىنگ لبلرىدە غمگىن كولىمسىرەش مجسم. اودنيا و ايش و كوچلرىگە  
بىچىرلەدى و سېكىن - سېكىن خىرگاھى قىلەباشلەدى:  
«تير خطاست زنگى»

كوزگى شماللر اونىنگ سويك اىلىگىگچە بېتىشىلە يانتگىنى و اونى  
بىز اۋتە قىلە يانتگىنى حس قىلەدى او. دېرەزەنى باغلب بىتە - بىتە ادىم كۆتۈرۈپ  
كتابخانەسى تامان جۇنەيدى.

قىزىقوۋچن كۆزلىرى جەرەقىلىپ كېتەدى - يو، مىز اوستىدە قۇيىلگن

عينكليرىنى كۈزىگە قۇيىپ ميز اوستىدە تىتكىلەنىپ ياتىن قاغىلارگە اۋتكىر ديد بىلن قرەيدى. الماريدە تېرىلگن كتابلرى تامان يەنە بارەدى و چاپ قىلگن اۋن تۇرت تە كىتابىنى كۇرىپ، هيىجانلىگى و قووانچى نېچە برابر آشەدى. ساياه سىنى تۇرك اېتىگن آدم نىنگ حكاياه سى ناملى كىتابىنى كۇرىش، اونى يەنە - دە هيىجانلىنتىرەدى و او هم غمگىن هم قووانچلى آوازده:

«تورموش، عجايب بىر اۋيىن دىر، عجايب بىر اۋيىن! نىھايىت برچە اېرككلرنىنگ ساياهلىرى تۇرك اۋى اېتەدىلەر، نىھايىت برچە اېرككلرنىنگ ساياهلىرى اۋى تۇرك اېتەدىلەر.»

چوقور اۋىگە باتىپ كۈزلىكليرىنى پىشانەسىدىن پسراققە كېلتىرىپ بورونى نىنگ اوستىگە قۇيەدى. كۈزلىك نىنگ شىشەلىرى اوستىنى تۇزان قاپلەگندېك احساس قىلەدى. تىل تگىدە قىلىكىنى سۇكەدى و سېكىن - سېكىن خىرگاھى اېتەدى:

«پىرى رسىد و فصل جوانى دگر گذشت...»

او احمد ظاهر اسمىنى كۆتە اشتىاق بىلن تىلگە آلىپ بلند - بلند آواز چىقىرىپ كويلەيدى: «اى غرقە باد كشتى عمرى كه روز و شب...»

هيىجان بىلن:

«ظاهر جان، ظاهر جان!»

ياشلىگىدە احمد ظاهر دن جوده كۆپ خاطرەلىرى بارلىگى اېسىگە توشەدى و اونىنگ سېسىنى يىخشى كۇرردى. شىھداى صالحىن بارگن پىتلرىدە غبار و محمودىنى زىيارت قىلردى، اونىنگ مرقدى تامان هم بىر بار باش اورردى و حتى بعضى وقتلر يريم كېچەلر بىر قطار ياشلر بىلن بىرگەلىكەدە بو محلگە كېتردى.»

چىدە درختلىرى آستىدەگى ايلانلر اونگە اوشبو حكاياه نىنگ توزىلىشى و

باشقە يورتدن كېلگن ايلانلر ياقىشىنى اېسلەيدىلر . بلند بلند ايتەدى:

«بويوك ھندوستان، بويوك ھندوستان و سىرلى ھندوستان!»

بو اونىنگ خياللىرىدن چىقەدى و ىنە كتابلرى نىنگ تماشاسىگە

اولگورەدى . مېيەسىدن اۋق كى اۋتكىر توغۇ اۋتىب كېتەدى:

«آه آه، بو كتابلرنىنگ اوستىگە كۆپ محنت تارتىگنم!»

تاۋۋشى خوشلىكىدن تىتيرەيدى:

«يۇق، يۇق مېن عمرىمنى بېھودە اۋتكۈمەدىم، يىخسى فايدە كۆردىم و

امكانىتىن فايدەلنىدىم.»

بو كتابلر اوستىگە كېچە و كوندوز ايشلەگىنىنى اېسلەيدى، باشقە نېچە

كتابنى اۋقىگن و كۆپ تحقىقلرنى بىجىرگن، اېنگ تارىخى محللرگە سفر

قىلگن و محل آدملىرى بىلن يقىندن كۆرىشىب اولرنىنگ قىسەلرىنى قولاغى

بىلن اېشىتىگن دىر .

كۆزى گلنار و آيىنەگە توشەدى، اشتياقى اشىب كىتاب نىنگ آرقە تامانىنى

قۇلى بىلن سىلب و ھىجانللىب دېدى:

«آه آه، مېن اېنگ عجاىب كتابلرىمدن بىرىگە دوچ كېلدىم . ھاي ھاي،

بو ھندوستانلىكلردە ھم عجاىب فلسفە و افسانەلر موجود!

«توغرىسى ھم زىر قدرىنى زىرگى بىلەدى، مېن زىرگى اېمىس من؛ بىراق

زىراب ھاھاھا زىراب!»

يازۋوچى، بېلىنى كتابلرنىنگ المارىسگە تىنتىرىب تۈرەدى و سويكلرىدە

اغىرىق احساس قىلەدى، انچە وقتلردن بىرى آياق اغرىغى يازۋوچىنى بىر آز

اذىت اېتەدى . آلدىنلر اېشىتىگن گىلردن بىرى اونىنگ خىيالىگە كېلەدى:

«شصت و شكست!» (:آلتىمىش قالمىش«)

بو ايتىلگن و اېشىتىلگن گىگە كۈلەدى، كۈلەدى و كۈلەدى .





چىرقىرە گندېك قىلىپ بقىرىپ يوبارەدى:

«مېن بختلىمن، بختلى! ياشىم بېتمىش آلتىدن ھم آشگن، لېكن، ھنوز ھم تىمدە ساغلام علقىم بار، يىنە كۈلەدى ھاھاھاھا...»  
 كىتاب و شىخنى كۆرىش بىلەن دەدى...، يازوچى كولىمىسىرەيدى؛  
 چۈنكى او بىرىنچى مرتە داستايت اصطلاحسىنى داستانى ادبىياتگە كىرىتتەپ  
 ايشلتگن دىر:

«بو اصطلاحنى اۋزىم تاپىپ توزەتدېم و بىرىنچى بار ھم اونى اۋزىم ايشلتدېم. مېنگە قرشى بۇلگن كىشىلەر، يىنە ھم ايتەمن نىمە فرق اېتەدى، قرمە قرشى فكرلر بۇلىشى جودە يىخشى دىر؛ لېكن دنيا و نظرىلەرى ھەمەسى ھم قرمە قرشى فكرلر اوستىدە استوار اېمىس مى؟»

آدملر و حيوانلر تامانىدن برىا اېتىلە دېگن قۇزغالان، بو كىتابنى كۆرىش يازوچى نىنگ انگى و قىلىدە عجايب حس و خىالى توغولرنى و جودگە كېلتىرەدى:

«آخ بو قۇزغلان قىچەلىك حقىقى دىر، واقەن اوشبو رومانده يورەگىم بىچارە يازوچىگە كۆيىنەدى. داستانلر يىمىزدە ذھنىمىزگە كېلگن نرسەلرنى توزەتگىمىز اوچون، تۇغرىسى داستانلر يىمىز نىنگ بوتون شىخسىتلرى واقەن بىر كۈنى كېلسەلەر و بىزلرنىنگ اېتەگىمىزنى اوشلەيدېگن بۇلسەلر اوندە حالىمىز زار، زار بۇلەدى. يۇقات بو فكرلر آدمنى بىخى دىوانە قىلەدى.»

شۇ آندە قۇلى بىر مەجلەگە تېگەدى و اونى قۇلىگە آلەدى. مەجلە نىنگ بىر قىسمى اونىنگ تانىشتىرىش اوچون اىختىصلشتىرىلگن، اوندە يازوچى نىنگ اصلى توغىلگن جايى غزنى دىر، اما كابل نىنگ رىكاخانەسىدە دنياگە كېلگن. يازوچى مقاله نىنگ اوشبو قىسمىنى اۇقياتگندە كۈلەدى.

«مېنىنگ اساسى توغىلگن جايىم غزنى دەپ دايم يازەدىلەر ھەر دايم. اما



مېن كابل نینگ ريكاخانه منطقه سیده توغیلگنمن. مېنینگ توغیلگن جاییم  
كابل دیر، كابل دیر.»

يازوچى، غرورله نيب قیچقیریب یو باردی:  
لېکن انسان قه پیردن اپکن لیگی و قه پیرده توغیلگن لیگی نیمه فرق  
قیله دی، بیز لر کیم میز و قه پیردن لیگیمیز هیچ هم اپمس! هاهاهاها بو دنیا،  
اما اۆزی قه پیرده، هیچ قه پیرده، هیچ قه پیرده!»  
اختیارسیز ییغلب یو باره دی و خیام نینگ روحیگه درود اؤقیب  
یو باره دی:

«اوشبو بویوک حکیم نینگ مقدس روحیگه درودلر بؤلسین! او قنچه لیک  
تؤغری ایتگن، لعبتکأنیم و فلک لعبت باز، ما لعبتکأنیم و فلک لعبت باز،  
ما لعبتکأنیم و فلک لعبت باز.» «بیز قؤغیر چاغلر میز و فلک قؤغیر چاغ  
باز، بیز قؤغیر چاغلر میز و فلک قؤغیر چاغ باز، بیز قؤغیر چاغلر میز و فلک  
قؤغیر چاغ باز»

پینگى نینگ کپینی بیلن كؤز یاشلرینی اریتیب و دېدی:  
«دنیا ده همه نرسه معناسیز و کولگیلی بؤلسین - ینه، معناسی کولگیلی  
بؤلمه سین، معناسی و کولگیلی بؤلمه سین.»  
يازوچى اۆزینی تۇغریلب، مغرورلیکنی كؤرسه ته دیگن لبلریگه تبسم  
مجسملنه دی. تۇستدن سیماسی نینگ حالتی اؤزگه دی و حسرت بیلن  
دېدی:

«قنى اپندی بو حیات مېنگه آزرارق وقت بېرسه!»  
تكمیل قیلینمه گن كتابلرینی بیر باز زنیت حسابلب چیقهدی:  
ارستاطاليس و آلمه، قری دایه رازلری، و تانگده اویغانه دیگن جناب  
اویغانه، بدخشانلیک عیال. آخ بو داستانلرنی بیتتیریشیم کبره ک. بیتتیریشیم

كېرەك، كېرەك كېرەك.

بىر دېقەدە، اجىن يۈزى يەنەدە توشكۈنلىككە توشىپ، يۈرەگى نامەلۇم قىغۇگە باتەدى. يازوۋچى امىدسىزدن قىچقىرىپ يوبارەدى:

«ھەلى اېرتە، ھەلى اېرتە دىر، بىتتىرىلمەگن ايشلر يىمىنى بىتتىرىشىم كېرەك

و سۇنگ كېتسىم.»

ايگى - اوچ آيدن بېرى يازوۋچى فقط كىتابلىرى بىلەن يىشەيدى، نە بىر جاىگە كېتەدى و نە ھەم بىراونى اۋز يانىگە قىلەدى؛ كرۇنا آقتى اونى ھەم قۇرقتىگن. او شۇندەي بىر ياشدە كە احتمال كرۇنا و يروس اۋزى اوچون ھەم جودە كۇپ خوفلى اېكنىنى بىلەدى.

يالغوزلىك و خلوت اونى جودە كۇپ زېرىكتىرىپ يوبارگن. او تلۈزى يۈندە بىرگە ايشلەگن ھەمكارلىرى بىلەن بۇلگن كونلر يىنى ساغىنەدى. بعضاً او اۋزى نىنگ نشىراتى نىنگ اوشبو اتاقلى يازوۋچىگە چېكىسىز احترامى طفىلى اونىنگ آتىگە قۇيگن ياش رومان نويسنى چقىرەدى، بعضىدە دۇستلرى اونىنگ احوالىنى آلىب اونگە قۇنغىراق قىلەدىلر.

او بعضىدە اۋزىنى تسكىنلش اوچون ايتەدى:

«اچىقلىك نىنگ واقىتى منە شو يالغىزلىك دىر. انسان دىياگە يالغىز

كېلەدى. او يالغىز يىشەيدى و يالغىز اۋلەدى. باشقە ھەمگىنەسى افسانە و يالغان دىر. بىرچە گىنەسى يالغان و افسانە دىر... يالغان دىر... يالغان! بو فضانىنگ بوتون اطرافى يالغىزلىك دىر. شىمالدە، يالغىزلىك دىر، جنوبدە، يالغىزلىك دىر. مشرق و مغربدە، ھەمە جايدە يالغىزلىك دىر. بو يالغىزلىك اوشبو فضانىنگ اۋزى كىبى چېك سىز دىر، بارلىق فضاسى كىبى.»

\*\*\*

اېرتەسى كۈنى او اۋزىنى ضعيف، يۈرەگى اوخشىگن و قىيۇق باش آغرىغ

حس قىلەدى. او ياشلاردن بىرىگە جان آغرىق دارىسى كېلتىرىپ بېرىشنى ايتەدى. يازوۋچى نىنگ ساغلىق احوالى يامانلشەدى، دوستلار ھەمكارلىرى تشوئىشگە توشەدىلەر ۋە كۆيدى ۱۹ تىتى اوچون اونى شفاخانەگە آلىپ بارەدىلەر. كرۈنا تىتى نىنگ نەتىجەسى منفى چىقەدى، يازوۋچى نىنگ بوتون دوست ۋە مەخلىلەرى خوش بۇلەدىلەر، يىرىم عصر حكاىەلەر، سۆز ارونىنى اپكەن بۇ كېكسە آدم اوچون دعا قىلەدىلەر. يەنە بىر بار احوالى يامانلشەدى، دوستلارى ايكىنچى مرتە اونى كرۈنانى انىقلاۋۇچى شفاخانەگە آلىپ بارەدىلەر، يەنە ھەم كرۈنا تىتى نەتىجەسى منفى چىقەدى، يازوۋچى نىنگ كىسلىكى نىمە ۋە نىنگە او ساغلمىس لىكى اوچون بوتون اۋرتاقلارنى حىرتە قالەدىلەر.

اونىنگ مەخلىلەرى اۋزلىرىنى سوۋ ۋە الاۋگە تىش نەھىت يازوۋچىنى امرىكالىك حرىلەر نىنگ مەخسۇس شفاخانەسى بۇلمىش بگرامدەگى شفاخانەگە آلىپ بارەدىلەر. او پىردە داكتىرلر اوشبو يازوۋچى بوندن ۱۹ كۈن آلدىن كرۈنا كىسلىكىگە يولىققن لىكى انىقلىنىنى ايتەدىلەر.

بو خىرنى اېشىپ، يازوۋچى نىنگ دۇستلارى سېسكىنىپ يوبارەدى. كۆز ياشلارنى ۋە يۈرەكرى قىغۇگە تۇلە، اولر اۋز يورتلارنى نىنگ مەنويى سىرمەيەسى يۇقالىپ بارەياتىگىنى كۆرىشەدىلەر.

مەنۇچەر فرادىس، ۋە بىر نەچچە تە ياش اۋرتاقلارنى كېچە ۋە كۈندۈز دېمەسى استادىنىنگ يانئىدە بۇلەدىلەر. اېرتەلب، مېنىگ بىر تشوئىش بىلەن ادبىيات نىنگ اوشبو بوپۇك ۋە شانلى چۇقىسى باشى ۋە يۈزىگە قرەيدى ۋە اونىنگ سۇنىگى بار ايتىگن سۆزلارنى اېسىگە كېلەدى:

«تىگرى تەالى آدمنى قرىتمەسىن، قرىتىگن حالدە ھەم، يالغىز اېتمەسىن.»

استادى يالغىز بۇلمىسلىكىگە قرەمسەن، پروىز شىمال، سېنگلىسى نىنگ اېرى، يازوۋچى ۋە باشقە نەچچە تە دوستلارنى ھەر دايم اونىنگ احوالىنى آلىپ



تورردىلر. استاد وفات قىلگن تقدىردە، مەمكىن حكومت و حكومتى بۆلمەگن يوقارى مرتبەلى رسمىلر تورلى لقب و صفتلر بېرىلگن يوزلب قىغوداشلىك پىاملرنى يوبارىشلىرى مەمكىن دىر، استادنىڭ او پىتدە بوندى پىاملرگە نىمە ضرورتى بار؟ دېگن گپ منوچھرىنىڭ خىالىدن اۋتەدى.

رەنورد زىباب، كرم اربابىدن بى نىياز ابدى. دىنانىڭ ھىچ بىر پېرىنى اۋزى نىڭ تىلەگن خلوت گۆشەسى و مكرورپاندىگى آپارتمانىگە تېنگ قىلمىسى. منوچھر بىردىنگە سېسكىنىپ كېتەدى و اۋزى نىڭ ذھنىدە بوندى يامان تصويرلرنى ايلنتىرگن شىطانگە لعنتلر يوبارەدى، باشقە نرسەلر بارەسىدە فكر قىلە باشلەيدى، لېكىن استادنىڭ ھر دىقىقە تماغىدن چىققن فرىادلرى، اونىڭ تىنچىنى اۋغىرلەيدى:

«وى وى، وى وى...»

«استاد، ساغلىق احوالنىڭىز قندەى؟»

«چرچەدەم، مېن جودە چرچەگن...»

آغرىق تىدن يۇقالمەيدى، ابكى دىنانىڭ چرچاقلرى بىلكەسىدە آغىرلىگىنى حس قىلەدى، بو ھىچ بىر پىت حىاتى و آغرىقلرىدن شكائىت قىلمەگن رەنورد دىر، اېندى او ھارىگن، چرچەگن دىر.

فرادىس اونگە استاد نىڭ كىسلىگى تۇغرىسىدە خىر بېرىلگن بىرىنچى كونى اېسلەيدى، قوئاش ۱۳۹۹ - يىل، دوشنبە ۲۶ - عقرب. توشدن كېين، عادتدە گىدېك، استادنى اويىگە چىقىرىش اوچون اونگە قۇنغىراق قىلردى:

«استاد، ساعت نېچەدە آرقەنگىزدن قەبىرگە كېلەى، تلوزىيون كېلەيمى

يا اويىڭىز؟»

«بېچىم، تاووشىمنى اېشىتەسن مى، كىسل بۇلگن من.»

«نىمە بۇلگن استاد؟»



«بىلمەيمەن، باشىم آغرىدى.»

اۋ بىر نېچە كۈن آلدەن استاد بىلەن سەھىپىلىشىشنى ئېسىلەيدى، ئۇنىڭ جەڭدى مەمۇر بۇلمەگەن، بىر كېچە ئۇ قۇنغۇراق قىلدى، لېكىن استاد تېلېفوننى ئالمايدى. تىلېفونغا توشىدى. استاد ئادەتتە كېچەسى سائەت ئون بىر ياكە ئون ئىككىگە ئۇيغۇر بۇلەدى، كېيىن ئۇ ئوقۇغۇچى ياتىر ئېلىدى. ئاگر كۈندۈز تاماندەن تېلېفوننى ئۇچرىلىگەن بۇلسە، ئۇ ئېرتەلب سائەت ئون ئىككىگە قەدەر يازىشىنى بىلەر ئېلىدى، كېيىن سائەت ئون ئىككىدە تېلېفوننى ياقىرىدى، ئۇ ئۇشە كېچە استادنىڭ تېلېفونىگە زىنگ بارىدى ۋە استاد تېلېفوننى ئالمىدى. توشىدە ئۇ ئىككى كېتىدى:

«تېلېفونغا جۈاب بېر مەدىنىگىز، خۇاظر لىندىم.»

«ئۇلۇ آقشامدەن چوقۇر ئوقۇغۇچى كېتىپ قالدىمەن.»

«ئۇلۇ ئىككى قەندەي دېر؟»

«چەرچە گەنمەن ۋە يۈرەگىم ھەم ھېچ نەرسە تېلمەيدى.»

«ئۇندەي بۇلمەيدى استاد، بېرەر نەرسە بېنىگ.»

«ئۇشەخەندەن چاى بىلەن شۇكر ئېلىپ كېل.»

شېرىن چاينى ئېچىدى ۋە ئۇندەن كېيىن دارىلەرنى ئېلىدى. ئۇشە كۈن كېچە فرادىس استادنىڭ ئالدىدەن كېتىدى، لېكىن ئۇلۇ ئۇچۇر خۇاظر ئېلىدى. ئېرتەسى كۈنى جۈانمەرد پايىز بىلەن استادنىڭ ئۇيىگە بارىدى. پەرزى شەمال ئېشىكىنى ئاچىدى. استاد ئۇقۇدە ئۇزەلبى ياتىگەن ۋە بىر ئاز چەرچەگەن كۆرىنەيدى:

«پەرزى، استاد قەندەي كىلىككە چىلىنگەن بۇلىشى مۇمكىن؟»

«بىلمەيمەن، ھادىقە دىن زېرىكىشىدەن شۇكايت قىلەيدى.»

گۇيا ھەمە بۇ زامانە قەندەي كىلىك بىلەن ئىشە ياتىگەننى ئۇنوتىپ قۇيىگەن ۋە ئۇنىڭ ئىمىت بېر مەگىلەر؛ چۈنكە استاد ھېچ قەپەرگە كېتمەي ۋە ھەر دايم ئۇيىدە بۇلۇردى. فەقەت دۈشەنبە ۋە چەشەنبە كۈنلەرى ئۇلۇ بۇن بارىدى ۋە بۇ ئۇلۇ



ساۋوق يامان عاقبتلارگە آلىب كېلىشى اولر نىنگ خىيالىگە ھەم كېلمەگەن.

«فراڧايس بېچىم، بېتە سگرت بېر.»

«آلىنگ استاد.»

فقط سگرت چكردى و باشقە ھېچ نرسە يېمىسدى. پرويز تورلى كۆكتلردن تيارلنگن يىخشىگىنە آوقت آلىب كېلگەن اېدى، استاد بوندن بېر آز پىدى. اۋزى بىلەن بېرگە گازى بخارى ھەم آلىب كېلگەن، كىچىك اتاقنى يىخشىلېب ايسىتىگەن.

او و جوانمرد آقشام نىنگ ناننى آلىب كېلىش اوچون اويگە كېتىدېلر و پرويز شىمال استاد بىلەن بېرگە قالگەن. فراڧايس و جوانمرد آوقت سوزىلگەن ايدىشلرنى كۆتريب ساعەت كېچقورون ساعەت بېتىدە استادنىنگ اويگە پېتىب كېلدىلر:

«استاد آش و برنج آلىب كېلدىك.»

«بُرَنج دىن بېر آز آلىب كېل.»

برنج نى بعضاً ھزللشېب «ب» نى ضىمە بىلەن تلفظ قىلدى و ياقتىردى. برنج دىن نېچە قاشق پېب و بشقابنى سوريب قويدى. اۋشە كېچە ھالى يىخشى اېدى و جوانمرد بىلەن قىصە قىلدى.

اېرتەسى كۈنى كېتىگەن اېدىلر، كېچە استاد زىياب ھقىدە باشقە خىبر يۇق اېدى. سېنگلىسى و خاتىنى دروازەنى آچدى. استادنىنگ اتاقىگە كىردىلر. نىس آلىشى نىنگ تاۋوشى اېشىتىلدى و راحت اېمىسدى. استاد اونى كۆرىشى بىلەن بېر نېچە لىھزەلر اۋتدى، او اونىنگ يوزىگە بېر آز تىكىلېب توردى و بېر آز كېسكىن و شاشىلېب دېدى:

«بەخشانى عىال رومانى توگلنمەگەن بۇلېب قالدى!»

بو جملە اونىنگ ھياتى نىنگ توبىدىن كېلىب چىققەن اېدى، اما فراڧايس





اۈزىنى يۇقاتمەدى و شونەدى دەدى:

«يۇق استاد، بوندەى دېمىنگ.»

استادنى شىفاخانىگە آلىب بارىش اوچون قرار آلىندى. اونىنگ اۈشە ساووق مكرور ياندە او يىدە تورىشى اۈرىنلى اېمىس اېدى. پرويز شمال كرونا تستى آلىش اوچون خصوصى بىر شىفاخانىدن ايگى كىشىنى تىلتىگن اېدى. تست آلىب كېتىلەر. اونى آلتىنچى قېتىن پىسگە آلىب توشىشلىرى كېرەك اېدى. سۇنگى كۈنلردە آياغىدەگى آغرىق طفىلى آلگن تياغى بىلن زىنەدن زۇرلىك بىلن و جودە سېكىن توشدى. فرادىس بوندەى بىلن بۇلمىس ليگىنى كۆردى بو ساووق دەلىزە، استاد كۇپراق عذابگە قالا دەى

«استاد قۇللىرىنگىزنى مېنگە بېرىنگ مېن سىزنى آرقەمگە آلىب

توشىرەمن دەدى.»

«يۇق، اۈزىم توشەمن.»

«بۇلمەدى استاد، دەلىز جودە ساووق دىر و زىنەلەر ھم كۇپ ساووق.»  
قبول قىلمىدى، اما استادنى قبول قىلدىردى. استاد اونىنگ آرقەسىگە ياپىشىدى. پىسگە توشىب موتىرگە مېنىب شىفاخانىگە كېتىلەر. داكتىرلر جودە نھايت مېر بانلىك و لطف قىلدىلەر. كىچىك بىر دىستگاھ بىلن يۈرەك اورىشى و آكسىجىنى كۆردىلەر. يۈرەك اورىشى ۹۱ و قانى نىنگ آكسىجىنى ۸۱ دن ۸۵ گچە اېدى. قانى معاينە قىلىندى، سىدىك، مېيە و اۈپكە عكسلىرى تقريباً عمومى معاينە قىلىندى. استادنى او اتاقدن بو اتاقتە بو ماشىن نىنگ آستىدن او ماشىن نىنگ اوستىگە چىقارىب توشىردىلەر؛ اما او چىدەملى اېدى حوصلەسىزلىك و اچىغى كېلمىدى.

استاد بىستىر قىلىندى. بو منوچەر اوچون عجبىب اېدى، جودە ھم عجبىب

اېدى. بو ياشدە، استادنىنگ ھىچ بىر كىسلىگى يۇق، ھىچ قان ياغلرى،

قند، يۈرەك معمالرى، بۈيرەكلەر، جىگر و باشقە ھېچ قندەي كىسلىكلەر يۇق. ابرتەسى كۈنى او شخصى شفاخانەدە كرونا تست نتيجهسى منفى بۇلگن ليگىنى اېسلەيدى، باشقە تست آلدىندى. اونىنگ نتيجهسى هم منفى اېدى.

استادىنىڭ دوستلىرى دولتى و دولتى بۇلمەگن بلند مرتبەلى رسمىلر استادنى كېلىب كۇرىب كېتردىلر، دوستلر دنيا بۇىلب و مملكت ايچكرىسىدن پيام جۇنەتردىلر، فراديس اۇقىب بېردى، او استادگە دېدى: «استاد اۋنگن كېچە توش كۇرىب من دېدىنگىز، اېندى توشىنگىزنى قصە قىلىب بېرىنگ.»

«توشىمدە امام ابو حنيفەنى كۇرگنمن هر ايگى مىزهم بالەمىز و مدرسه كېتەمىز... بو توشنى باشقە بىر جايدە تۇلىق ايتىب بېرىشىم ممكن.»  
استادىنىڭ بو توشى فراديسنى استادىنىڭ ايتگن بىر گېپنى اېسلتدى، او بىر وقت ايتگن اېدى:

«بىلەسنمى مېن قرآنى نېچە مرتە ترجمەسى بىلن اۋقىگن من؟»

«يۇق استاد، بو تۇغرىدە ھېچ نرسە بىلمەيمن.»

«مېن قرآنى اۋن اوچ مرتە ترجمەسى بىلن اۋقىگن من و حجىم كشف الاسرار و عدە ابرار مېيدى تفسىرىنى هم بىر مرتە تۇلىق اۋقىب چىققمن.»  
باشقە بىر كۈن ايگى كىشى عىال خىرچى استادنى كۇرگنى كېلدىلر. اتاق نىنگ فزاسى باشقە بىر فضا بۇلدى. استاد رزىاب نىنگ كۇزى اولرگە توشىشى بىلن، يوشاق آواز و لېكن اويغاق و ياروغ ذھن بىلن امىر خسرو دھلويدن بىر مصرعنى اۋقىدى:

«بە جنازە گر نيايى، بە مزار خواهى آمد...»

فراديس نىنگ يۈرەگى تۇلىب كېلدى و بىرىنچى كۇز ياشلرىنى شو بېرگە



تۈكۈدى.

استاد آلتى كۈن شىفاخانىدە قالدى و عموماً آلگن دە ساغلىق احوالى كۆپ يىخشى بۇلگن اېدى. اما بىر كۈنى اېرتەلب شىفاخانى نىنگ معاۋنى بىر قنچە داکترلر بىلن بىغىلب كېلىب، سىزىلر شىفاخانىدەن چىقە آلەسىزىلر دېدى. اولر كېتىگندىن كېيىن، استاد ايتدى:

«مېن كېتەدىگنگە اۋخىشەيمىن. بدخشانى عىال رومانى توگەشى اوچون فرصت بېرسەلر بېتەدى، باشقە اىستەگىم يۇق.

» يۇق، استاد، بوداكترلر اېندىگىنە اۋقىشنى توگەتدىلر و اولرنى عملى اۋقىتىشلرگە آلىب كېلىشىگىلر.»

«بچىم، سېن ھم اېندى مېنگە گپ بېرەسنمى؟»

اېرتەسى كۈنى شىفاخانى نىنگ يوقارى لوازملى خادملرى كېلىب:  
«استادنى كوچە تېرىش اوچون اونى تىنچ، آسايشتە جايگە كۇچىرىشىنىگىز كېرەك، چونكە كىسلخانىە محىطى اونگە ماس كېلمەيدى. استادنىنگ اۋپكەلرى زىان كۇرگن. اېرتەسى كۈنى، پروىز شىمال قندەى ھم بۇلمەسىن، استادنى بگرامگە آلىب كېتىلىشى اوچون ھماھنگىلىك قىلدى»  
پروىز ايتدى:

«بگرام شىفاخانىەسى نىنگ داکترلرى استاد انىق اۋن تۇقىز كۈن آلدىن كرونا وىروسگە چلىنگىلر دېب ايتەدىلر.»

بېش كۈن بگرامدە قالدى، اما اۋزى نىنگ اىستەگى اساسىدە ىنە كابلگە آلىب كېلىندى. بگرام شىفاخانىەسى نىنگ مسووللرىگە ايتگن اېدى:

«مېن اۋلىمدىن قۇرقمەيمىن، اما دۇستلرىم آرەسىدە اۋلىشىنى يىخشى كۇرەمن.»

يازوچىنى تۇرت يۈز اۋرىنلىك شىفاخانىگە آلىب كېلگندە، فرادىس ھم



كرونا كىسلىلىگىگە چىلىنگن اېدى. استادنى بارىب كۈرىش اونىنگ اوچون هم نا مەمكىن بۇلگن اېدى.

يازوچى بو يورت نىنگ شىفتەسى و بو يورتى سېۋەدى. شونىدەى قىلىپ، برچە قىيىنچىلىكلر و برق سىزلىك، سوو يۇقلىگى و قىش نىنگ ساووقلىگى بىلن او كابلنى يىخشى كۈردى، اما او اروپادە قولەى و تىنچ حىياتى ياقىتىرمەدى.

يازوچى ايتگن اېدى:

«مېن اولگىمىدە، مېنى جىم گىنە كۈمىب، اولىگىمىدە يىغلب و بېزاوتە بۇلمىنگىلر. مېنى قووانچ و بخت بىلن توپراققە تاپشىرىگىلر.

\*\*\*

كوزىنىگ ساووق كېچەسى دىر، شىماللر درختدە سرغىگن برگلرنى آواره قىلەدى، برگلر درختلرنىنگ ساووق تىنىنى اجرەلىب بىتە - بىتە توشىب، نا معلوم تامان يۇلە آلەدى. سەعت تۇرت و اېللىك اوچ دىققە دىر، حلى فقط اوچ - تۇرت دىققە تانگ نمازى آذانىگە قالگن، يازوچى نىنگ اۋزى نىنگ تەبرىگە كۈرە، او يلغانچى و كولىگىلى دىئادىن كۈز يۈمىب دايمى و قارە بىر اويقوگە كېتەدى.

اېرتەلب فرادىس اېشىتىشىگە تيار بۇلمەگن اېنگ اچىق خىبرنى، پروىز شىمالدىن اۋقىدى:

«استادىنىگ روھى نېچە دىققە آلدىن مىنگولىككە قاووشىگىلر كاروانىگە قۇشىلىپ، برچە - برچە مىزنى دايمى تىرك قىلدى، دېب فىسبوكتە يازگن.»





## بلال كىمى<sup>۱</sup>

تون نىنگ فۇسۇسىنى دەيدى اپتلىرىنىڭ اوواس اورىپ اولوشلىرى تۇلدىرگن. ھىر تاماندا ھىمىمە ھىكم سۇرماقدا. اوستىگە - اوستىك طيارلارنى غەرىلەشى ھىم بو قۇرقوونى ايگى بىراىرگە آشىرگن. شىر احمد پرىشان چىرەسى بىلن، ھاولىسى نىنگ اۋرتەسىدىن اۋتگن كىتە ارىق نىنگ يانىدا اۋتورىپ، يوزىدا تۇزىگن ساچلىرى و اويقۇدن قالگن كۇزلىرىنى سوۋدا تماشاشا قىلماقدا.

اپشتانى نىنگ پاىچەلىرىنى كۇتورىپ، چوقۇر آه تارتىپ، اۋزى - اۋزىگە: «اۋزاق يىللىردن بىرى بىزلىر تىنچلىكىنى كۇرمەدىك. اۋزاق يىللىردن بىرى تىنچ اۋخلمەگن مىز. يۈرەگىم نازىن گە كۇيەدى. نىمە گناھ قىلگنمىز، بىزلىرىنىڭ دعاىمىز قىبول بۇلمەيدى؟»

طيارەنىڭ ھۋادە غەرىلەشى سۋاللىرىنى لىلرىدە موزلەتىپ قۇيەدى. تۇستىدىن ۋىشت اۋنىڭ بوتون ۋجۇدىنى قاپلەيدى و اۋ بوتونلەى سراسىمەگە

---

۱. بو ھىكايە واقىى بىر قىسە اساسىدە يازىلگن. بلال كىمى مزار شىرىفدە جايلىشگن. بو پىردەگى اۋىلر لاي و غىشتىدىن قورىلگن. بو پىردە يشاۋۋچى آدملىر سىرپل ولايتىدە اوروشدىن آۋارە بۇلگنلىر.



توشىب، اويى نىنگ تامىگە بمب توشە ياتگىنىنى كۆرەدى. قۇرقىب:

«نازىن!» دېب بقىرەدى.

«آتەسى نىنگ نازىنى»

سۇنگ خاتىنى نىنگ آتىنى تىلگە آلىب:

«شىرىن!» دېدى.

«شىرىن!»

اۋ قىچقىرىق بىلن اويغانىب اۋچىب تۈرەدى. يۈرەگى تېز - تېز اۋرەدى. حتى اۋنىنگ گرپ - گرپ سېسىنى اۋزى ھم اېشىتەدى. پىشانەسىدىن ساۋوق تېر آقەبەرەدى.

تەسەسى قلتىرەگن حالده، اۋرنىدىن تۈرىب گىلاس نىنگ سوۋىنى آلىب لىيگە اېلتەدى؛ لېكن قۇللىرى شۈندەى قلتىرەيدى كە گىلاسدىن سوۋ چلقىب تۇكىلەدى.

قىغولى كۇزلىرى بىلن چوققور اۋيقۇدە ياتىب قالگن عىالى بىلن قىزى گە قرەيدى. اۋ بۈندەى بىر دەشتلى توش كۇرگىنى اۋچون خداگە شۇكرلر ايتەدى. وىزىلېب شىمال نىنگ سېسى كېلەدى. وىراناۋى نىنگ دېرەزەلرى شىشەلر اۋرنىدە تۈيلىگن پلاستىكلر شىمالدە اۋزىلر چمەگە كېلگن. شىر محمد پلاستىكلر اۋزىلېب كېتمەسىن دېب، اۋىلەيدى.

يىقىندە خاتىنى قىبگن قارمىتىر كۇرپەنى سېكىنىگە آلىب شىرىن بىلن قىزى نىنگ اۋستىگە تارتەدى. كۇرپە نىنگ استىرىنى خاتىنى تىكە - پرچە لتە - تۈلەردن قورەب تىككىنى نى اېسلەدى.

خاتىنى نىنگ سرغەيگن يۈزى - يو اۋچگن رنكىنى تاماشا قىلىش، شىر محمد نىنگ دردىنى زۇرەيتىرەدى. كۇزى شىرىن نىنگ شىشگن - شىشگن قۇللىرىگە توشەدى و ياش كۇزىدە ياش اىلندى. بو قۇللىر خودى



اوشه گۈزەل و آيدىن يوزگە اوخشە مەيدى، گۇيا باشقە بىراونىنگ قۇللىرىنى بو فرشتە نىنگ قۇللىرى آستىدە قۇيگندېك.

شىر محمد نالە قىلىپ:

«شىرىنم، سېنى بختلى قىلىش اوچون قنچە آرزولرىم بار اېدى، سېنىنگ آباق و يومشاق قۇللىرىنگ ضرر كۇرمسلىكى اوچون قۇلىنكىنى ساووق سووگە او مھرىشىنكىنى ايستەمسىدىم.» دېدى.

ھىق - ھىقلىب يىغلب، تىنچىمەدى. كىچىككىنە قىشلاغى و لايدىن قوريلگن ايخچم و تاپە تازە او يچەسى اېسىگە توشەدى. اويى نىنگ قرشىسىدە گى بىر پرچە يىرنى خاتىنى ياردەمى بىلن قندەى قىلىپ اېكىنزار و كۇكلمازار گە ايلنتىرگىنىنى اېسلەيدى. كونلردن بىرى خاتىنىنى بوندن كېيىن اېكىنزاردە ايشلەمسنى ايتگن؛ لېكن، شىرىن اېسە چىرايلى و ملاحظلى كۇرىنىشە كولىب، بىر قاشىنى يوقارى كۇترگن حالدە:

«شىرىجان، سېندېك ايشلەى آلمسلىگىمنى بىلەمن، لېكن سېن اېرتە - يو كېچ يېر اوستىدە ايشلەسنگ، مېن اويدە قالىشنى ھىچ قىچان ايستەمى من.» كېين، آباق پېشانەسىدن جگر رنگ ساچلرىنى اۋرەگن حالدە كولىمسىرەب:

«قۇى كە مېن ھم سېن بىلن بىرگە ايشلەى، زېرىكمەگىن!» دېدى.

شىر محمد، شىرىننى بىرىنچى بار اوچرە تگنىدن بېرى، بىر اېمس، مىنگ بار اونگە كۇنگىل بېرگن اېدى، فقط اونىنگ عشقى بىلن حياتى مضمون تاپگىنىنى يىخشى بىلر اېدى.

او، شىرىن بىلن اىلك بار تانىشگنى و اوچرەشگىنىنى اېسلەيدى. غلام گلگار ياردەمى بىلن اويى نىنگ ديوارىنى بىرىنچى پىخسەسىنى اورگن كونى شىرىن بىلن تانىشگن. شىرىن نىنگ ياقىملى كولىگولرى اونى قلغە آرقەسىگە



تارتگىنىنى اېسلەدى.

نازىن پىچىرلەپ قىمىرلەدى ۋە اۋزىنى بىر آزانەسىگە ياپىشتىردى. يگانە قىزى نىنگ يىنگلرىدە يماقلرى يىرتىلىپ كېتگىنىنى كۆرىپ، كۈنگلى اېزىلدى. ساۋوق بىر آه تارتىپ بلند آوازده:

«نېگە: خدایا نىمە اوچون ھەمە بار ۋە يوغىمىزنى بىزلردن آلدىنگ، نىمە گناھ قىلگن اېدىك، بو شوم اوروشده، اويمىز ۋە مالىمىز كۆيىپ توپراق بۇلدى؟»

تۈستىن يوزى سرغەيگن شىرىن، حىرتلىنىپ، استە قىمىرلەپ اۋرنىدىن يىرىم توردى. اېرى نىنگ قىپ - قىزىل ۋە ياشلى كۈزلرىنى كۆرىپ شاشىلىپ قالگن اېدى.

خواطرلەنىپ:

«شىرىجان! نىمە گپ بۇلگن، اۋز - اۋزىنگ بىلن گىرەپسەن؟» دېپ

سۈرەدى.

بو فرىدللىرى بىلن تورموش اۋرتاغى نىنگ اويقوسىنى بوزىپ قۇيگىنى اوچون، بىر آز اويلىدى - يو، يوشاق ۋە مېرىبان تاۋوشده:

«ھىچ گپ اېمىس خاتىن، اوخلە!» دېدى.

تون كۆپ اوزون اېدى، جودە اوزون. شىراحمد بو كېچەنى بىر يېردە كۆپ تۇختەشىدن قارەيگن ساسىق سوۋگە اوختىدى. گن اويلىدى.

بو كېچە قنچە اوزونلىگىنى ھىچ كىم بىلمەيدى، بو كېچە قنچە رىنج تارتگىنىنى فقط شىراحمدنىنگ اۋزى بىلەدى. تانىگ آقرگندە، آلىس - آلىسلردن خۇرازنىنگ تاۋوشى بىر تە - يىرمتە اېشىتىلدى، شىراحمد اۋرنىدىن توريپ، ايش ۋە غرىبكارلىك اوچون اېسكىرگن آلمە گللى رومالى بىلن بېلىنى باغلب ايشلش اوچون تشقىرگە چىقىپ كېتدى.



نېچە كوندن بېرى دولت قىرتىن اعلان قىلگن اېدى. آدملەر ھەم كرونا ناملى بلا بىلن تىشىگن اېدىلەر. شو كوندە شىر احمد اۋز كراچىسى بىلن بازارگە بارىشگە و آدملەر نىنگ سودا - ساتىقلىرىنى اۋىلرىگە اېلتىپ بېرىپ، بىر نېچە قران تاپىشگە قادر اېمىس اېدى. امىدسىز لە نىب:

«خدايا، بو كرونا آچلىكدن ھەم كۆرە يامان مى؟» دېدى.

شىرىن نىنگ آۋازى كۆترىلىپ:

شىر جان، بىر سقىم اونىمىز قالمەگن كو.

شو وقتدە نازىن نىنگ ھەم:

«آه! آھ مېن جودە آچ قالدېم، بىر آغىز قوروق نان بېرىنگ»

«صبر قىل بالەھ، منە كېلتىرەن»

«شىرىن، تۇغرى اېتەسن مى يا الدە تماقچى سن مى؟»

«دستر خواندە بىر آغىز ساۋوق نان قالگن اېكن»

«قۇى - دە خاتىن، آدم نىنگ بختى ياتسە ھەر تاماندن قىيىنچىلىك كېلەدى.

اېندى بو كرونا و ايش سىزلىكنى قرە!»

«تسۋىش قىلمە شىر جان، ھەر قرانغولىكنى ياروغلىگى بار دېگنلەر.»

«قندەى تشۋىش قىلمەى، سىر پىلدە بىر پرچە يېرىمىز و پىخسەدن

قورىلگن بىر اۋىمىز بار اېدى. اۋىمىزدە، بىر آغىز ھۇل و قوروق تاپەدىگن

نرسەمىزگە خوش اېدىك. آھ، اۋز قىشلاق و اۋى و جايىمىزدن آۋارە بۇلىپ بو

لعتى كىپگە توشگنمىزدن بېرى، حىيات نىنگ خوش كۈنىنى كۆرمەدىك.

تسۇرت تامانىمىز ھەم فقط قۇم و توپراق، بو پىردە بىتە درخت ھەم كۆرمەى

سىز.»

«قىغورمە، بو ولايت ھەم شىرخدانىنگ جايى، آدملەر ھىچ كىم بو بېردە

خوار قالمەيمدى.» دېدىلەر.

حوصلەسى پىر بۇلگن شىر محمد بقىرىب:

«باشقە يەنە قندەى خوار بۇلە يلىك، قىش نىنگ بو قەرەتان كونلرىدە نې  
كىم - كىچكلرىنگىز بار ونى يېگودىك نان، غرىبى تويە نىنگ اوستىدە  
ايت قاپەدى، دېپ ناتوغرى ایتەمە گنلر»

\*\*\*

وليد يېلكەسىدەگى رومالى بىلن قولقلرى و بورنىنى اۋرەدى. هوا ساووق  
ابدى، هوانىنگ اچىق ساووغى مېيە نىنگ سويكلرىگە يېتمەى هم قۇيمس.  
اينى سى سعيدنىنگ قۇلتىغىدن اوشلب اوندىن يۇل چېتىدەگى تاش اوستىدە  
اۋتېرىشىنى اىستەدى. بۇغزى تۇلىب كېلگن. تېترەگن تاووشى بىلن سعیدگە:  
«كۇرىنگ اكە، مېن سىزنى بوگون يوقارىدەگى كىمپگە آواره بۇلگنلر نىنگ  
حال - احوالىنى يقىن دن كۇرىنگ دېپ آلىب كېلدىم كە،..» دېدى.

«توغرى ایتەسن وليد، بو خلق نىنگ حالىگە يورەگى داغ - داغ.  
خدانىنگ كېنگ چۇلىدە ياتگنلر.»

«ام، يازدە قوباش ايسىغى و قىش دە اچىق ساووق جانلرىنى آلهدى.»  
«بالەلرىنى كۇردىنگ آياغ يلىغاچ و بىر يوپقە كۇلىك تگىدە بوندەى  
ساووقدە تشقرىدە يورگن.»

«هە، نېچەتە بالەنى كۇردىم كەنە لتە - لوتەلرنى ياقىب اۋزلرىنى  
ايسىتىب اۋتېرگن ابدى.»

«اف، اف، اوروش خلقىمىزنى قنچە بدبخت قىلدى.»

«او آقسقال نىمە دېگىنىنى اېشىتىدىنگ مى؟»

«اۋز ولايتىدە بىر اويى و بىر پرچە بېرى بار اېكن، آبرويى و تىشى

بىلىشلىرى بار اېكن، مگر حلى هيچ نرسەم يۇق دېدى.»

«باشقە بىر يىگىتنى هم ايش سىزلىك، كرونا و قرتىن دن شكائىتى بار

اېدى.»

«اونىڭ گناھى اېمس اكه، تۇغرى ايتەدى، اگر اويدە بىكار اۋتيرسە،

خاتىنى و بالەلرى نىمە يېدىلر.»

«اى بو بېچارەلر مردكار آدملر، بىر آغيز قارە نانلرېنى منە شو

مردكارلىكدن تاپەدىلر.»

«بە خدا بولرېنىڭ حالىگە كافر ھم يىغله يدى.»

«سعيد اكه!»

«ھە.»

«شكرە بىزلرنى كىچىك بىر تجارتمىز بار، بىر نېچە اويگە ياردم بېرە

آلەمىز، كېلىنگ بىر آز ازيق - اوقت بىر نىچە عايلەگە كېلتىرىپ بېرەيلىك!»

«وليد، شو گېنى مېنىڭ كۈنگلىمگە ايلنگن اېدى، بىر نېچە اويگە ياردم

قىلىپ، باشقە لرىگە كۈمك قىلمەسك قندەى بۇلەدى؟»

«تۇغرى ايتەسىز اكه، بىزلر فقط اۋتيز - قىرق اويگە كۈمك قىلىشىمىز

ممكن، بو يېردە آوارە بۇلگن كمىدە ۲۰۰ يوز عايلە بار، بولرېنىڭ ھمەسى

ھم قشاق و كمبغل.»

«كاشكى عمك بچەلرېمىز و دوستلرېمىز ھم كۈمك قىلسەلر اېدى.»

شو گېنى اېشىتىپ وليد ھىجانللىدى. او بو بارەدە عمك بچەلرى بىلن

ھم گېرىپ كۈرېشنى ايتدى و اكهسىگە ھم موضوعنى تاجر دوستلرىگە

ايتىشىنى بىلدىردى.

بوندىن سۇنگرە، وليد نېچە مرتە عمك بچەلرى و اكهسى نىڭ

دوست - اورتاقلرېنى منتظم چقىرىپ توردى، اولرنى قابلى و كتاب بىلن

قرشى آلىپ، كمبغل عايلەلرگە كۈمك قىلىشلىرى اوچون تشويق و ترغيب

اېتدى.



بولر چمەسى اۋن كىشى بۇلدېلر. اولر نىنگ برچەسى ساووق موسمە  
عائىلە لىرگە فايده لى بۇلگن آزىق - اوقت و بالە لىرگە كىم - كېچىك ساتىب  
آلىش اوچون بىرلشدىلر.

\*\*\*

آسمان بولوتلى، بىتە - يىرمەتە قار ياغە باشلەدى. شىر احمد، اوى نىنگ  
اېشىگىدە اۋتېرىب:

«قىشلاغىمىز كۇم - كۇك، اۋشە قىش نىنگ كېچقورون كىي آدم نىنگ  
خوشى كېلەدى. خدانىنگ بو كېتىگن دشتىنى قرە، نىمە گناھ قىلگىنىزنى  
بىلمەي مېز. بوندى بىر ويرانە چۇلگە توشدىك.»

او يىلكە سىدە يات قۇل نىنگ آغىر لىگىنى حس قىلدى، قۇل اېگە سىنى  
بىلىش اوچون امىدسىزلىك بىلن تىزە سىدن باشىنى كۇت رىب بلندگە قرەدى.  
كۇزى قىشلاق نىنگ كلانتىرى عبدالباي گە توشدى. هاو لىقىب، جايدىن  
تورىب اونگە سلام بېردى:

«كلانتىر صاحب، قرەنگ كە باشىمىزگە نىمە لىر كېلگن!»

«ب بو حال بوتون قىشلاق نىنگ اوستىگە كېلگن، كۇپ اۋىلمە شىر!»

«همە شو گېنى ايتەدى، اۋىلە مسدن هم بۇلەمى؟»

«قىغورىشىنى فايده سى يۇق بېچىم، اگر بىر كىشى نىنگ باشگە توشسە

اېدى، يورەگى يارىلردى.»

«راست ايتەسىز كلانتىر صاحب، منە اول اوزىنگىز قنچە مال - ملكىنگىز

بار اېدى، حالى بىزلردىك سىز هم كىمپ دە يشەي سىز.»

شىر محمد قىشلاق كلانتىرى بىلن دردلىشىب، شكائىت اېتە ياتگندە

قۇشنى نىنگ آوازي اېشىتىلدى:

«شىر آمد او شىر مامد بو پىرگە بىر كېل.»

«بو كاككا غفارانىنگ سېسى، قىسى گپ بۇلگنگە اۋخشەيدى، بىر بارىب

قرەى.»

كەمپدن تشقريده آدملىرىنىنگ سېسى و بالەلرنىنگ ھىجىنىسى، شىراھمدىنى اۋزىگە كېلتىردى. او وليد اسملى يىگىتنى تۇقىز تە ياشلر بىلن آدملىرگە قىشكى كىيم - كېچك و آزگىنە يېگوليك - اوقت ترقە تە ياتگىنىنى كۆردى. آدملىر ھەمەسى ھىجىنىسى و خرسند اېدىلر، ھەر بىرى قۇلى تۇلە حالده او يىگە بارردى. وليد قارە موترنىنگ اىچىدە اۋلتىرگن و موترنىنگ شىشەلر ينى كۆتۈرىپ قۇيگن اېدىلر.

وليد قارە و ترەلگن ساچلىرىنى قۇل بىلن سىلەدى. قارە شىشەلى كۆزلىكلرنى كۆزىگە قۇيگن اېدى. خوشلىك قىلتىرىدى، كۆز ياشلىرىنى اريتتىش اوچون باشىنى بىر آز پس قىلدى. آرزولرىدن بىرىگە اېرىشگن اېدى. بالەلىگىدە او بايلىككە اېگە بۇلىشنى و ھەمگە ياردم بېرىشنى خواھلەگن.

\*\*\*

شىر احمد، خاتىنى و بالەسى نىنگ اوستىدە بوندى ايسىق كىملىرىنى كۆرگىدە، لايدن قورىلگن اتاق نىنگ بىر چېتىدە اوزەتىب، بوندى بىر قىتىق شرايطدە كەمك قىلگن بو ياش يىگىت اوزاق عمر تىلىپ دعا قىلدى.

قىزى نازىنىگە گىپرىب تورگن شىرىن نىنگ آوازىنى اېشتىدى:

«آنەسى نىنگ جانى، سىن معصوم بالەسن، دعا قىل خداوند بو اوروش و بدبختلىكنى كۆترسىن، بىزلر بخىر اۋز قىشلاق و اويىمىزگە بارەيلىك بو احتىياج و محتاجلىكدن قوتىلىلىك.»

«آنە، مېن كە ھەر وقت خدادان اىستەيمىن باشقە اوروش بۇلمەسىن، پس اۋشە اويىمىزگە بارەيلىك، آتەم اېرتەدن آقشامگچە غرىبچىلىك قىلىپ يورمەسىن، اۋزىمىز نىنگ زمىنىمىزدە ايشلەسىن.»







«آنەسى نىنگ جانى، سېن معصوم بالە نىنگ دعانگنى خدا قبول  
قىلسىن! خدا يەنە اۋشە كونلرنى كېلتىرسىن. مېن آنەنگ بىلن يەنە اۋشە بىر  
پرچە بېرىمىزدە ايشلە يلىك.»

«آمین آنە جان، مېن ھەم قۇزىچە لىم نىنگ آلدیگە بارە من و اولرنى  
قوچا غلب، آلدیگە اوت تىشلە یمەن.»

شیر محمد بلال كىمى نىنگ تۇرت تامانىگە قرەب، قىشلاق نىنگ تازە  
ھواسىنى و دلە لرىدە گى ياووايى اۋت ھىدىنى ساغىندى و بو مرتە او بلند و  
قىغولى آواز بىلن دەدى:

«آمین، ایتگىنىگ كېلسىن قىزە لاغىم!»



## دكاندار عزيز عمكى

كېچە نىنگ يرمىدە سكوت و ظلمت آغير نفسلىرى بىلن قىشلاق اويقوسىنى يەندە چوقورلشتىردى. دريا نىنگ شاووللىشى و تولقىنلار نىنگ اورىلىشى بعضاً بو آغير جىملىكنى بوزەدى و فضانى قۇرقىنچلىراق قىلەدى. كېچەلرى تاغلر و وادىلر قۇرقىنچلىراق، كىم دىر هر بىر جرلىك و تاش نىنگ آرقەسىدە اۇتۇرىپ، سىزنى كوزە تىب تورگندېك اۋىلەى سىز.

وادي اۋلىك اجدەھاگە اۋخشەيدى و اۋتىب كېتەياتگن آدم اۋزىنى يالغىز سېزەدى، احتمال هر لحظه دە بو بىر تقيچ آغزىنى آچىپ يوتىب يوبارەدى. شوندى كېچە دە و شوندى وادىدە، كويگن نفسى و پېشانەسى تېرلەگن سرور شونچەلىك تېز يوگورەدىكى، هر بىر كۆرۈچى اونى جاني دشمن تعقيب قىلەپمى دېب اۋىلەيدى.

سرور، يانگاغ اېكىلگن درختلر قطارىگە يېتىپ كېلەدى، يوز بىلدىن كۆپ يشەگن كېكسەيگن بو درختگە تىنەندى و افسوس بىلن پىچىرلەدى:  
«قندەى تقدىر!»

يخشىلېب درختگە تىنەندى و يانگاغ قىمىرلەدى، شو آنده كتە بىر قوش

پترلب - پترلب درخت نىنگ يالەلرى آرهسىدن اوچىب محلەگە يقىن تاغ سارى اوچىب بارىب قۇنەدى. قوش نىنگ قناتى سېسى سرورنى بىر آز قۇرقىتەدى و اۋزىگە دېدى:

«بو قندەى بىر قوش اېدى، هنوزگچە بونچە كتە قوشنى كۇرمە گنمن.»  
 او حلى هم نفس الماقده و بوتون وجودى چرچاقندن قىينەلماقده.  
 يوشاق اينگىچگە تىزەلرېگە قۇلىنى تارتىب، بېلىنى تۇغرىلب:  
 «خدايا، بوتون عمرىمدە بونچە يوگورمە گن اېدىم، جودە چرچەدېم،  
 جودە.»

او قطار اېكىلگن يىنغاغ درختلر آلدېدن اۋتېب و وادى نىنگ آخريگە يېتەدى. اونىنگ يورەگى هيجانگە تۇلدى و او كىچكىنە ياغاچ دروازەنى بىرن - كېتىن تقيللەتدى و محلەدەگى دكان اېگەسى عزيز كاكا اېشىكىنى يوزگە آچەدى:

«بسم الله بسم الله، امانلىكىمى، اۋرتاق.»  
 «عمكى، بو پېرگە يېتىب كېلگونچە نفسىم قالمەدى.»  
 «نېمە گپ بۇلگن، آتەنگ ساغ مىلر؟»  
 «ھەمە يىخشى عمكى، اولر مېنى سىزىنىگ آلدېنگزگە يوباردىلر.»  
 «كېچە نىنگ يىرمە؟»  
 «ھە، بىزلر نىنگ قىينچىلىگىمىز قوياش چىقىمسدن آلدېن حل بۇلسىن»  
 «خىر، سرور بېچىم يورەگىم يارىلر درجەگە يېتدى، تېز بۇل، نېمە دېسن؟»

«عمكى، بوتون قوشنىلر يىمىز نىنگ اويىدە تاپىلمەگن نرسەنى اىستەيمىن.»  
 «شف شف دېگونچە، شفتالو دېب قۇى، اۋرتاق.»  
 «عمكى بىر سقىم قارە چاى كېنىدن كېلدىم، خدادن بۇلەمى اۋزىنگدن،



خدا قیلسینکه سیزهم مېنی نا امید قیلمه سنگیز.»

«قاره چای!»

«هه عمک، اول آقشامدن بېری نېچه دروازه‌نی تقیلله تدیم، نېچه ته دروازه‌نی آچدیم و نېچه اېشیکنی یاپدیم، هیچ کیمده قاره چایی یوق اېکن، و اولر نینگ همه‌سی کؤپ ییللر دوامیده یشیل چای ایچیب یورگن لیکلرینی ایتیشدی، پوری قیلینگن قاره چای تخمی فقط سیز نینگ دکانینگیزده تاپیلیشینی ایتدی اولر.»

«کؤرگینده اورتاق، بو قاره چای شونجه مهم بولیب قالگن اېکن که بو کېچه نینگ یرمیده اوزینگ نینگ وادینگدن بو پیرگه چاپیب کبلیب سن؟»  
«هان، هان عمک، جوده مهم دیر، بو کېچه همه‌میز نینگ قوتیلیشمیز منه شو قاره چایگه باغلیق دیر.»

«توبه دې بچیم، اې سېن نیمه دېسن؟»

«راست ایته‌من عمکی، خاله بچم کابل دن زنگ اوریب ایتدی، اگر شو کېچه همه قاره چای ایچسه، کروناگه یولقیمیدی دېدی.»  
«هی هی، آدم حیرت‌ده قالدی، خاله بچنگگه ایتمه‌دینگ می بو گپنی قه‌بېردن اېشیتگن.»

«عمکی ممکن ایشانمه‌سنگیز، ایگی - اوچ کونلیک بیر باله کابل نینگ شفاخانه‌سیده بو گپنی ایتگن اېمیش.»

«لا حول والله، سیزلر هم ایشاندینگیزلر می، ایگی - اوچ کونلیک باله قندهی گپیره آله‌دی؟»

«معجزه بؤلگن عمکی، معجزه.»

\*\*\*

عزیز ابه بیر سقیم قاره چاینی بیر گینه قاغذ نینگ ایچیده اوریب سرور نینگ

قۇلىگە بېردى. سرور بوتكول هييجانى بۇلگن اپدى، كېتمە - كېت اونى  
 آلقيشلب دعا قىلدى. عزيز ابەدن چوقور منتدارچىلىك قىلىپ او بىلن  
 خىرلىشىدى و كېچە نىنگ قرانغوسىدە پنه يوقاليب قالدى. عزيز ابە دوباره  
 اويىگە قىتىپ باردى. بىگىم، تور موش اورتاغى اۋرنىدە اوزەلىپ ياتگن  
 اپدى. عزيزابە قىتىپ كېلىشى بىلن سۋرەدى:

«قەبىردە يۇقالدىنگىز، دروازەدە كىم اپكن؟»

«عزت خان نىنگ اۋغلى قاره چاي اوچون كېلگن اپكن.»

«قاره چاي! قاره چاينى نىمە قىلركن، مگر خدانىنگ كوندوزى يۇق

مىكن كېچە نىنگ بى وقتىدە قاره چاي اوچون كېلگن اپكن؟»

«بىلمەيمىن، كرونا نىنگ شىرىدن قوتىلىش اوچون اپرتەلب قوياش

چىقمىسدىن آلدىن قاره چاينى ايچىشلىرى كېرەك اپكىنىنى ايتدى.»

عجبلەنىش حلى هم بىگمنى ترك اپتمەگن اپدى، تۋستىدن اۋرنىگە

تورىب اۋلتىردى:

«نېمە؟ نىمە دېسىز آتەسى؟»

«كابل دە يىنگىدىن قىسى بىر چقەلاق دىياگە كېلگن اپمىش، توغىلىشى

بىلن خدانىنگ قدرتى بىلن تىلگە كېلىپ، هر كىم بوگون قاره چاي ايچسە

باشقە اونى كرونا آلمەيدى دېگن اپمىش.»

«خدانىنگ قربانى بۇلەى، صدقەسى بۇلسم، قرەنگ آتەسى، مسلمان

بندەسىنى هيچ جاىگە يالغىز قۇيمەيدى. مصىبتىنى باشىدىن كۋترەدى.»

عزيز ابە سىلەسىنى باشىدىن چىقاراپ قۇيدى و كېيىن واسكتىنى هم

چىقىرىپ تشلەدى و اۋرنىگە اۋلتىرر اپكن دېدى:

«خاتىن جان سېن تور بىر قاره چاي دملە، قوياش چىقمىسدىن آلدىن

بالەلرنى هم اويغات. بو آسمانى بلانىسى هيچ كىم درسىت بىلمەدى.



رزقimizدن بو دنيادن قطع قيلمه سين.»

بيگيم يوكوريب اورنيدن توردي كورمال كورمال اۋزى نينگ چادريني قيديردى. كېيىن طاقچه گە بارىب اريكىننى باقيب آيب كېلدى. نېچە دقيقه دن سۇنگ عزيز ابه، بيگيم و تورت ته باله سى قاره چاينى دم به دم ايچردى و تام نينگ دېره زه سيدن تشقريگه هم قره ب قۇيرديلر. دېره زه دن تشقري بتكول قرانغو ابدى:

«او خاتين اويده قنچه قاره چايننگ بار دېمن؟»

«بيلمه يمن، اۋشه ياغ قىلى يريمىدن كۇپراق.»

عزيز ابه نينگ اېسه يوز و تيره سى عجبلىرلى:

«هه راستى؟ اېرتەلب اۋشه نى دكانگه اېلتىب قۇى اېسىنگن

چيقمه سين. اېرتەلب نمازدن قيتيشيمده دكان ينه بى چاي بۇلمه سين.»

«نيمه اوچون؟ ساتماقچىسىز مى؟ اېرتەلب قوياش چقىشى بيلن قاره

چاي باشقه كيم نينگ دردېگه تېگەدى؟»

عزيز ابه بير دقيقه سكوت قىلىپ، سۇنگره دوام اېتدى:

«قوياش چقىشى دېگنى، بامداد نمازى نينگ وقتى قضا بۇلدى و

ينه هېچ كيم قاره چاي اىچالمەدى دېيش معنيدە اېمس. عزت خان نينگ

اۋغلىنى هم گېي بو اېدىكە توشگه هم آدملىر قيله آله ديلر چاي اىچسەلر.

اۋشه چقه لاق نينگ اۋزى شو گېنى ايتگن اېمىش.»

«وى خدانينگ قربانى بۇلەى، قندهى معجزه سيني كورستهدى!»

بير ساعت دن سۇنگ، عزيز ابه مسجده اېدى و بيگيم هم اول آفشام

تيارلب قۇيگن خميرىنى تندرنى اوستيگه آيب باردى. قيشلاق نينگ هم بير

نېچە ته عيالى بوندن آلدن تندر اوستيگه كېلىپ، نان ياپىش اوچون تندرنى

تيارلب قۇيگن اېديلر. شوندهى قىلىپ ايگى منبعدن خبرنى پخش قىلىشگه



باشله دیلر. هنوز قویاش کؤتریلمه گن ابدیکه بوتون قیشلاق نینگ آدملری قاره چای و گپیروگن چقه لاق خبرینی ایشیتدیلر. عزیز ابه هم بیرنچه کیشی عبادتچی بیلن دکانیکه قیتیب کبلگن. نمازنی اوقیب قیتگنلر هم عزیز ابه نینگ دکانی ایشیگیده قاره چای آلیش اوچون صف توزگن ابدیلر. اوازق وقت اؤتمه ی عزیز ابه دکانی نینگ ایشیگیده گی صف چؤزلیب کبتدی، قویاش قنچه آسمانگه کؤتریلمه سین، عزیز ابه دکانیده پوری قیلینگن قاره چای نینگ هم نرخی بلند کبتردی. باشقه تامادن یاغ قطی سیده گی قاره چای هم کمه ییب بارردی.

عزیز ابه نینگ قیمت فروش لیگیدن آدملر نینگ داد و فریادی چیقدی. عزیز ابه بیر پوری قاره چاینی یوز افغانیکه ساتردی. قاره چای آله دیگنلر بیرى تقریباً بقیریب یوباردی:

«به لیاز خدا، کابل ده بیر کیلوسى یوز روپیه، سېن بیر مثقالینی یوز روپیه ساته یپسن؟»

«نیمه دېسن دادخدا! کابل ده قاره چای تاپیلمه یدی، قحطی بؤلگن، چقه لاق بو گپنی ایتگندن بیرى کابل اېمس، بوتون اوغانستان ده قاره چای تاپیلمه دی. اؤشه باشقه اولکه لرده هم قاره چای تاپیلمه یدی. هندده قنچه آدملر کرونا کسللیگیدن اؤلگنینی ایشیتمه دینگمی؟ اؤزلریگه ضرورت. مېن اویمده گی چانی کبلیتیردیم، آدملرگه رواج بؤلسین دېب. اله سن آل، آلمه یسن دکانی دینی قویبیر، باشقه نفرلر کبلسین.»

دادخدا هیچ نرسه دېمه ی آراملیک بیلن چای پوریسینی آلیب چپتگه چیقدی. توستدن عزیز ابه نینگ ذهنیده بیر موضوع تاپیلدی، یوگوریب اؤرنیدن توردی، دکانینگ تۆریده اوئی تامانده قوریلگن تېشیکچه دن باشینی چیقاریب قیچقیریب بوباردی:



«امىن!... او امىننن!»

ابندى يىگىت بۇلگن بالە نىنگ سېسى اوتاماندىن كېلدى، جواب بېردى:  
«چاپىب كېل، ايش بار!»

عزىزە، دكانى نىنگ قرشىسىدە گى جمعتنى چىدملى بۇلىشگە  
چقىرىپ، دېدى، تېز قىتىپ كېلەمن دېدى. كېيىن دكان نىنگ دخلىدىن بىر آز  
پول آلىپ كېيىنگى اېشىكىدىن تشقردى...

\*\*\*

قوياش آسمان نىنگ يرمىگە كۈترىلىپ يېتىگن اېدى. امىن تېرلب و نفسى  
كۈيىپ يېلكەسىدە بوجىنى كۈترىپ فرعى يۇلدىن چىقىپ قىشلاق تامان  
كېلىنەدىگن اصلى يۇلدىن كېلىدىدى. تقريباً اويگە يېتىگن اېدى. آتەسى  
نىنگ دكانى قرشىسىدە گى جمعيت سان سىز اېدى. اوزاق و يقىندە گى  
قىشلاق نىنگ برچە آدملىرى اۋزلىرىنى عزىزە نىنگ دكانىگە يېتىزگن اېدىلر.  
برچە كوتىپ تورردى. امىن اويلرى نىنگ اساسى اېشىگىگە يقىنلشمسدىن  
اۋگىرلىپ، حويلى نىنگ آرقەسىگە كېتىدى. ديوار ياندىدە بوجىنى يېلكەسىدىن  
قۇيدى. كېيىن بوجىنى حاولى نىنگ او تاماندىن بو طرفىگە تشلىنگن ايپگە  
باغلىدى. ايپنى بىر بار - ايگى بار اۋز تامانگە تارتدى. سۇنگرە ايپ او تاماندىن  
تارتىپ آلىندى. اونچە آغىر بۇلمەگن بوجى كۈترىلىشى اوچون ياردم بېردى.  
بوجى بلند كۈترىلدى اما پرچالده بند قالدى. امىن بۇيىنى چۈزىپ ايگى  
قۇلى بىلن اونى يوقارىگە سوردى. بوجى پرچالدىن اوزىلىپ ديوارنىنگ او  
تامانىگە توشدى. يېرگە بارىپ تىگىگىنىنى هم اېشىتىدى. قۇللىرىنى لباسى  
بىلن تازەلەدى و قىتە اوى نىنگ اصلى يۇلىدە يورىپ كېتىدى. دكان اېشىگىدە  
زېركىن جمعيت كوتىپ اۋلتىرگنلىكىدىن بىر - بىراولرىگە گېرىدىلر.

«بو كرونا نىمە بلا اېدى! بىزلىرىنى ايش و كوچدىن قۇيدى»





«خدا بخير اۋتكزسين!»

«منه توش هم بۇلدى قاره چاي كېلمسە دېب قۇرقە من»

«يۇق، بابا، اۋشە چقە لاق كېچگچە هم قاره چاي ايچسەلر بۇلەدى

دېگن اپميش.»

«توبە خدایا! خدانینگ قدرتيگە قرە اه!»

شو وقتدە عزیز ابە دکانینگ آرقە ابشىگيدن كيريب بقيريب يوباردى:

«يوگورینگلرکە قاره چاي كېلدى!»

جمعت دکان تامان هجوم قیلدیلر.



## كرونا دارىسى نىنگ كاشفى

گالالى، تشوئش و خواطرى بىلن اپرى نىنگ تۇشەگى يانىدە اۇلتىردى. بىر نېچە آى آلدىن دىگروال ( اپرى ) يورەك عملىياتى بۇيىچە جراحلىكنى هندوستاندە اۇتكزگن، ھنوز ھم يورەگى راحت اېمىسلىگىدن شكائىتى بار. گالالى، اونىنگ يورەگ كىسلىگىدن خواطردە، اونى كتە بىر آغرىق قىنەيدى. كۇزلىدىن اويقو اوچگن، دىگروال ارىغلب قالگن. گالالى اونىنگ قۇلدىن بېرىش خواطرىدە. كتە گۇدەلى آدم، تېرى ايچىدە يىخلىت سويككە ايلەنىپ قالگن. جىغچىققەلىرى چۇكىب ايچكرى كېتگن اونىنگ ايچكرىگە كىرىپ كېتگن كۇزلىرى گالالىنى قۇرقىتىپ ھم قۇيەدى، او اۇزىچە دەيدى:

- بو كرونا نىمە بلا اېدى جانىمىزگە ياپىشدى.

تشوئش و خواطرى تۇلقىنلەنىپ تورگن كۇك كۇزلىرىنى آسمان سارى

كۇترىپ قرەيدى:

- خدايا! سېن بو بلانى امان اېسان اۇزىنگ كۇتر. بىز بىچارە خلىق نىنگ

غمىمىز آزمىدى، اېندى كرونادېك بىر بلاگە ھم مېتلا بۇلىپ قالدىك.

گالالى، كرونا نىنگ بىرىنچى مرتە آلتىنى رىسانەلردن اېشىتىگىنى

اېسلەيدى، آدملىر تىفاوت سىزلىك بىلن بو كىسلىك چىن نىنگ وھان شىھرىدە دىر، بىزلىرگە نىمە دەپ ايتىدىلر.

قىسقىمە مدت اىچىدە ايران اولكەسى بو بلاگە مېتلا بۇلدى و ھەر كۈن خىرلىردە بو مېلكەتدە قىچىدە آدملىر كرونا بۇلگىنى و قىچىدە انسانلر بو كىسلىككىن اۋلگىنىنى ايتىدى. بو كرونا سىبب ايراندەگى افغانستانلىك مېھجرلردن ھەر كۈنى اۋن مېنگ - يىگىرمە مېنگ مېھجر مېلكەتگە قىلىپ كېلىشىگە مېجور بۇلدىلر. بولر دستلېب ھرات شىھرىگە اوندىن كىين اۋز شىھرلىرگە تىرقەلېب كېتىدى.

كۆپ وقت اۋتمەى كرونا اىنگ كىتە قىرمانلىكىنى ھرات شىھرىدە آلدى و كابلگە ھم بېتىپ كېلدى. گلالى نىنگ خىواطر بېتە اېمىس، باشقى تىماندىن اونىنگ كىتە اۋغلى ھم ھرات ولايتىدە عىسكىرلىك قىلەدى.

اونىچە مرتە اۋغلى نىمى بىلن تىلفوندى گىپىرگن، اوندىن رىخىتى آلىپ اۋيىگە قىتىشىنى سۈرەگن. نىھىت نىمى آتەسى نىنگ گىپىنى بېردە قالدىرمەى رىخىتى آلىپ كابلگە اۋيىگە قىتەدى.

اونىچە كېلەدى، لىكن يالغىز اۋزى اېمىس، كرونا وىروس بىلن بىرگە. بونى نى اۋزى بىلەدى نى ھم عايلەسى. ھمە اونى خوش قىرشىلىپ آلەدىلر و دىگىرال آتەسى كۆپراق قىرشىلەيدى. اونى اۋغلىنى بار - بار بىرگە باسىپ قوچاغلەيدى و ساچلىرىنى سىلىپ اۋپەدى.

- آتەسى نىنگ اۋغلى، يىخىشى بۇلدى بىخىر كېلدىنگ، آتەنگ تىشوىش قىلىپ تىشوىش قىلىپ قىرىب اۋزىنى ھم مېنى ھم دىوانە قىلىشىگە آز قىلگن اېدى.

- آتەم جودە تىشوىشلى آدم.

- بىچىم، آتەنگ خىوايتەدى، ھەر مرتە ھراتدىن كرونا خىبرىنى

پىشىتگىنىمىزدە، ايچىمگە بۇرى كىردى و اويقو كۇزلىرىدن اوچردى.  
 ھنوز ايگى - اوچ كون اۋتمەگن، نعيم اۋزىنى بىراز كسل، باش آغرىق،  
 ايستىتمە و يورەك اوخشىمە حس اېتەدى:

- آنە اۋىلەيمىن بوتون تنىم تگە - تگە بۇلەپىتى، جودە زېرىككىمن و  
 كسالتىم بار.

- اۋغلىم، آغرىغىنگ تاغ و تاشلردە، آدملىرىنگ كېگە كۆرە و  
 اۋىلەشىمچە، ايگى ھوالىك بۇلدىنگ كابل ھواسى سېنگە ياقمەدى  
 شىكىللى.

- بىلمەدىم آنە، كېچە تانگ آنگونچە كۇزىم يومىلمەدى، كۇزىمدە ھىچ  
 اويقو يۇق اېدى.

- خدا سقلەسىن كسل بۇلمەگىن اۋغلىم، صبر قىل بىر آز سبىزىدە آش  
 پىشىرەمن سېنگە، ايسىق - ايسىق ايچ يىخى بۇلىب قالەسن.

- پىشىرەنگ آنە، ھىچ يورەگىم ايستەيدى، بىر قسم يورەگىم اوخشىب  
 - اوخشىب كېتەدى، آوقتى ايسى باشىمگە يامان تېگەدى.

نعيم نىنگ دواملى قوروق يوتلى ھم بار و كېچەلر اويقوسىنى كۇزىدن  
 اۋغىرلەيدى. اېندى اۋزى و عايلەسى ھم بو نرسەدن خواطردەلر.

آنەسى تۇرت يوز اۋرىنلىك شفاخانە (سردار محمد داوودخان) گە  
 بارىشىنى تاكىدلەيدى، چونكە اۋزىچە بعضى دارىلرنى ايچگن ھىچ تائىر  
 قىلمەگن و حتى كسللىگى و يوتلى ھنوز بىر آز كۇپەگن دىر.

- آنەنگ صدقە، يوتلىنگ كۇپەيگن رنگ و روپىنگ ھم اوچگن،  
 بوگون آتەنگ بىلن تۇرت يوز بسترلىك شفاخانەگە آتەنگ بىلن بىرگە بار،  
 ايكاولرىنگىز ھم حربى آدملىرى سىزلىر، اۋشە شفاخانە سىزلىر اوچون مناسب.  
 - كېتەيمىن آنە، شفاخانە نىنگ ھىدىنى ياقتىر مەيمىن.

- شفاخانا ايسى نىنگ قەسەسىدن بۆلمە، اگر بوگون كېتەمەنىگ، اپرەتە بارىشىنىگ كېرەك.

دگروالنى قىسقىقە خورسېنىشى گاللىنى خىياللات اۋقاندىن چىقارايىب تىشلەيدى. يوزىدن رنگى اوچەدى. اپرى اوزىب - اوزىب نەس آلەياتگىنى كۆرەدى. اپرى آكسىجىن ماسكىنى آغزىدن اوياققە آلىب تىشلاش اوچون حرەكەت قىلەدى.

گاللى اونگە مانەلىك قىلىپ مەربانلىك بىلن اونىنگ قۇللىرىنى اوشلب اپرەكتەدى. اونىنگ كۆز ياشلىرى تامچىلىرى دگروال نىنگ قوروق برماقلىرى اوستىگە تامەدى و قىتق بىغەگنلىكدن اونىنگ بىلكەلىرى تىترەيدى.

او آغىر كونلرىنى اېسلىەدى و اۋغلى نەيم نىنگ تېكشىرووى نەتىجەلىرى تۇغرىسىدە خىبر بېرىلگندە اۋزىنى قنچەلىك يامان و قىغولى حس قىلگىنىنى اېسلىەيدى:

- دگروال صاحب، اۋغلىنگىز كرونا كىسلىگىگە چلىنگن و تېزلىكدە اونى بىستە ايتىش كېرەك.

- نىمە دەپسىز داكتر صاحب؟

- آتە! كۆپ شاشىلمىنگ، يوزىنگىزدە هېچ قان قالمەدى، مېن ساغەلەمن.

- دگروال صاحب، اۋغلىنگىز هر قنچە تېز دوالنسە شونچە يىخشى

بۆلەدى، تېكشىروولرىگە قرەگندە اۋپكەلرىدە بىر آز مەما تاپىلگن، اگر دە تېزلىكدە دوالنمەگندە....

- درىست داكتر صاحب، تۇغرى ايتە سىز.

بوگىنى اېشىتىش بىلن آتە نىنگ سىماسى بوتكول اۋزگرەدى حتى اونىنگ

بوغداى رنگلى يوزى قارەيب كېتەدى. نەيم اونىنگ كتە اۋغلى دىر. حتى

اونىنگ اوزاق اوخلەشىنى هم چىدە آلەمەيدى!

داكتىرلەر نىم بىستىر قىلىپ قىتىق و جدى مراقبت آستىگە آلىشنى  
اىستىمىدىلەر. اۋغلىنى يالغىز قۇيىشنى اىستىمىدىگن آتە، قىغولى بىر حالتدە  
دېدى:

- داکتر صاحب! مېنى ھەم بالەم بىلەن بىرگە بىستىر اېتىنگ.  
- بۆلمە يىدى دىگروال صاحب، بو جودە يامان يوقمە كىسلىك و نىم بىلەن  
بىرگە بىستىر بۆلىش سىز اوچون اصلا مەمكىن اېمىس دىر.  
- آتە، داکتر صاحب درىست اېتەدىلەر، اۋزىنگىز نىنگ يورەك كىسلىكىگىز  
بار و كرونا اېسە سىز اوچون جودە خوفلى دىر.

- آتەسى نىنگ اۋغلى، مېن سېندەن زىاد اېمىس مەن، سېن يالغىز بو پېردە  
قالسىنگ مېن اصلا چىدە آلمەيمەن.

- آتە، نېگە اۋزىنگىزنى باي بېرگن سىز، مېن اۋزىمدەن كۆرە سىز نىنگ  
توشوشىنىگىز دە مەن.

- بېچىم، بو سېنى كىسلىكىگىزنى تاثير بۆلىشى مەمكىن، مېيەم چىقەلىپ  
آغرىدى حىياتىمدە بوندە يامان باش آغرىق بۆلمەگن اېدىم.  
- داکتر صاحب! داکتر صاحب! آتە مەن ھەم مەئىنە قىلىنگ، وضعىتلىرى  
يىخشى كۆرىنمەيدى.

- داکتر صاحب، مېن نىنگ كۆكرەگىمدەگى قفسدە آغىر درد حس  
اېتە مەن.

آتە اۋزىنى قىتىق باش آغرىغى و كۆكرەگىدە آغرىق حس قىلىشىنى  
ايتىگندە، داکترلەر اونى مەئىنە قىلىشگە اولگورەدىلەر و مەئىنەدن سۇنگ، او  
ھەم كويد ۱۹ كىسلىكىگە يولىققىلىگى انىقلاندى، دىگروالى ھەم اۋغلى  
نىنگ يانئىدە بىستىر اېتەدىلەر.

يورەك كىسلىكى بارلىگى اوچون اېرتەسى دىگروال نىنگ وضعىتى



يامانلىشىدى، اوشبو واپروس بونىنگ اوچون كۇپراق خوفلى دىر.  
 ابندى گلالى نىنگ قيغوسى اۋزى نىنگ اوچىگە يىتگن، او اۋغلى اوچون  
 كۇپ تشويشده. داکترلرگە كۆرە، كرونا اونىنگ اۋپكەسىنى تکه تکه قىلگن و  
 گلالى نىنگ اۋغلىگە خداوند دن شفا سۇرەش بۇلك چارەسى يۇق.  
 گلالى چوقور خورسىندى، اپرى و اۋغلى بىستر قىلىنگن اتاقده قدم  
 اورىب ايلنەدى، اوستيده گى كيىمى جانىگە كتە بۇلىب قالگن و بېلى نىنگ  
 دامنى ايلنەدى. او جوده آغىر وزنلى كوچلى عيال اېدى، لېكن بو كېچە و  
 كوندوز اوقو و نانى حرام بۇلگن و حتى نېچە كونلردن بېرى اۋزىنى آينه ده  
 كۆرمەگنلىگىنى اېسلەدى.

گلالى نىنگ بىر اياغى اويدە و بىر اياغى اېسە شفاخانهده. هر كون  
 اپرتەلب كوكتده پىشىرىلگن شوربە، ميوە، لىمو و زنجىل تشلنگن چاى  
 آلىب شفاخانهگە جۇنەدى، ايسىق اوقتلر اينىقسە لىمو و زنجىللىك چاى  
 كرونا كىسلىگى اوچون كۇپ فايدهسى بار اېكنىنى آدملردن اېشيتگن.  
 هيچان و خورسندچىلىكدن تىترەگن اۋسپىرىن جلال نىنگ آوازی  
 گلالىگە قووانچ كېلتىرەدى. اۋغلى، سىلونىنگ يقىنىدە قىسى بىر كىشى  
 كلينك آچگن اېمىش او كىشى داکتر بۇلمس ليگىگە قىرمەى، كرونا  
 واكسىنىنى توزەتگن دېب ايتەدىلر دېب آنەسىگە مژدە بېردى.

- آنە، بىر كىشىدن اېمس، بو گېنى نېچە كىشىدن اېشيتدىم. حكيم  
 الكوزى آدملرگە كرونا دواسىنى مفت و تېكىن بېرىب تداوى قىلر اېمىش.  
 - بىلمەيمىن اۋغلىم، بىلمەدىم بو حكيم الكوزى نىنگ تداوسىگە  
 ايشانىب بۇلەمى بۇلمەيمى؟

- قۇشنىمىز نىنگ اۋغلى رشاد آدملر چوماليدىك معاينه خانەسى نىنگ  
 قىشىسىدە يىغىلەدىلر دىدى. اپرتەدن آقشامگچە اونىنگ معاينه خانەسىدە



كرونا دواسى كوترمىش آدملىرى.

- جلال اۋغلىم، خى اوندەى، او كىشى نىنگ بىرار حكمتى بۇلسە دېمن.  
كېل خدا مهربان. شو دوا سبب بۇلىپ اكەنگ و آتەنگ بخىر ساغەلىب  
كېتسەلر كاشكى. اينىقسە نعيم اوچون يورەگى كۇپ قان بۇلەدى، اۋپكەلرى  
عيسى بۇلىدى دېب اېشىتىگىدن بېرى نى كېچەنى بىلەمن نى كوندوزنى.  
گلالى يوم - يوم يىغلەدى و جلال اېسە آنەسى نىنگ كۆز ياشلرىنى  
ارىتر اېكن، قندەى ھم بۇلسە حكيم الكوزى قطرەسىدن تاپىب كېلتىرىشدىن  
ايشانچ بېرەدى.

آنە بو خبرنى اېشىتىگىدن جودە ھىجانلنگن، او درحال تەكسى گە  
اۋتيرەدى و جلال بىلن الكوزى تخلصى بۇلگن قندھارلىك نىنگ كلينىكى  
گە بارەدى.

او بېرگە بارىشى بىلن آدملىرى گوجوملىگىنى كۇرىب عىبلنەدى. اېرتەلب  
كىچقورن خفتنگچە ھم كوتەدىلر بولرگە نوبت كېلمەدى. دوبارە او يگە  
قىتىب كېلىشگە مجبور بۇلەدىلر. اېرتەلب ملا آذان ينە بارماقچى بۇلەدىلر.  
- بېچىم، ھنوز تانگ آتەگن، مېن و سېن بىرىنچى كىشى مېز كە بو بېرگە  
كېلدىك.

- آنە، مېن مەنە شو بېردن كۇرەيېمن كە آدملىرى نىچە قطار بۇلىپ معاينە  
خانە نىنگ آلدېدە تورگىلر.

- ھە، ولە، آدملىرى كېچەنى شو بېردە اۋتكزگنگە اۋخشەيدلر.

ھنوز ھم ھو قرانغو آنە - اۋغىل اۋزلىرىنى محلگە يېتكزەدى. بولر  
محلگە بېرىنچى كېلگن آدملىرى اېمىس اېكىندىن يەنە عىبلنەدىلر. آدملىرى نىنگ  
گىپىدن شونەدى يېقەيدلر كە اولر كېچەنى ھم الكوزى نىنگ معاينە خانەسى  
آرقەسىدە اۋتكزگنگە اۋخشەيدلر.



مشتريلىر آرسىده اولر نىنگ اۇنگ قۇلى قۇشنى دوكتور حميدنى كۇرگن  
جلال جوده حيران قالدى:

- هو هو، اگر خطا قىلمه گن بۇلسم داکتر حميد هم شو پىرده!  
- بچيم، داکترلر بو گىلرگه ايشانمه ي، قىشى باشقه بير كىشىنى كۇرگن  
سن.

- يۇق آنه، اۇزى دىر.

- خى بچيم، اونده حكيم بىره دگن قطره نىنگ حتمن فايده سى بار،  
حكيم الكوزى كرونانى دواله شىگه حالى ايشانچيم كامل بۇلدى.

جلال هم دوكتور حميد نىنگ اوستيدن كوله دى، هم اۇزىنى قانىقتيره دى  
و كرونا كسللىگىنى دوالشه فايده لنگن الكوزى نىنگ تامچىسى گه  
ايشانه دى و يوره گيده اميدوارلىك اويغانه دى، احتمال اكه سى و آتەسى  
نىنگ نجاتى هم شو سحرلى و معجزه يى قطره گه باغلىق بۇلسه.

كرونا و يروس افغانىستانده كېنگ كۇلمده ترقلگن بير پىتده، بير طبيب  
تامانيدن بو كسللىك نىنگ دواسى توزه تىلىشى ايرىم جنجاللرگه هم سبب  
بۇلدى.

يکشنبه كونى (۳۱ مى ۲۰۲۰) ساغلىقنى سقلش وزيرلىگى اۇتگن ۲۴  
ساعت ايچيده ينگيدن ۶۸۰ مورد كرونا كسللىگى انىقلىنگنى باره سیده خبر  
بېردى.

شونده ي بير وضعيتده حكيم الكوزى بو كسللىك نىنگ دراوسىنى  
توزه تگنى و بو دارى بيلن بير قنچه آدملىرنى دواله گىنىنى ادعا قيله دى.  
ساغلىقنى سقلش وزيرلىگى:

اوشبو دارى خلق ارا لاباتوارلر آرقه لى تېكشیر يليب تصدیقلىنمه گونگچه،  
فايده لنمس ليگى كېره ك دېدى.



اوشبو طبیب کوید - ۱۹ کسللیگینی دوالش اوچون ایشلب چیققن داری - درمانلرینی پارلمان اعضالری یاردمیده ساغلیقینی سقلش وزیرلیگی نینگ رخصتی سیز افغانستان بؤیلب ترقه تیش نیتیده اېکنلیگینی دعوا قیلماقده

هنوزگه دنیا بؤیلب هیچ بیر لابراتوار کوید ۱۹ واکسینی ایشلب چیقاریشگه موفق بؤلمه گن. لېکن طبیب نینگ ایتیشیچه، تریاک قوشیمچه اؤن بیر قسم اؤسیملیک دن توزتگن.

عادی اهالی دن تشقری اؤنلب وکیل وکابینه نینگ وزیرلری اوشبو حکیم نینگ کلینیکیگه باش اوریب، اؤزلری و عایله لری اعضالریگه داری آله دیلر. مذکور حکیم تاماندین کرونا داری سینی ایشلب چیققنلیک ادعاسی جنجالی حلی اؤزیگه بیر آز سیاسی توس هم آلگن دیر.

یوزلب کیشی ساغلیقینی سقلش وزیرلیگیگه قرشی اعتراض قیلیب سبجان کلینیکی قرشییسه ییغیلیب حکیم گه فعالیت قیلش اوچون رخصت بېریلشینی سؤره گنلر. شونده ی بیر شرایطده حکیم الکوزی نینگ افغانستان سابق جمهور رئیس حامد کرزی بیلن اوچره شیشی هم بحثلرگه ایلنگن.

قندهار خلقی نینگ نماینده لر مجلسیده گی اعضاسی سید حمد سیلاب حقیقت معلوم بؤلشی اوچون حکومت دن حکیم الکوزی نینگ داری سی تېز ارده لابراتوار قیلینشینی ایسته یدی.

بوندن آلدین، قندهار ولایتی کینگش باشلیغی سیدجان خاکریزوال هم بیر ییغیلیش ده حکیم الکوزی نینگ فعالیتی الدی الینگن تقدیرده، آدملر اوندن حمایت بیلدیریب کوچه و بازارلرگه چیقهدیلر دیب تهدید قیلگن ایدی. قندهارلیک مذکور ایگی نماینده حکیم الکوزی هنوزگچه مینگلب



کیشینی دواله گنینی ادعا قیله دیلر.

افغانستان دن تشقریده گی داکتر لر جمله دن آلمان نینگ هایدلبرگ شهریده گی شفاخانه نینگ متخصصی داکتر سمیر بیات، جرمنی و هالند ایچکی کسللیکلر بویچه داکتر لر بیرلشمه سی اعضاسی اسدالله ژرفین هم کابلده بیر حکیم نینگ دواسینی قؤلکه کپلتیریش اوچون اؤنلب کیشی نینگ بیر پیره ییغیلگنیدن جدی خواطر بیلدیرگنلر. داکتر ژرفین نینگ سوزلریگه کؤره:

- دنیا شونچه لیک رواجله نیشیگه قره مه ی هنوز کرونا داری سینی توزته آلمه گن، لیکن، بیر حکیم نینگ داری سی قنده ی قیلیب سلولرگه باریب کرونا کسلینی قوتقره آله دی؟

ساغلیقنی سقلش وزیرلیگی نینگ سرپرستی احمد جواد عثمانیگه کؤره:

- «کرونا واکسینی کشف» قیلگن لیکنی ادعا قیلگن حکیم الکوزی نینگ فعالیتی توخته تپله دی، و اونینگ اؤزی هم ایچکی ایشلر وزیرلیگی ارقه لی قؤلگه آلینب عدلی و قضایی اداره لرگه تانیشتیریله دی. شونینگ اونینگ ایتیشیچه:

- اونینگ داری - درمانلری نینگ ثمره دارلیگی اثباتلنمه گن، اما اوشبو داری گه تۆقیز تورده گی تینچلنتیر و وچی و مست قیلو وچی واسطه لردن فایده لینه دی و اون تپز - تپز ایشله تیش اعتیادگه آلیب کپله دی. اوشبو صحی مرکز نینگ رسمی فعالیت قیلش حجتی بؤلمه گن و شونینگدیک بو مرکزده کرونانی دوالش اوچون ساتیله دیگن واکسین نینگ ترکیبی هنوز معلوم اېمس دیر و حکیم نینگ اؤزیده علمی حجت یوق اونده فقط یونانی داریلرنی توزه تیش و ایشلب چیقاریش جوازی بار.

اۋزىنى يونانى طبىب دېب تانىشتىرگن حكيم الكوزى نىنگ ايتىشىچە:  
- اوشبو واكسىن طبعى اۋسىملىكلرنىنگ عصارەلر يىدن قۇلگە  
كىرىتيلگن. مېن نېچە ھفتە تېكشىروو و سعى و حرەت دن كېيىن بو كسلىك  
اوچون واكسىن تيارلەدەيم.

او اۋز نطقلىرىدن بىرىدە بوتون دىياگە قرشى چىقدى و شوندى دېدى:  
- مېن قۇل آچىق كرنا كسلىگىگە يولىقمن هر بىر كىشىگە قۇل بېرەمن  
و سىزلىرگە چلنچ بېرەمن دىيا جماعە چىلىگى قۇشىمچە كىم مېنى كرنا  
كسلىگىگە يولىقتىرە آلەدى، اگر برچەلر نىگىز مېنى كرناگە مبتلا اېتە  
آلسىنكىز اوندى مېنىنگ دارى ايشلب چىققىمىم هم اۋرىن سىز دىر.

مبارك حكيم نىنگ سۋزلىرى ھنوز توگمەگن بىر پىتدە اىستىتمە، يوتل،  
باش آغرىق، نفس قىسىلىشى بۇلگن كسللر سىلىك دېك تۇدە - تۇدە بۇلىب  
اونىنگ حضورى بۇلگن محلگە كېلىدىلر و حكيم الكوزىدن حمايت  
بىلدىرىب، شعار بېرىب دېدىلر:

- حكيم! حكيم! سېنى حمايت قىلەمىز و افغانىستان نىنگ نظىرى  
بۇلمەگن بو مرشدىگە فعاليت رخصتى بېرىلسىن.

دگروال نىنگ رنگى جودە قارەيگن و كۇزى نىنگ تېورەگىدە گى قارە  
حلقلەر هم قېقرا بۇلگن. گلالى نىنگ يورەگى جايىدە اېمس، اونىنگ  
كۇنگلى يىمان گواھلىك بېرەدى. او هم كسالت و جان اغرىق احساس  
قىلەدى، باشى هم ايلنەدى و آغزى كېلنەدى. اۋزىگە دېدى:

- بىلەمن مى دردىم نىمە؟ نېچە كېچەدن بىر اوخلمەگن و كوندوزلىرى  
هم آوارەمن. بو پرىشانلىكلر سبب بۇلگن اشتھامنى قۇلدن بېرىم. ھە  
راستى نېچە كوندن بېرى اصلا درست نان هم پىمەگنمىن. ممكن فشارىم  
قوى كېلگن بۇلسە، حال سىزلەنىب قالىگىمىم هم شوندىن دىر.

جلال خوشلىك و خرسندلىكدن بقىرىب يوبارىب اونىنگ كسلىك خياللىرىدن چىقرهدى. اونىنگ هيجاندن تاووشى تىترهدى، آخر - عاقبت موفقىنگه اپرىشگنلىكى و تامچىنى آلگنى حقىده آنهسىگه خوش خبر بېرهدى.

آنهسى قىغولى بىر آواز بىلن جلال و باشقه فرزندلىرى نىنگ عمرى اوزون بۇلىشى اوچون دعا قىلىب دېدى، اوشبو سحرلى تامچى بىلن ابندى آنهسى و اكهسى كسلىكى ساغه لىب كېتسه كاشكى.

هر ايكىسى شاشىلىب شفاخانه تامان جۇنهدى و شفاخانهگه بارىش بىلن آنهسى سحرلى تامچىنى ايكى ته گىلاس تشلب بىز آز سوو بىلن تورموش اورتاغى و اۇغلىگيه اچىرهدى.

اپرتهسى كونى هم مىنگ بىر اميد بىلن آوقت و لىمو و زنجىللىك چاى تيارلب عزىللىرى تامان جۇنهدى. اوزى نىنگ كسالتىنى اېسدن چىقارهدى، هېچ كىمگه حالىنى شرحلب بېره آلمهيدى.

اگر ماھر رسام بۇلسه، احتمالكه دنيادهگى اېنگ قىغولى رسمنى چىزگن بۇلردى!

هر دىقېده سوو بۇلهدىگن و يورهگى تامچى - تامچى بۇلىب آقه دېگن بىر عيال و آنه تصوىرى. هر بىر قرهشده مىنگلب تشوىش و عذاب - عقوبتلرنى تۇلقىنلنتىرهدىگن انسان تصوىرى.

اپرى و اۇغلى يانگن اتاق نىنگ اېشىگىنى آچىشى بىلن داکترلر ماسكلرى، قۇل قاپلىرى و مخصوص كىملىرى بىلن بىرگه بۇلىشگىنى كۇردى و اولر خواطرگه توشىشدى، رنگى يوزىدن اۇچىب كېتدى و او يورهگى نىنگ آوازىنى اېشىتدى. اونىنگ يورهگى يامان گواھلىك بېرهدى و اونىنگ باشىدن مىنگته يامان فكرلر اۋتهدى:



- خدایا خیر! نیمیە اوچون بوتون دوكتورلر چلكشيب قالگنلر؟ سۇرەب كۆرەمن.

گلالی داکترلردن ایضاح بېرىشنى سۇرەدى. داکترلردن بېرى - قلىن قارە ساچلى، یشیل رنگدەگى ییگیت و گلالی اونى او بېردە كۆپ مرتە كۆرگن، او دېدى:

- آنە، كسللرینگىزنى ساغلىق وضعیتی یخشى اېمس و بولرنى كۆپراق مراقبت اېتىشگە احتیاجى بار.

گلالی ییغیلەگندېك قىلىب فریاد قیلەدى:

- قندەى ممکن بۇلمەسین، مېن بېر مینگ قىینچىلىك بیلن الكوزى نینگ سحرلى تامچىسىنى تاپىب كېلتىرىب ایچىردیم، قندەى ممکن بۇلمەسین؟ ساچلرى ماش و برنج بۇلگن ینە بېر داکتر ناراضى قرەگندىك بۇلىب كولىب دېدى:

- بو معجون، یلغاندن بۇلك نرسە اېمس لیگىنى بېلسنگىز ایدی كاشكى. آردەن نېچە كون اۇتگن. اۇغلى نعیم ییگیت لیك کوچى بیلن كرونا وایروسگە قرشى كورەشيب ساغەلىشى ممکن، لېكن اېرى نینگ ساغلىق احوالى هر كون یامانلشەدى.

گلالی، دگروال تامان قرەیدی، ایكى كوندن بېرى او كۆزلرینی آچمەگن، كۆكسیدن ضعيفگینه خرخر تاووشى اېشیتلەدى یو بس.

دگروال بیلن ییگىر مە سگىز بیل مشترک حیات كېچىرگىنىنى اېسلەدى، بو بیللر جریانیدە حیات نینگ قنچە یخشى یامان كونلرینی تجربه قیلگن اېدى. اېرى هر بېر ولایتگە تدبیل بۇلگندە، خاتینی هم اونینگ یانیدە بۇلىب او بیلن سفر قیلیشگە مجبور اېدى.

بلریدن كولگی اریگن بېر حالده، قیغولی بېر خیرگاھی قیلەدى:



دارى كورنا

احليم الكورنى





- آه، حیات بو اوزاق و عجیب بیر سفر دیر، احتمال بختلی آدملر اوچون اوزاق دیر. بیرگه لیکده قیلگن سفریمیز مېنیمچه جوده قیسقه اېدی، قیسقه! نعیم نینگ آوازی اونى كابوسدن چىقره دی و او کون نینگ اېنگ آغریقلى خبرینی اېشیتته دی. گلالی تورموش اورتاغی جسدیگه عجبلىگن كۆزلىر بیلن قرهیدی و تاشنى اېرتیب یوباره دیگن قیچقیریق بیلن یاتگن جایگه ییقیلیب، هوشیدن كېته دی.



## كېكسە طبيب

سحرگرلىك نىنگ بو موسمى بۇلگن بهار اۋلىك طبيعتنى قېتە تىكلەدى. بى بى آفتاب، پېتمىش يىللىك حياتىدە بو فصل و اونىنگ كشفىياتى بىلن يىخسى تنىش.

او بوتون حياتى دوامىدە بدخشان نىنگ باشقە حدودلرىنى كۆرمەگن و اوشبو جوزگون فيض آباددن باشقە هېچ بىر ولايتگە سياحت قىلمەگن عيال. دۇستى ياكە تىشىدن هر گل كابل اسمىنى اپشيتسە، هيجان او آرقەلى تۇلقىنلىب، پايختگە بارىشنى آرزو قىلەدى.

قىزىغى شوندىكى، او كابل دەگى دۇستلرىدن حكاية ايتگندە، هنوز هم اونی اېلىك يىل اۋتمىشده يشەيدى دېب اۋىلەى سىز، چونكە او هر دايم پادشاه و شاهلىك تختى، تخت و شهزادەلر و ملكە دورانى حقىدە گپىرەدى. او بدخشان نىنگ محلي اھالىسى كىبى جودە ياقىملى و اۋزىگە خاص بىر لهجەگە اېگە و هر بىر جملەسىدن كېپن او خودى شوندى اۋزىگە خاص تلفظ بىلن ”پچىم“ سۆزىنى تىلگە آلەدى.

همە نرسە كۆكلمازار و ىنگى بۇلگن و اولر نىنگ قىشلاغى جوزگون

قىشلاغى نىنگ وادىلىرى جىنگە اۋخشەگن بو بهار كونلر يده بى بى آفتاب هر كونى يشىل ميدانلر و چنارلر آره سىده سىر قىلىب، هر خىل دارىوار اۋسىملىكلرنى تۈپلەيدى. اگر كىمدىر اونى تىمسە و اونىنگ حىاتى حقىده بىلمسە، اونى يىتمىش ياشگە كىرگن دېب اۋىلە مەيدى، چونكە او حلى هم بلند و بۋىلى بىر عىال.

او چقان و اىپچىل قۇللىرى بىلن اۋسىملىكلرنى يىغەدى و هر بىر اۋسىملىك نىنگ نبضى اونگە معلوم. اونى قىشلاق نىنگ همه اھالىسى تىدى و ”مامە آفتاب“ دېب چقىرىشەدى. مامە آفتاب نىنگ ساچلىرى هنوزگچە ماش و برنج بۋلىب، كۈزلىرى چوقور و اۋتكىر دىر. قىشلاق نىنگ اېركك و عىاللرى اونى يىخشى كۈرىشەدى و اونىنگ لاي اۋىي همه اوچون مەھمان اۋىي دىر. مامە و قىشلاق دەگى آدملىر نىنگ اكثرىتى چۋپان بۋلىب، يونگ، قىل و باشقە حيوانات محصولا تلىرىنى ساتىش بىلن كون كېچىرىشە دىلر.

مامە آفتاب چارواچىلىكدن تشقىرى دوالش بىلن هم شىغللنەدى. او قىشلاق دەگى يگانە دوالاۋچى. اگر كىم دىر باشى آغرىسە، اونىنگ قاشىگە كېلەدى، اگر حاملە دار عىال توغماقچى بۋلسە، ينە هم مامە آفتاب بولر نىنگ دادىگە بىتەدى.

بو كون او قۇبلىرىنى باقماقچى بۋلگن كونلردن بىرى، قۇبلىرگە اۋت تشلب تورگن پىت، قىشلاق عىاللردىن بىرى شاشىلىب اونىنگ يانىگە يوگورىب كېلىب دېدى:

«خىرىت بۋلسىن بچىم!»

«مامە آفتو، آپە گلنار اشتك قىلماقچى، كېلىب كۈرەى بار سىز مى

يۇق؟»





«مامە قربانىگ بۇلسىن، قەيەرگە كېتىدەم؟ يوگور آيب كېل مېن ھەم اويگە بارە من.»

مامە آفتاب، قوياش سېنگرى، برچە نىنگ اوستىگە بىر سانده توشەسىز و دوالەسىز. ھېچ كىمدن، ھېچ نرسە كوتمەي سىز. شو آدملىرىنىڭ اۋزلىرىدىن كىم دىر قىتىغ، كىم دىر تاووغ غلەسى و كىمدىر سامان كېلتىرىپ بېرىدى. اما بو كۈنلردە مامە نىنگ اويى جودە كۆپ بىرو بار بۇلىپ قالگن. قىشلاق نىنگ ھەر بىر چېكە حدودىدىن عيال اېركك، ياش و قرى دوالەنىش اوچون مامە نىنگ قاشىگە كېلەدىلر. چونكە جوزگون قىشلاغى شەر، بازار و صحى مركزلردن كۆپ بىراقەدە جايلىشگن، آدملىر آسانلىك بىلن اۋزىنى كلىنىك و شفاخانەگە يېتكزە آلمەيدلر. كلىنىك و شفاخانەلرى مامە آفتاب نىنگ سخاوتلى و غرىبانە اويى دىر.

بو كېچە و كۈندۈز مامە نىنگ كىسللىرى شو قدر كۆپەيگن كە او ھېچ بىر وقت بونى تجربە قىلمەگن. مامە اېرتە وقت دارى - يو اۋسىملىكلرنى تېرىش اوچون مجبور اېدى، كۈنلردن بىردە قىشلاق نىنگ ملامسى ملا سھراب اونى اېرتەلب وقت دلە اوستىدە كۆردى:

«مامە، او مامە، اېرتەلب تانگدە بو بېردە نىمە قىلەسىز؟»

«سلام ملا اكە، نىمە قىلردىم مېنە رزدىرك، كاسنى، زىرە و زوف تېرىپ

تورىمەن.»

«بو كۈنلردە بىرو بارىنگىز جودە كۆپ بۇلگندىك كۆرىنە دى، مامە!»

«جى جى بېچسىم، نىمە قىلەي، بوتون حىياتىمدە بونچە كىسللىك و

بىمارلىكنى كۆرمەگن اېدىم.»

«تۇغرى ايتەسىز مامە، اول اۋزىمىز نىنگ اويىمىزدە گىلر برچەسى

اىستىتمە و تاماغ آغرىق بۇلگن، كېچە مرادىنىڭ آنەسى نىنگ شۈندەي بىر



اىستىتمەسى بار اېدىكە سۇرمىنگ.»

«كاشكى بىر مونچە كاسىنىنى قىنە تىب سووینی اىچىرىب و میدەسىنى

هم پشانەسىزگە قویسنىگىز اېدی.»

مامە آفتاب نىنگ كىسللرى كون - ساين كۇپەيب كېتەپتى. اېندى او

ايگى تە قىزىنى هم ياردمگە چقىرگن. قىزلر داریوار اۋسىملىكلرنى تېرىش

و دارى تيارلشده كمك قىلەدىلر. اېرتەلب او و قىزلرى اوى نىنگ يانیدهگى

دلەلرگە و تېپەلىكلرگە باریب، بنفشه، بلوكلر، كاسنى، زردسرهك و باشقه

كۇپلب اۋسىملىكلرنى فقط اۋزى و قىزلرى تىب تېرىب يىغىشردى. هر

كونى سىز اولر نىنگ حویلىسىدن آغیر تاش نىنگ اۋازى و تورلى خیل

دارى - درمانلرنى ایشقهلشنى اېشىتردىنگىز. بىر كونى آى خانم و ظریف

ماه، قىزلرى شېهەلى بۇلدىلر:

«مامە، يېلكەمىز توشدىكە، بىلمەيمىز بو آدملرگە نىمە بۇلگن، برچەسى

باش آغریق و رىزشدن نالیدیلر؟»

«آى خانم قىزىم، تۇغرىسى مېن اۋزىم هم حىران قالگنمن. بوتون

حىاتىمدە بونچە كىشى آلدىمگە كېلمسدى.»

«مامە، آى خانم درست ایتەدى جودە زېرىكدىك، نى قۇل قالدى نى

يېلكە. بوگون بىزلەهم اونچە يىخسى اېمس مىز، باشىم زىر - زىر آغرىدى.»

«دردىنگ تاغ و تاشلرده بۇلسىن قىزىم ظریف ماه، تور اویگە بار، حاضر

قىنتمە آلیب كېلەمن، خیر بیلن گل دېك ساغەلیب كېتەسىن.»

مامە آفتاب هم بو كونلرده بىر آز زېرىككن كۆرىنەدى و كۆزى نىنگ

آستلرىده قرە حلقە كوزەتیلەدى؛ او كوچلى و اۋكتم عیال بۇلگنى اوچون

اونچە شكایت قىلمسدى كۇپراق آدملرگە يېتىشلردى. بونگە قرەمەى بىر

آز وطنى بوغداىنى اوغیرگە تشلب ینچدى، سۇنگرە اونى دلده پىشىرىب



ايچىگە شلغم، زىرجمە، نخود، لوبيا و رىزدچوبە ھەم تىشلەدى.

«آى خانم! بارىب آپەنگنى ھىقىر يىرمە تيارلندى.»

«مامە، مەنە مېنە آپەم بىلەن كېلدىم.»

«بۇ يىرمە نىنگى عىجىب تاتلى ھىدى بار.»

«آى خانم، مېنە نىمە اوچون خى ايسىنى بىلمەيمەن.»

«ظىرىف ماھ قىزىم، بۇرنىنگ بۇتگن دىر، بۇلمسە رىزدچوبە و سىرداغ

آدمنى اشتھاسىنى آچەدى.»

«يۇق مامە بۇرۇنىم بند اېمىس، اېرتەلب ھەم شۇرچاى نىنگ مەزەسىنى

ھىچ بىلمەدىم.»

مامە آفتاب، قىزى ھەم قىشلاق اھالىسى ايتە ياتگن كرۇنا كىسلىكىگە

چەلىنگىنىسى انگلەدى. او قىزىگە ھەم قىنتەمە تيارلردى، اوزى و آى خانم ھەم

بۇ قىنتەمدەن اىچدىلەر. بعضن اچىق - چۇچۇك ماشابە پىشىردى و بعضن

ھەم اىچىگە المە و قۇرۇق بەھى تىشلەنگن شۇلە پىشىرىدى. بۇ اۇقتلر كرۇنا

كىسلىكىگە اوچون كۇپ فايدەلى اېكىنىنى بىلگن دىر و بۇ اۇقت آدملىرگە كوچ

و قوت بىغىشلەيدى.

جۇرۇگون قىشلاغى مۇلاسى، مۇلا سھراب نىنگ ھەم احوالى يىخشى اېمىس.

بۇتون عايلەسى كىسل بۇلگىلەر. اىنىسقە خاتىنى نىن ساغلىق احوالى جۇدە

يامان اېدى، او يىخشى نىفس ھەم آلامسدى. بىر كۇن اېرتەلب او خاتىنى

اېشكە مەندىرىب مامە آفتاب او يىگە آلىب كېلدى:

«اگە مۇلا، باشقە آدملىردن گلە يۇق، سىز قندەى قۇيدىنگىز خاتىنىنگىزنى

بۇندەى بىر وضعىتگە كېلگەندىن سۇنگ آلىب كېلسىنگىز؟»

«مامە، قۇلىمدىن كېلگەنچە اولگۇردىم، يىخشى بۇلەدى دېب اۋىلەدىم،

لېكىن كۇن - سايىن وضعىتى يامانلشدى.»



«شاشيلىمىنگ مالاكە، توكل بخدا حلى مېن اونىنگ چارەسىنى قىلەمن،  
گلدېك ساغەلىب كېتەدى.»

«مامە، بو خدا كۇرستمە گير كرونا جودە بير يامان كىسلىك اېكن،  
تۇغرىسى مېنى جودە ھم قۇرقىتىگن، جودە كۇپ قۇرقمەن، بالەلر نىنگ  
آنەسىگە بير نرسە بۇلمەسىن.»

«اكە! تۇغرى ايتەسىز بو جودە يامان بير كىسلىك دىر، لېكن خدا پاشا،  
سىز ھم يورەك تىشلىمىنگ.»

«مامە، بوتون حياتىمدە بوندە كىسلىكنى كۇرمەگنمەن، بو كىسلىك  
بوتون دنيا آدملىرىنى آلگن دېب اېشىتىدىم و بوتون مملكتگە كېلگن.»

«مېن قىشلاق نىنگ آقسقاللى من، سابقلردە ھم بيرار يوقمە كىسلىك  
تاپىلدى. بير مرتە و با كىسلىگى كېلگنى اېسىمدە دىر، آدملىرىنى قىلنى  
چىقىرگن اېدى، بوندەنى كۇرمەگن اېدىم.»

«حالى خدادن بۇلەمى اۋزىنگدن بۇلەمى بالەلرېم نىنگ آنەسىنى  
غمىنى بېي، خدا نا خواستە او سىز برچەمىزنى سوو آلىب كېتەدى آوارە و  
بىچارە بۇلەمىز.»

«توكل بخدا، قۇلىمدن كېلگونچە حرەت قىلەمن اكە جان!»

مامە آفتاب و قىزى بيرگە لەشىب ملحە ملامسى نىنگ كىسل خاتىنى  
دوالشگە باشلەدىلر. كېچە و كوندوز دېمەنى نوبت بىلن كىسل خاتىن نىنگ  
باشى اوستىدە اولتىرىب اونى مراقبت اېتردىلر.

مامە، سووگە سرەكە تىشلب و رومال بىلن كىسل نىنگ پىشانەسى، قولى  
و اياغى نىنگ كىفېگە باسردى. تورلى تركىبلردن اونگە قىنتمە تيارلب  
ايچىردى:

«مامە، منە شكر سرەكە نىنگ تر بندى فايدە قىلگن ملا صاحب خاتىنى

نىنگ اىستىتمەسى بىر آز توشگن.»

«ھە بېچىم بو ھەم فايده قىلدى و كاسنى سوۋى ھەم، باشقە جمبىلكام  
چاى بخارى ھەم كۆپ فايده قىلدى و نفس قىسىلشى ھەم يىخشى دىر.»  
«بىقىشە و زوفام گلى نىنگ قىنە تىلگنى ھەم كۆپ فايده قىلدى مامە!»  
«بېچىم، بو اۋسىملىكلرنىنگ برچەسىدە حكمت بار، خداوند ھىچ  
بىرىنى فايدهسىز يرەتمەگن.»

«مامە، انە قرەنگ ملا صاحب نىنگ خاتىنى اۋرنىدن توريب بىر نرسە

دېپىتى.»

اولر ملا سھراب خاتىنى نىنگ غمخۇرلىگى و قىغوسى اوچون  
مىتدارچىلىك قىلىشى نىنگ ضعيف آوازىنى اېشىتىدلىر. اوشبو عايلە نىنگ  
دوالەشى و اعتبارى نىجەسىدە فقط بو عايلە دوالنمەگن، بلکہ اولرگە اوزاق  
و يقىن عايلەلر نىنگ كۆپلىرى كېلىپ، دوالنىشگن.

ھنوز ھەم ايلر اۋتېشىگە قرەمەى، كرونا كىللىگى آدملىرى قىنە تورگن.  
بھار اۋزى نىنگ كۆكلىمى و گۆزەلىگىگە قرەمسدن جوزگون قىشلاغى  
آدملىرى نىنگ كۆزىگە، تىكاندن بۆلك نرسە اېمىس حلى ھەم. قىشلاق  
نىنگ اېسكى حال و ھواسى يۇق. آدملىر بىر - بىراويدن قۇرقىپ، اوزاقلە  
شردىلر. مېھربانلىك و اىلىقلىك شىقتىسىزلىك، مضافە و ساووقلىك بىلن  
المىشتىرلىگن اېدى. بوندەى شرايطىدە مامە آفتاب نىنگ اويى اېشىكلرى  
حلى ھەم آدملىر يوزىگە آچىق اېدى و او وقتى - وقتى بىلن كىللىرىنى  
دوالەدى:

«مامە، خداوند سىزنى نجات فرىشتەسى شىكلدە سىزنى بىچارە قىلمىزگە

يوبارگن اېكن.»

«بېچىم، شفا بېروۋچى شو بىز و سىزلىرنىنگ خدائىمىز دىر، مېن فقط بىر



وسيله من.»

«شكر خدا سيز بارسيز مامه آفتاب، بو پېرده نى شفاخانه بار نى هم  
داكتر، اگه سيز بۇلمه سنگيز بو كرونا همه ميزنى اۋلديردى.»

«قيغورمه بچيم، خدا بخير بو بلانى كۆترەدى.»

مامه آفتاب، آدملر نىنگ كۆپچىلىگىنى جوزگون نىنگ دارى - يو  
اۋسىملىكلرى بىلن تانىشتيره آلدى، اولرگه قندهى قىلىپ دارى تيارلشنى  
اۋرگتدى، او خىر خواه بىر عيال اېدى. او اۋز تجربه سىنى كېيىنگى اولادلرگه  
شريك قىلشنى ايستردى، اۋزى بو دنيادن اۋتگنده هم، باشقه لر اوشبو  
اۋسىملىكلردن دارى توزه آيشلر نى خواهلردى، بو دنيانى ترك اېتگچ هم،  
او قىشلاق آدملىرگه ياردم بېرگن بۇلىشنى ايستردى.

اېندى بو قىشلاق نىنگ اۋتلىرى و دارىوار اۋسىملىكلرى نىنگ نبضىنى  
بيله دىگن و تورلى خىل كسللىكلرگه دوا تيارلەيدىگن اېرككلر و عياللر كۆپ  
اېدى.

بهار اۋتدى و ياز نىنگ ايسىق كونلرى كېلدى. جوزگون قىشلاغى  
تىكلنىپ، آدملر چاروا و دهقانچىلىك بىلن شغللنە باشلە دىلر. استه - سېكىن  
كرونا كسللىگى دهشتلى واقعه گه ايلندى و آدملر اۋشه كسللىك و عذاب  
كونلر نى قۇرقوو بىلن اېسلە دىلر.

اوشبو حكايه لردە اميدوار و الهام بېر و وچى نرسه مامه آفتاب و اونىنگ  
جوزگون قىشلاغى اھالىسىنى قوتقرىش اوچون صميمىلىگى و پاك نىتى  
اېدى.

آدملر اۋز محصولا تلىرىدن مامه آفتاب او يىگه كېلتىردىلر، حقيقتاً هم او  
قوياش دېك برچه نىنگ اوستىگه بىر سانده توشردى، اۋزلىرى نىنگ محلي  
محصولا تلىرىدن ساوغه لر آلىپ كېلىپ، اونگه مېر و محبت كۆرسە تدىلر.



قىشلاق نىنگ ساووق تانگلىرى بو مهربان و محنت سپور كمپير نىنگ  
سىماينى و بو محله نىنگ مامه آفتاب نامى بيلن مشهور بۇلگن برچه  
اۋسىملىك و بتهلر ينى دايم يادده توتەر ابدى. محله باله لرى اونگه قوشيب  
بيت توزه تگنلر، اولر مامه آفتابنى كوزگنلر يده هر دايم شونده ي خيرگاهى  
قىلرديلر:

جوزگون نىنگ نيمه سى بار؟

مامه آفتابى بار

جوزگون نىنگ نيمه سى بار؟

داريوار اۋسىملىگى بار

هاى مامه آفتاب

هاى مامه آفتاب!





## آق چاپان كيينگر

بو ييل قيش، ساووق هوا و موسيىمى كسللىكلر بيلن بيرگه اپرته راق كېلدى. شوندى قىلىپ، كوزنىنگ باشلىنىشى قيش نىنگ باشىگه اوخشه يدى. فقط شونچه كه حلى قار ياغمه گن. بوويم، آدملىر كوزدن اوتسه، قيش نىنگ چله سىدن هم چىقه دى دېب ايتردى. اونىنگ مقصدى كوزده كسل بولمه سىنگ، قيش ده هم كسل بولمه سىن دېيىش اېدى. اما داكتر عمر بوندى اېمس اېدى. اوزىنى يىخى حس قىلمسدى. رىزش و تماغ آغرىق تىنگه كىرىب آلگن اېدى.

اونىنگ همكارلىگىده بير كنفرانسنى اوتكزىشىمىز رېچەلشتىرىلگن. حالانكه يونگدن توزە تىلگن قىپاق باشىده و آغزىده هم ماسك تىقىلگن. مىز يقىنىگه كېلىپ قاغذرلى مېنگه بىر مه بىر كورسته دى. رنگى اوچگن و بوى هم بىر آز بوكىلگن كورينه دى. اونىنگ قوروق - قوروق يوتلى هم بار. كولىمسىره ب اونگه ايتە من:

«داكتر صاحب، كرونا بولمه گن بولىنگ؟»

«كرونا نىمه، مېنىنگ حساسىتىم بار، بعضن شوندى قىتىق اوشله يدى.»



احتمال موسىمى كىسلىكلەردىن بۇلسە.»

بوسوالىمنى ياقتىر مەگىنىنى حس قىلەن. كۆك كۆزلەرنى بىر قىسقراق قىلىپ اچىغى كېلگندىك قىلىپ ايتەدى:

«مېن داکتر من و كىسلىگىم ھوسا ساوقلىگىدن كېلىپ چىققن

حسایت دنلىگىنى ھم بىلەن.»

نېچە آيلردن بېرى كويد ۱۹ كىسلىگى حقىدەگى بعضى بېلگىلەر بارەسىدە اجتماعى ترماقلردە اۋقىمىز. بعضى بىر ھىكارلر ىمىز ھم بو كىسلىككە يولىققىلىگى حقىدە اېشىتگن مىز. داکتر عمر نىنگ گېلر يگە شىبھەلەنەن. بو تۇغرىدەگى شك و شىبھەننى اۋشە كونى ھىكارلر ىم نىنگ بىرى بىلن اۋرتەگە قۇيدىم. او ھم گېلر ىمنى تصدىقلىپ، ھزللىشىپ دېدى:

«بىلمەدېم داکترلر نېگە بونىدەى اۋىلەيدىلەرگە، گویا اولرنى كرونا

آلمەيدى؟»

كونلر كروناگە تېگىشلى ىنگىلىكلر بىلن باشلەندى و اېنگ آغرىغى شونىدەكە بو كىسلىك نىنگ بىرىنچى قربانلرى اېچىدە اېرىم داکترلر بارلىگى ھم كوزەتيلەدى. كون اۋتىشى بىلن پرىشانلىگىمىز اوج آلەدى. اۋىلە ىمنىكى، برچە داکترلر؛ دوكتەر عمر بې پروالىك قىلگىنى كىبى كرونا اولرگە ھم ضرر يېتكىزمەيدى دېب اۋىلەيدىلر.

كېچە، سېنگىم روىا قۇنغىراق قىلەدى، اوياق بو ياقدن گېرىگىدن كېيىن ىنە ھم قۇشما تشوئىشلىرىمىزنى اېسلەيمىز. اونىنگ ھم آوازيده خواطر تۇلىقىنەلەنىپ تورگن:

«روياجان، نېگە سېسىنگ بىر قسم آلىنگن؟»

«بىلمەدېم، اې بو كرونائى كونلر فكرىمىزنى بوزىب تشلەگن.»

«خىرى بۇلسىن سېنگىل جان، خداوند بنخىر اۋتكىزسىن.»



«امممممم راستى خىر بۇلدىنگ؟»

«نېمەدن؟»

«بىزلرنىنگ سركىمىز آخرىدە معاینه خانەسى بۇلگن تېش داکترى.»

«يۇق، اونگە نېمە بۇلگن؟»

«اونى ھم كرونا آلگن اېدى، وفات قىلدى.»

«وى، بېچارە قنچە ياش اېدى.»

كرونا وىروسگە چلېنگن داکترلرنى عالمىن اۋتېشى اھالى آرەسىدە

جدى تشوېش گە سبب بۇلگن اېدى.

كېچەسى عاموى اخبارات واسطەلرىدە ترقەتېلەياتگن خىرلر و

اجتماعى ترماقلردەگى مېش - مېشلر اوشبوروحى ناتېنچلېكنى ینە - دە

كوچەتېتېرماقدە. حقیقت ھم شوکە ھنوز انىق حسابات معلوم اېمس و منە

شو اېسە آدملرنى كۇپراق تشوېشگە تشلەگن. تېلفونېمنى قۇلېمگە آلیب

فېس بوك صفحەسىگە كېرەمن:

«كابل دە بالەلر ساغلىغى بۇيېچە اېندرا گاندى شفاخانەسى نېنگ جراح

داکترى، داکتر اقبال عمرى كرونا وىروس گە يولېققنلىگى نتيجهسىدە وفات

قىلگن.»

قويىدە مېنگە پارلاق كۇزلرى بېلن تېكىلېب تورگن بېگىت نېنگ

صورتى كېلتېرىلگن. مېن صفحەنى اۋتكزەمن. گۇيا مرحوم داکتر نېنگ

نافذ كۇزلرىدن پزھىز قىلەمن. او، ساغلىق بۇيېچە چارە - تدبېرلرنى نظردە

توتمەگىنى بېراق بېلەمن، لېكن شونگە قرەمەى كسللر بېلن يقېن علاقەدە

بۇلېب اولرنى دوالشگە مجبور اېدى.

اما، بعضىدە اوشبو داکترلر نېنگ بعضىلرى اۋزلرى نېنگ شخسى

كلېنېكلرىگە مراجعت قىلمسلىكلرى حقیقەدە خىرلرنى اېشېتەمن. حیات

قۇرقووى اولر نىنگ ايشىگە تۇسقىنلىك قىلەدى، اما بو آرهده باشقه نىنگىلىكلر بۇلىمى مېن اوچون جوده قىزىق و حتا حىرتلنرلى دىر. ايرىم مسلكى داكتىرلر افغانستان دن تشقىرىدن كويد ۱۹ كسللر يگە كۇنگىللى ياردم بېرىش مقصدىده افغانستانگە كېلىپ، كرونا و وروس كسللرىنى انىقلاشده ساغلىقنى سىقلش وزىرلىگىگە همكارلىك قىلەدىلر. كېچە مېن و سېنگلىم روىا ينه تىلفونده گېلشەمىز.

«روياجان، حلى هم پياز و كچالونى بىر كف يوويب سۇنگ او يگە آلىب بارەسن مى؟»

«ههههه اېنگ آپەجان، جىمشىد سودانى آلىب كېلىشى بىلن، همه سودالرنى قىلى نىنگ سوويدە يووەمن.»

«ههههه حتا لوبيا و نخوتنى هم؟»

«يۇق اي، لىكن برچە پاكى و خلتەلرنى تازەلەگندىن سۇنگ كۇترەمن.»

«ههههههه خدا اورگىر بو كرونا، همه مىز نىنگ ايش و كوچىمىزنى

كۇپەيتىردى.»

«امممممم بونگە قرەمەى هم قۇللىرىمنى حساسىتى بار ابدى، حالى

جوده كۇپ حساس بۇلگن قۇللىرىم نىنگ تېرىسى پست تىشلەگن.»

«تۇغرىسىنى ايتسىم سېنگلى جان، مېنىنگ قۇللىرىمنى هم بندى

بالەلرنىنگ قۇلىدېك، قىتىق بۇلىپ يارىلىپ - يارىلىپ كېتىدى.»

«هر دىقەه يوويش اوچون مجبور مىز.»

«هههههههههه جان شىرىن - دە.»

«هە راستى اۋتگن كونى بىر خبر اېشىتىدىم، نېچەتە داكتىر خارچدن

كېلگن اولر كرونا كسللرى ساغەلىشى اوچون داكتىرلر و آدمەلرگە ياردم بېرر

مىش.»

« مېن ھم شو خبرنى اۋقيدىم. داکتر عزیز روحانى بریتانیدان ننگرھار ولايتیگه بارگن و داکتر سیف الرحمن ھم افغانستانگه كېلگن و اولر افغانستانلیكلرگه كېمك قیلماقچی.»  
«ولا آدم قووانەدى.»

«ھه، ھنوز انسانیت اۋلمەگن دیر.»

تۈستدن دنیا باشقە توس آلگن. شھر و بازاردە دوست و آشنانى قینلیک بیلن تانیش مېمکن. یاش و قری، اېرکک و عیال نینگ یوزى ماسک بیلن یاپیلگن دیر. ماسکلر و یوویش موادلری نینگ نرخی ھر کونى آشیب بارماقده. ھمە نینگ دەشتینی آدملر نینگ کۈزلریدە یقال کۈریش مېمکن. عایلەلر اۋرتەسیدە باریش كېلیش جودە كەمەگن و مېمانلر نینگ كېلیشینى ھېچ كېم یاقیتیر مەیدی. مېمانلر شو وقت عزاریل بیلن تېنگ بۈلگن.  
اما میش - میش مېنینگ روھیمنى كوچەیتیردی:

«مېن +ORH گروھیگە كیره من و کرونا مېن تامان كېلسە قناتی كۈیەدى.»

تۇغریسى بو میش - میشگە ایشاندیم. قیسی بیر تحقیق دە +ORH قان گروھیدە بۈلگن آدملرگە کرونا كسللیگی تائیر اېتمسلیگینی اۋقیدیم. اوشبو معلومات اېندى مېنى باشقە ھمكسبلریم و اطرافیمدەگی آدملر سینگری خواطرگە سالمەدى. اوشبو موضوعنى باشقە بیر واقعه ھم كوچەیتیردی. برچە ھمكارلریم کرونا بۈلیشیگە قرەمەى، لېكن مېن بیر معجرە اوله راق ساغ قالدیم. اما میش - میشلر و یامان خبرلر تۈلە بۈلگن محیطدە كېم اوزاق وقت تشویشلنە آلمەیدی. سیز خوش بۈلیشنى و ساغلیغینگیز اوچون متتدار بۈلیشنى خواهلە گنینگیز بیلن، سیز ینە قلیبینگیزنى بوزەدیگن خبرلرنى اېشیتەسیز. ھمكارلریمدن بیرى، یاش وچقچقى بالە، عادتدەگی طبیعتیگە

قرشى افسوس بىلن شوندى دىدى:

«داكتىر آريوبى كرونانى اۋزى بىلن اويىگە ھەم آيب بارگن.»

«آريوبى، او كىم؟»

«بوگون وفات قىلگن داكتىر.»

«اف اف، ىنە بىر داكتىرنى قۇلدن بەردىك.»

«بىر كون آلدىن كرونا آلگن سېنگلىسى وفات قىلگن ابدى و بوگون

اۋزى وفات قىلىدى.»

«واى!»

اونىنگ او كەسى كمال اريوبى نىنگ ايتىشىچە، بىز اونگە نىمە قىلىشىمىز كېرەكلىگىنى ايتگن ابدىك، احوال يامان اۋز اويىنگىزدە تىنچ اۋتىر، لېكن او قبول قىلمەدى و كسللرى آلدىگە باردى. ايگى - اوچ كوندن كېين اويىمىزدەگى احوال يامانلشدى.

«قندەى بختىزلىك، اگر او بونى سېزگن بۇلسە!»

«اكەسى ھەم حاضر كابل نىنگ شفاخانه لىرىدن بىرىدە ياتقىزىلگن.

اوچ ايناغەسى ھەم اويده قرنتىن قىلىنگنلر و بىر قىزى ھەم كرونا آلگن دېب

ايتەدىلر.»

«اۋزى داكتىر بۇلگن يوسف آريوبى، قندەى بو كسللىك نىنگ

علامەلرىنى انگلمەگن؟»

«جىنى نىنگ ايتىشىچە، برچەسى اويده كسل بۇلگنلر، لېكن اولر نىنگ

تست نتىجەسى ھەمەسىنى محرقە كۇرستگن.»

«واقەن ھەم آدملىر بو كسللىكنى كۇپراق محرقە دېب

اۋىلەيدىلر.»

«آلتى كوندن سۇنگ، اولر نىنگ تست نتىجەلرى شونى كۇرستدىكى،

اولرنىڭ ايگىتەسىدە كرونا وىروس كىسلىگى بار.»

«بى چارەلر.»

«ايتىشلرىچە، آنەسى اۋغلى نىڭ جىسدىنى كۆرمەگنى باعث، يورەك

تشلەگن.»

مېنىمچە، آدملەر ھەر دايم ھەر بار نرسە نىڭ قىدىرگە يېتەۋەر مەيدىلەر. اپندى قرەنگكى، بىر نېچە ھفتە يقىن قىرىنداشلرىنىڭىزدن يىراق دە سىز. سىز آنەنگىز، سىنىڭلىنىڭىز، اگەنگىز و باشقە يقىن قىرىنداشلرىنىڭىزنى اويىگە بارىپ، اولرنى كۆرە آلمەيسىز. حتى يقىن دوستلرىنىڭىزنى جىنازەسى بىلن خىرلشە آلمەيسىز. پىر و كۆكدن تشوئىش و خواطر ياغەدى. حتى بالەلر ھەر اماندن اېمىسلر. اولر ھەر بالەلىك اۋيىنلردىن قالىب كېتدى. اگر مسافرلرىمىز زىنگ اۋرگندە ھەر، بىرىنچى سوز و گىپ كرونادىن دىر. بو كتە دىنلانىڭ تۇرت بورچىگىدە وىروس بو كىچىلىكلىگى بىلن تاپىلىپ بوتون دىنا آدملىرى حىياتىنى جەنمگە ايلنتىرگن.

قۇشنىمىز نىڭ خاتىنى خالە شرىفەنى كۆرسىم اريغلب قالگن و

تشوئىش دە:

«خالەجان، ساغلىغىنىڭىز يىخشى مى.»

«يىخشى دىر بچىم، لېكىن قند كىسلىگى نىڭ يىخشىلىگى يۇق.»

«احتىياط قىلەسىز مى؟»

«قندەى احتىياط قىلمەيىمىز بچىم، ايشان بعضىن شىرىنلىكنى ساغىنىپ

كېتەمىز، لېكىن قند كىسلىگى اوچون بىرىلگن تابلىتلرنى گىلاسگە تشلب

ايچەمىز و خدادىن صبر تىلەيمىز.»

«خالەجان، حللى ھەر سپورتگە كېتەسىز مى؟»

«يۇق اى، فرزندلرىمنى مېنى كېتىگنى قۇيمەيدىلەر، قند كىسلىگى بار،







سپورتگە كېتىم كرونا كىسلىگى آلىب قۇيمەسىن دېدىلر.»

«امم اولردە ھم گناھ يۇق، قۇرقەدىلر.»

«بېچىم ھمە گپ بىر تامان بو گپ باشقە بىر تامان، مېنىڭ داكتىرىم ھم

كرونادن اۋلىدى.»

«آخ، بېچارە.»

«فقط اۋشە نىڭ بېرەدىگن دارىلرى مېنگە كۆپ فايدهلى اېدى.»

«آتى نىمە اېدى خالەجان؟»

«داكتىر سلام نىجرابى.»

باشقە بىر داكتىرنىڭ اۋلىش خىرىنى اېشىتىش يەنە ھم روھىمنى بېزاوتە قىلەدى. حوصلەسىزلىكدن يەنە فىس بوكىمنى آچەمن. طبىيات بۇلمىدەگى اوچ داكتىرنىڭ تصورىگە كۆزىمە توشەدى. كۆز مەتخىسى داكتىر مەحب اللە مەحب، جەلدى كىسلىكلەر بۇيىچە مەتخىسى داكتىر حلىمى و يورەك كىسلىگى بۇيىچە مەتخىسى داكتىر سلطانى. اولر ھم كرونا كىسلىگى طفىلى اۋلگىنى اۋقىب حىرت و دەشتگە توشەمن.

خدایا! بو قندەى بىر وضعىت. بوتون دىئانىڭ ھم اېنگ قىزىق خىرلرى شو كىشىف كرونا وىروسگە تېگىلىشى و بوتون دىئانى دىوانە قىلگن. بو اۋلىش، نا تىنچ و عذاب چېكىش مەھىطىدە، لېكن مېنىڭ بىر قوۋانچىم كېچەسى سىنگىلىم بىلن گېلىشىش دىر. نېچە ایلردن بېرى او ھم مەكتەپ كېتمەگن. قىرتىن، اۋقۇتوۋچى و اۋقۇتوۋچىنى درس و مەكتەپدن بىراقلىشتىرىپ قۇيگن:

«سېنگىلى جان، كىفەيتىڭ يىخشى، اویدە تىنچ اۋلتىرىپ سەن مى؟»

«تۇغرىسى بوگونكە اولاد اۋزگىرگن آدمنى تېز زېرىكتىرەدى، سابىق كىبى

درس اۋقىشىگە ھم قىزىقمەيدىلر و نى ھم ایتەدىگن گېلرىگە مەتوجەلر، لېكن

شوندەى بۇلسە ھم درس اۋقىش و مەكتەپنى ساغىنگن مىز.»







## توت بېرەمى

كوزىنىڭ ساووق كونلىرى. مېن پرىشان و سۈلۈم بىرگىلر اىچىدە قدم اورىب و اۋزىمنى منە شو بىرگىلر سېنگرى سرگردان، سىرىغىگن و سۈلۈگن حس اېتەمەن.

قۇرىگن يوزىمنى قۇلۈم بىلەن سىلەيمەن و الملى نالە قىلەمەن:

«وقت كىسل دىر، پىر كىسل دىر، طبيعت كىسل دىر و نهايت مېن كىسلمەن.

»ايشا نىنگ، حتا قوشلر و درختلرېم ھەمەسى كىسل بۇلىپ قالگىنى، حتا نفس

آلەياتگن ھوا ھەم كىسل اېكن لىگىنى حس قىلەمەن.“

مېن خۇرسىنەمەن و اېسلەيمەن، يىكشەنبە كۈنى اېرتەلب او يغانىشىم بىلەن

تاماغىمدە خارش، سۇنگرە كۇكرە گىمدە آغرىق پىدا بۇلگىنىنى حس قىلدىم. سىنە

بىل بۇلگىنمەن دېب اۋىلەدىم؛ چۈنكە بو فصل شو كىسلىك نىنگ وقتى اېدى.

كېيىن افلاس يۇتل و توندە تۇلىق او يقوسىزلىك و دايمى باش آغرىق. تسكىن

بېر و وچى دارى، انتى بىوتىك و كىمىدە بىر اىگى ساعەت او خلش اوچون او يقو

كېلتىرەدىگن بىر تور دارى آلدىم، لېكن بو دارىلر نىنگ ھىچ بىرى ئىمرەلى فايدە

بېر مەدى كېچەنى تانگ آنگونچە او يغاق اۋتكزدىم.

تون اېدى، شۈندەى بىر اوزون كېچە اېدىكە ھىچ تانگ آتمىدى. اېرتەسى

كۈنى شۈندەي بىر كسل و حوصلە سىز بىر حالت دە، دفتر جۇنپ كېتدېم. عاموى اخبارات واسطەلر يە ايشلش هم اونچە ليك آسان اېمس، بو يورت نىنگ ناخوش و شوم خبرلرى اوچون هر دقيقە تيار بۇلىب توريشىنگ كېرەك و هر كۈن هم تدرىجى اۋلىشىنى تىجرە قىلىش دىر. هوا جودە ساووق اېدى، گازلى بخارىنى هم ياققن اېدىلر، نظرىمە باشىم گوپە شىشكندېك و اۋزىمنى هم يورەگىم اوخشىگن حس قىلردىم. مېنى گاز آلگن دېب اۋىلەدېم. دستكولىم نىنگ بىر خانەسىدە بىر تىختە اسپرىن و نېچە پاكىت جوشانده بار، شولردن فايدهلنەمن.

آشپىزگە تر موزىم نىنگ چايىگە بىر آز زنجىل تىلشنى بو يوردىم. توش نان پىتى، هيچ نرسە يېگىم كېلمسدى و بوتونلەي تىمەدە كوچ سىز ليك سېزەمن. يوتل و آغرىغىم هم يۇق. اۋزىمچە دېدىم، اگر كرونانى يوقىتىرېب آلگن بۇلسم دواملى و قىتق باش آغرىغىم، اىستىتمە، يوتل، ايچ كېتمە، رىزىش، تماغ آغرىق و جان دردېم بۇلىشى كېرەك دېب اۋىلەدېم، چونكە بولرنىنگ هيچ بىرى مېندە يۇق اېدى، دېمك كرونا اېمس ليگىم اوچون ايشانچىم كامل دىر.

حال سىز ليكدن اذيت چېكردىم، انار و قىتىغدن باشقە هيچ نرسەنى يېگىم كېلمس اېدى، انار فصلى بۇلگىنى اوچون اۋزىمنى بىختلى حسابلردىم. دفتر نىنگ مورتىدە بۇلسم ماسك تىقردىم و دفتر ايچىدە هم باشقەلردن احتىياط قىلىش اوچون اۋزىمنى اولردن بىراق سىقلر اېدىم. كېچقورون اويگە كېلىشىم بىلن، بىرىنچى قوت نىنگ زىنەلر يەدە، بېچارە بۇلىب عذاب عقوبتگە قالدردىم، حيران و درماندە بۇلىب اۋزىمگە ايتردىم:

«خدايا! اېندى كىم تۇرتىنچى قونگچە چىقىب بارسىن؟»

باش ايلنمە و اشتها سىز ليك نىنگ همان دوامى بار اېدى. كونلردن بىرى آشخانەگە باردىم فقط بىر ايگى آغىز ناننى بىر عالم قىينچىلىك بىلن يوتىب تماغىمدن اۋتكزدىم و چايىمگە تىلش ايچىش اوچون اۋزىم بىلن بىرگە يرىم پلە



نارنج ھەم دفترگە ئايب بارگنمن. نارنجنى قارە چايلى گىلاسگە شىپقە دىم و نارنج نىنگ ھىدىنى ايسكش اوچون قۇللىرىمنى بورونىمگە يقين ايب باردىم، نارنج نىنگ ھىدىگە عاشقىمن، لېكن تۇستدن بىر بار حىرتگە توشدىم:

«واى خدايا، نېگە نارنج نىنگ ايسىنى ھىچ بىلمەيمن.»

ھمكارلىرىمدن بىرىگە اۋىلەيمەن مېن كرونا بۇلگن بۇلسم دېدىم. او كولىب دېدى:

«كرونا بونچەلىك ھەم آسان اېمس، بى غم بۇل كرونا اېمس سن!»

ھەرقىقە اضطراب و تشويشلىرىم كۆپەردى اگر فرزندلىرىمگە ايتىم اولر خواطىرگە توشردى اينىقسە كتە اۋغلىم كرونانن جودە يامان قۇرقدى اگر اولرگە ايتىمەسم خدا نا خواستە اولرنى كرونا آلگندە، قندەى قىلەمن دېب اۋىلدىم!

ساغەلىب كېتگونچە اولرگە ھىچ نرسە ايتىملىك حقىقەدە اۋز آلدىمدە قىرار قبول قىلدىم، اما اولر بىلن مصافەنى سقىلىشگە اۋلگوردىم. باش ايلنمە و اشتھاسىزلىك فرزندلىرىمنى بىر آز خواطىرگە سالگن اېدى، كونلردن بىرى بىرىگىنە قىزىم رودابە پرىشانلىك بىلن دېدى:

«آنە، نېگە بىر نرسە پىمەى سىز؟»

«قىزىم، آنەم ايتىگنلىرىدېك ھىچ نرسە يورەگىم ايتىمەيدى.»

«نېمە بۇلگن، باشقە وقتلر كىسل بۇلگىنىگىزدە بونچەلىك اشتھاسىز خۇ

بۇلسم دىنگىز؟»

«شۇگپ اۋز آلدىمدە ھەم سوال دىر، مېن ھىچ بىر پىت بوندەى بۇلمەگن

اېدىم نان نىنگ ھىدى ھەم باشىمگە يامان تېگەدى.»

اتاقىم فرزندلىرىمدن اجرە تىلگن اېدى، كېچقورون اوىگە كېلگىمىدە، كېچىك اۋغلىم مېنى قوچاغلب ايب يوزلىرىمدن اۋپردى. كولىب اونگە ايتىدىم:

«آنەسى نىنگ نفسى، مېندن بىر آز اوزاقدە بۇل، اۋزىم بىلن كرونانىنى ايب

كېلمەگن بۇلەى دېمىن.»

كونلردن بېر كون اپر تەلب، نمازنى ادا قىلگندىن سۇنگ، اتاغىم نىنگ اپشىگى  
آچىلدى، كېچىك اۋغلىم كىومرث رنگى اوچگن و لبلرى قورىگن حالده اتاققه  
كېرىب كېلدى:

«آنە، اياغلىرىم و باشىم جوده كۇپ آغرىدى.»

«خدا قىلمەسىن اۋغلىم، آغرىغىنگ تاغ و تاشلردە بۇلسىن!»

«يۈرەگىم ھم اوخشىدى.»

شوندەى بېر شاشىلىپ قالدېمكە حتى نېچە دىققە اۋزىم - اۋزىمنى يوقا تىب  
قۇيدىم و حواسىمنى قۇلدىن بېردىم. كرۈنا وىروسىنى اۋغلىمگە يوقتىرگىنىمنى  
انگلەدېم و عىيدارلىك حسسى كىملىر مېنى بۇغىب، تاماغىمنى سىقىب  
چىقرگندېك جانىمنى بېزاۋتە قىلدى.

شاشىلىپ انارنى تازەلەدېم و تسكىن قىلوۋچى بېرتە دارى ھم اونگە بېردىم.  
بېر اىگى ساعەت دن كېيىن يەنە اتاقىم نىنگ اپشىگى آلچىلدى و اۋغلىم يانىمگە  
كېلىپ دېدى:

«آنە، كۇپ آچ قالدېم.»

«قربانىگ بۇلەى، شكر يىخشىراق بۇلىب سن، ايت يۈرەگىنگ نىمە

تىلەيدى؟»

«ھر نرسە بۇلسە.»

«آنەسى نىنگ نفسى منە حاضر سېنگە نان تيارلەيمىن!»

اۋغلىم آچ قالگنلىك احساس قىلەدى و اونىنگ احوالى يىخشى اپكىنىنى  
انگەدېم. مېن پېرگە و آسمانگە شكرلر ايتدىم و آغرىقلى يۈرەگىم يەنە بېر آز  
تىنچلىك تاپدى.

ھىدىنى حس اپتمسلىگىمگە قرەمسدىن، قىزىمگە بشقابنى پىيازگە تۇلدىرىب  
مېنىنگ و اوکەسى نىنگ باش سىرىگە قۇيىشنى ايتدىم. اپر تەسى ايسىرىقى



توتتۇدۇم، بىر آز ايسىنى سېزدىم و بس. آغىزىم نىنگ مزەسى ھم يۇقالگن اېدى. بونگە قرەمەي، اچىق و چوچوك نرسەلرنىنگ طعمىنى حس قىلدىم، لېكن، آوقت نىنگ حقيقى مزەسىنى بىلمس اېدىم.

ويروس مېنگە قندەي يوقدى، دېب حيران بۇلدىم. ساغلىقنى سقلش بۇيىچە برچە پروتكللرنى رعايت ھم اېتردىم. قنچەلىك مېيەمگە باسىم كېلتىرمەي، اما اېسلە آلمسدىم. تۇستىن اېسىمگە كېلدى، كوھستانلىك ھمكارلر بىمىزدن بىرى، مېن و باشقە ھمكارلرمنى چقىرگن اېدى. توت و بادرنىنگ نىنگ فصلى اېدى. يم يشىل كاپىسانى بىحد سېو يشگنىم اوچون ھمكارلر يم نىنگ گېنى پېرگە تىشلەي قبول قىلدىم.

مىلەگە كېتەياتگن كونىمىز قنچەلىك قىزىقىش بىلن چارىكا بازارىدن بادرنىنگ ساتىب آلگنىمنى اېسلەيمىن. بادرنىگلر ھەمەسى سۈۈلى بۇلگن و تخم دېب اتلەدىگن ھېچ نرسەنى تىمەسدى بو بادرنىگلر. صياددن اۋتىگن اېدىك و يقىن دوستىم و جىھە مېندن صياد كۇپرىگىدە قىسقە دَم آلىش اوچون ھمكارلر بىمىزنى راضى قىلىشنى التماس قىلگن اېدى. و جىھە نىنگ آنەسى قىزىل قلمپىر بىلن اچىق قىلىپ پىشىرىلگن بلىقچەلرنى ياقىتىرگن، شونىنگ اوچون ھم و جىھە شو پېردە قىسقە توريب بلىغ آلماقچى بۇلدى.

«تۇغرىسىنى ايتسىم، مېن كە شو كېچىك بلىقلرنى ھېچ ھم ياقىتىرمەيمىن، بول دريا سوۈى و بىر قسم خام ايس بېرەدى دېب اۋىلەيمىن.»

«يۇقات سېنگىلىم، يورەگىمنى اوخشىتىمە، قۇى شو بلىقلر جانىمىزگە آش

بۇلسىن.»

«ھەھھھھھھھھ، آش بۇلسىن، شونچە كە مېن فكىرىمنى ايتدىم.»

«سېكىن - سېكىن صياد كۇپرىگىدن اۋتىب كاپىسا ولايتى تامان يۇل

آلدىك، مېن درخت و اۋسىملىك نىنگ عاشقى من، ھىداووچىدن موترنى تېز



ھىدەمسىلىگىنى سۈرەدەيم. يۈل نىنگ ايگى تامانئىدە گى جىدە، تېرەك و چىنار درختلرنى كۆرىپ ھىجانلەنىپ ذوقلنردەيم.

كۈھستانلىك ھمكارلرئىمىزدن بىرى نجىب، ھىداوۋچىدن جودە قدىمى كۆرىنگن بىر قلە نىنگ بلند دىۋارى يانئىدە قىسقە بىر توختىنى ئىستەدى. بىزلر ھم بىتە-بىتە بۇلىپ موتردن توشدىك و ھمكارئىمىز ئىزىدن باغلىر كۈچەسىدن يورىپ كېتىدىك.

كابللىك قىز دوستم و جىھە ھنوزگچە ھىچ بىر ولايتگە سفر قىلمەگن ئېدى، اونىنگ ئۇزىدن ھىجانلىك كۆرسىتىگى بىرچە نىنگ اعتبارىنى جلب قىلگن ئېدى، او مېنىنگ قۇللىرىمنى سىلكىلىپ:

« او خدا، بو بىر قنچە گۈزەل دىر. »

« ام، مېن ھم بوندى جى نىنگ عاشىقىمىن. كۈچە نىنگ بو ايگى تامانئىدە

قرە، قنچە چىرايلى و ئىشىل چنار و تېرەكلر بار. »

« انه، انه اونى قرە، بو نىمە درخت دىر و بو ميوە نىنگ نىمە اتى بار. »

« سېن كوت مېن بىر تەسىنى يېب كۆرەى قنى... »

« يۈمەسى پىدىنگ؟ »

« تازە دىر، بو پىردە توپراق ھم يۇق و كابل كى افلاس ھم اېمس. »

« ايت بو نىمە؟ »

« ئاۋىلە شىمچە دولانە دىر. »

« دولانە! »

« امممم، بو دارىۋار بىر ئۇسىملىك دىر، آنەگىنم قان باسىمى اوچون بىرار

وقت شوندىن پىدىلر. »

سوونىنگ شر - شىرلب آقىشى و دريا تۇلقىنى بىر - بىرگە كېلىپ اورىلىشى

نىنگ تاۋوشى يىقىنلردن اېشىتىلردى. كېچە يامغىر ياققنگە ھم ئۇخشەيدى،

توپراق و كۆكت ھىدى بېزىلر نىنگ روھىمىزنى ھىجانلنتىرگن اېدى.

بېزىلر اۋزىمىزنى كېكسىگن توت درختگە تۇلە كتە بىر باغ نىنگ ايچىدە تاپدىك. بېزىلرگە مېز بانلىك قىلە دىگن ھىكارىمىز نور بابا دېب اتەلووچى قرى باغباننى ھىقىرىب اونىنگ بىلن بىرگە لە شىب چىنار درخت سايەسى تگىدە تۇشكنى تۇشەدى. بىراو توشك نىنگ اوستىگە اۋلتىرگن بۇلسە، بىراو اېسە مېسەدە يوملەدى و باشقە بىراو بۇلسە باغ نىنگ يقىنىدن اۋتگن دريا بۇيىگە بارىب اۋلتىردى.

دۇستىم و جىھەنى دريا بۇيىدە گى تاش اوستىدە باشقە بىر ھىكارىم ويدا بىلن بىرگە اۋتىرگىنى كۆردىم، ويدا جودە شوخ طبع و چىقچقى عىال اېدى. مېن بالەلىگىمدە دريا نىنگ شاوقىنى و اونىنگ بۇرانى كۈترىلىشىدن قۇرقدىم و اولر كىبى دريا بارىشنى اىستەمس اېدىم.

كۆزىم تركارى نىنگ پىللىرگە توشدى. مېن قووانىب بابە نورنى ھىقىردىم:  
 «بابە نور، پىازلر و گىشنىزلردن بىر تېرىم آلىشىم ممكن مى دېب سورەدىم؟»  
 «ھەمەسى صدقە سىرىنگ قىزىم، تېرىب آل. سىزىلر بىزىلر نىنگ مېھمانىمىز سىز، قىدملىرىنگىز كۆزىمىزنى اوستىدە، اگر باشقە بىرار نرسە ھىم كېرەك بۇلسە ايت.»

«بىشنگ بابەجان، مېن تركارىنى جودە ياقىتېرەمن.»

بابە نورنىنگ قىتتىق يوتەلىشى اعتبارىمنى جلب قىلدى، قوروق - قوروق يوتلگىنىدن حتى مېھربان كۆزلىرىدن ياش آقردى:

«بابە، كىسل سىز مى؟»

«كىسل اېدىم قىزىم.»

«ھىنوز ھىم يوتلىنگىز بار كو.»

«ھە، ھىنوز ھىم يوتلەمن، اۋلىم بو قىرلىك كە.»





كۆرۈش، مېنى بالەلىك پېتلەرگە آلىب كېتدى، چۈنكى بووم دە ھەم شۇندەي چىنى گىللىك تباقلرى بار اېدى. تاتلى قلمپىر بېلن بو تباقلردە شۇر بە بېش جودە ياقىملى اېدى.

بابە نورنىنگ شىرپاچا ناملى بېگىت اۋغلى ھەم آتەسىگە ياردەم بېردى. اونىنگ ھەم آتەسى كى قوروق قىتق يوتلىشى مېنى اعتبارىمنى جلب قىلدى، او جودە ارىغلب قالگن كۆرىنردى، گۇيا او حاضر يامان بىر كىسلىكىدن توريب كېلگن بۇلسە. خاۋاترلە نىب اوندن سۇرەدەم كىسەن مى؟  
«ھە، خالە، نېچە وقتدن بېرى اويدە گىلرىمىز ھەمەسى شۇندەي بىر كىسەن بۇلدى.»

«نېمە بۇلگن سىزىلر»

«بېلەمەدەم، اىستىتمە، تماغ آغرىغىمىز بار اېدى، ھەمە مىزنى بىر اۋلدىرىب تىرغىزدى اۋزى.»

دوستىم و جىھە كولىب ھىللىشىب دېدى:

«بابە نور، نېە سىزنى كرۇنا آلگن بۇلمەسىن؟»

«نېمە دېسەن قىزىم، بو يورتلردە كرۇنا مرولا يۇق. بىزىلكە اېرتەدن آقشامگچە مەنە شو باغ و بو تەلرنى اىچىدە مىز.»

«آتە تۇغرى اىتەدىلەر، اگر كرۇنا بۇلسە اېدى، خدانىنگ بونچە خلقى مىلە و ساتىرى اوچون بو بېرگە كېلەر مىدىلەر.»

«شىرپاچا درست اىتەدى، اىنىقسە بو توتنى وقتىدە، قۇلىمىز - قۇلىمىزگە تېگمەدى، نا شىكرلىك بۇلمەسىن، اېرتەلبدن كېچىگە چە كابل دن و باشقە جايلردن بو باغلەرگە مەھمانلر ياغىلەدىلەر.

«ھە، انە توت اۋتىنى دە نان پېشىرە مىز.»

«ناشكرلىك بۇلمەسىن، بىزىلرنىنگ كېچە و كوندوزىمىز شۇندەي قىزىم.»



توت مېلەسى كۈنىنى اېسلەدېم، شۇندىن نېچە كۈن سۇنگىنجىب و بىر قطار دوستلرېمىز ھەم كىسل بۇلگىنىنى پېقەدېم. يۈرەگىم تۇلدى، تېلفونىمنى آلىب اۋشە كۈن بىزلر بىلەن سفردە بۇلگىن دوستىم و جىھەگە قۇنغىراق قىلىپ:

«سلام سېنگىل جان، نېگە تاووشىنگ اۋزگىگن؟»

«سۇرەمىگ، اۋلىم نىنگ آغىزىدىن قىتدېم.»

«خدا قىلمەسېن، نېگە؟»

«اۋشە مېلەدىن سۇنگ، شۇندەى كىسل بۇلدىمكە توبە.»

«سۇرەب اۋلتىرمە و جىھەجان مېن ھەم سېندىن كۇرەيامان كۈنلرنى اۋتكزېم.»

«نېمە دېسېز؟»

«ايشان، ھنوز ھەم اونچە يىخشى اېمس من، نان ماننى اېس - مېسىنى ھەم

بېلمەن.»

«مېن ھەم خودى سېندىك، يۈرەگىم بىر قىلگە اۋيزان بوتون تىم آغرىدى.»

«جىھە بېلەن گېرگىمىدىن كېيىن، اۋشە كۈنى توت سېدلرې بېلەن بېرگە كرونانى

ھەم اۋزىمىز بېلەن بېرگە ساوغە آلىپ كېلگىنىمنى انگلەدېم. ارادەسىز كولىب

يۈباردېم، نجىب گە قۇنغىراق قىلىپ دېدى:

«خدا بېلسىن قنچە عايلەلر بىزلردېك توت مېلەسىدىن سۇنگ، اۋزلرې بېلەن

بېرگە بويامان ساوغەنى اۋىلرېگە آلىپ بارگن بۇلسەلر.»

كولىب جواب بېردى:

«ھەھھھھھھھ بىزلر نېمە بېلردىك، اۋرىنسىز مېر بانلىك اذىت قىلىشدىن كىم

اېمس كۈ.»



## سینگن توشلر

كېچقورون، اۈزى نىنگ برچه ساغىنچلرى بىلن كېلدى و آغرىق نىنگ قاره كۈرپهسىنى رخشانه تۈشكى اوستىده يايگن دىر. اونىنگ تورموش اۈرتاغى طارق شىشگن و قىزىرگن كۈزلرى بىلن يىنگى كېلىن نىنگ تۈشكى يانیده اۈلتىرىپ آلىب آه تارتەدى.

هنوز تۈپلرىدن ايگى آى هم اۈتمەگن و اونىنگ ياش يورهگى خاتى نىنگ كسللىگىنى كۈرىشده تابى يۇق. رخشانه اىستىتمە ايچىده كۈيهدى اونىنگ تاماغىدن اوزاق و آغرىقلى نالەلر چىقەدى:

«واى خدايا، مېن اۈلەمن.»

«خدا قىلمەسىن رخشانەم، ياوولرىنگ اۈلسىن.»

«بوتون تىم ققشب آغرىدى، سوبكلرىم شۈشب تۈكىلىپ آغرىدى.»

«يخشى بۈلەسن بخىر، بىر آز چىدەب تور.»

اونىنگ كتە، پارلب تورگن قاره كۈزلرى بورچكلرىدن تىنىق، اىسسىق تامچىلر آقەدى. طارق قىغو بىلن خاتىنىنى آغرىق بىلن كوزەتىب تورەدى و بىر نېچە كۈندن بېرى كسللىك تۈشەگىدە مىخلنگن خاتىنى جودە ارىغلب





قالگن كۆرىنەدى. او بوتون دنيا كىسل اېكن ليگىنى و اونىنگ بوتون حياتى قارانغو كېچەدن باشقە نرسە اېمس ليگىنى حس قىلەدى.

او كىچىكلىگىدە آنەسىنى قۇلدىن بېرىپ قۇيگن اېدى، آرەدن كۆپ وقت اۋتمە آنەسى باشقە بىر خاتىن آلىب، طارقتى بووسىگە تاپشېرىپ قۇيگن. بووسى اونى كۆز قرەچىغىدىك يىخشى كۇرىپ اويلەگنىگە قرەمەى، لېكن اۋلگن آنەسى نىنگ هېچ بىر پىت بۇش اۋرنىنى تۇلدېرە آلمەدى.

آنەسى وفات قىلگندىن سۇنگ، او آنەسى نىنگ هم محبتىدىن بىراقدە قالگنىنى اېسلەيدى. آنەسى تىرىكچىلىك و يىنگى خاتىنى و بالەلرىگە بېرىلىپ كېتگنى باعث طارق ناملى اۋغلى هم بارلىگى هېچ اېسىگە هم توشمەيدى. طارق كونلردىن بىرى بوويسىدىن سۇرەگنىنى اېسلەيدى:

«بوو، نېگە آنەم مېنى يىخشى كۇرمەيدىلر؟»

«بوو قربانىگ بۇلسىن، يىخشى كۇرەدى نېگە يىخشى كۇرمەسىن، آدم اۋز

بالەسىنى سېومسلىگى هم ممكن مى جانىم؟»

«خى نېگە بىر كون هم مېنى قوچاغىگە آلىب اېركەلتمەگنلر؟»

«بوندى گېلرنى كېنىدىن بۇلمە اۋغلىم، بى چارە آنەنگ اېرتەلب وقت

كېتىپ آقشام كېچ كېلىشىنى كۇرەپىسنىكى.»

«مېنگە هر دايم اۋزىنگىز كىيم آلەسىز يا تكة آلىب تىكدىرەسىز، لېكن

آنەم باشقە فرزندلرىنى اۋزى بازارگە آلىب بارىب، اولرگە تورلى - تورلى

متاعلردىن كۇيلىك آلىپ بېرەدى.»

«وى وى اېركە تايىم، خداوند هېچكىم نىنگ اوستىدىن آنەسى نىنگ

سايەسىنى آلمەسىن.»

بوويسى هر دايم قىغوبىلن ايتردى: خداوند هېچ بىر مومن و مسلمان

نىنگ اوستىدىن آنە نىنگ سايەسىنى كم قىلمەسىن دېب، چوقور بىر آه





تارتىدى.

طارق نىنگ اېسلىشىچە، كىسلىكلىرىدە بوۋىسى دايم يانيدە بۇلگن و اونگە پرهيزانه آوقتلر پىشىرگن و اونگە محلي داريوارلردن داری تيارله گن؛ اما باشقه اكه - اوكه لرى نىنگ باشى آغريب قالىشى بيلن آق، آنه سى اولرنى موتريده آليب، چاريكاردن كابل گه آليب باريب، يخشى داكترلرگه كورسه تيب دواله يردى.

باله ليگىدن اۋسپيرىنلىگىگچە او مينگ بير محروملىك و اميدسىزلىكنى باشدن كېچىردى. اۋشه پىتده گى برچه ناموافقلىكلردن سۈنگ، بوۋىسى رخشانه نى اونگه آليب بېرىشگه اولگوردى، نهايت اونى كېلىنىگه ايلنتىرگىدە، او باش و مهربان خاتىن بيلن برچه معمالرنى اونوتدى.

رخشانه شونچه لىك عاطفى و مهربان قىزابدىكه حتا طارق نىنگ اوگى آنه سى، اونىنگ اېرى داىما ايگىنچى آنه سى دېب ايتىشىگه قره مەى، رخشانه نىنگ كىسلىگىدن خفه اېدى. بير هفته دن بېرى كىسلىك تۈشگىدە ميخلە نىب الاو ايچىدە كۈيردى. طارق نىنگ آنه سى كابل دن داكتر آليب كېلىشىگه قره مەى، لىكن هيچ بير داری اونگه فايده قىلمىسدى. عكس حالده، آغرىغى كۈپه يردى. كته قىين آنه سى بيلن دوستلىگى بۇلگن قىشلاق نىنگ بعضى عياللرى اونى كۈرگنى كېلردىلر، هر كيم اۋزىچە بير دوانى توصيه قىلردى. كونلردن بېرى شو عياللردن بيته سى طارق گه ايتگن:

«طارق جان، مېن دن اېشىتماقچى بۇلسنگ كېلىنىگنى شو كوھستانلىك

ملا نىنگ آلدىگه هم بير آليب بار.»

«خاله، خدا قيله آلمه گن ايشنى، ملا نيمه قيله آله دى.»

«سېن اۋشه وقتلردن بو نرسه گه عقيدەنگ يۇق اېدى، خدا كېچىرگىر

بوۋىنگ اولگن دن سۈنگ، شوكه بىزلر اويلرىنگىزدن كېتىشىمىز بيلن، تاووغ



كسللىگى تېككندىك ھمە مېز باش قۇيدىك، لېكن، منە شۇ دەل ۋە دەلار  
اېدى خۇداگە شۇر ساغەلىب كېتىدىك.»

قىشلاقلىك خاتىن كېتىگەن كېيىن، رۇخشانە انىق بوۋىسى ۋە فات  
قىلگەن سۇنگ كسل بۇلگىنى طارق نىنگ اېسىگە توشدى. بوۋىسى نىنگ  
جسدنى يۇوگن بىر قىتچە خاتىنلر ھم شۇندىن سۇنگ كسل بۇلگىنىنى طارق  
اېسلەدى.

اۋزى نىنگ اۋىدە ھم بىرچە كسل بۇلگىنى اېسىگە توشدى، بىراق رۇخشانە  
نىنگ كسللىگى شۇ قدر قىتق اېدىكە باشقەلر اۋز آغرىقلىرىنى اۋنوتىب  
يۇبارگن اېدىلر. باشىنى رۇخشانە نىنگ آياغلىرىگە قۇيىب پىق - پىق بىغلەدى.  
اۋ اۋزىدىن، بختىدىن، حىياتىدىن گلە قىلىب شكايت اېتردى:

«خۇدا! نېگە مېن بىلن بۇندە ۋە قىلەسن؟ نىمە گناھ قىلگەنمەن مېنى  
بۇنچەلىك جزا بېرەسن؟ بىرىنچىدىن مېنى آنەمدىن اجرەتىنگ و اۋندىن  
سۇنگرە مېنى آتەنىنگ مۇحبىتىدىن بىراقلىشتىردىنگ، بىرىنچى تەبىنچىم  
بۇلمىش بوۋىمنى ھم مېندىن آلدىنگ، كۇپ چىدەدەم و طاقت قىلىب بىر  
نۇرسە دېمەدەم، اما اېندى رۇخشانە نىنگ كسللىگىنى چىدە آلمەيمەن.»

رۇخشانە، غىنىشىب ضەيف بىر آواز بىلن نۇس آلامسلىگىنى ايتدى.  
طارق كۇردىكە رۇخشانە سوۋدىن تىشقرىدە قالگن بلىغ دىك اياغ قۇل اۋرىب  
پتېرلەردى. طارق نىنگ نۇسى اىچىدە اۋرەلگن. بو اېنگ يىقىن عزىزى نىنگ  
سۇنگى دىقىقەسى بۇلگىنىنى اۋىلەدى. اۋىقىب تىشقرى چىقىب آتەسىنى  
ھىقىردى:

«آتە، آتە تېز كېلىنگ رۇخشانە نىنگ احوالى يامانلىشىپ قالدى.»

«نىمە گپ اۋغلىم، نېگە بۇندە ۋە بىغلەيسن؟»

«اگر رۇخشانەگە بىرار نۇرسە بۇلىب قالسە، مېن ھم اۋلەمن آتە!»



«خدا قىلمەسىن، كېلىنمىزگە ھېچ نرسە بۆلمەيدى، يۈگۈر، مۇترنى چالان قىل كابلگە ئايب كېتەمىز.»

\*\*\*

نېچە كۈندىن سۇنگ، داكتىرلار ھەمدە عايىلەسى تامانىدىن قىيىق مۇراقىبەت ئاستىدە بۆلگۈندىن كېيىن، قىتەدىن ئاياققە تۇرە ئالدى؛ لېكىن ھەنوز ھەم جۈدە كىسىل و يۈرەگى ھېچ نرسە ئىستەمەسدى.

قۇشنى خاتىنىلەر نوبەت بىلەن ئونگە بولانى پىشىرىپ كېلدىلەر. بىر تەسى وپنى كۆكتلەردىن بۆلسە و باشقەلەرى ئاپسە كدو يا كچالودىن بولانى پىشىردى. او، فقط مەنە شو اچچىق بولانىلەرنى كۆپراق ياقتىرىردى. آغزىگە اورمەى ياقتىرمەدىگن يىگانە نرسەسى گوشت اېدى.

اونىنگ عومومى كۈچسىزلىگى و فشارى نىنگ قويليلىگى اونى كۈيىنچە ضەف قىلىشىگە سبب بۆلدى. آخىر - عاقىبەت، كۆپ تېكىشىر وولردىن سۇنگ اونىنگ حاملەدار اېكن لىگى انىقلندى.

بو يىنگىلىكنى اېشىتىش نە فقط طارق و رخشانەنى جۈدە خورسند قىلدى و ھىجانلىتىردى، بلكە بوتون عايىلەنى شىرىن خىيالگە غرق قىلدى و اولر نىنگ ھەر بىرى بالە قىزمى ياكە اۋغىل بۆلەدىمى دەپ اونىنگ آتى حقىدە سەھبەتلىدىلەر. رخشانە ھەر كۈنى كتە اشتىاق بىلەن بالە دنياگە كېلىشى اوچون كورتكەلەر و پىياقلەر تۇقىپ، تىكىدى. ھەر آقشام او چىرايلى بالەنى قوچاقلەگىنىنى آرزو قىلەر اېدى، اېر تەگە امىد گۈللەرى اونىب چىقىپ، قىلىدە يىنەدە يىشىل بۆلىپ اۋسدى. طارق ھەم جۈدە خورسند اېدى، ھەر كۈنى بىزلىك دكانىدىن كېلىشى بىلەن خاتىنىگە بۆلەجك بالەسىگە كىيىم تىكىش اوچون چىرايلى و رنگ - بىرنگ بو يۈملەر كېلتىرىردى. بىر نېچە آى آلدىن قۇشنى عىال رخشانەگە عىجلىنىپ دەدى:





«قىزىم، قارنىڭ ھېچ كىتە بۆلمەيدى، شۇنچە كە كۆرگن اېدىم، ھنوز  
اۋشۇنچە دىر.»

رخشانە، قۇشنى خاتىن نىڭ گېلىرىنى اېشىتىشى بىلن تشوېشگە  
چۇمىلدى و مىنگ بىر خواطر بىلن بىر آزگىنە كۇترىلگن قارنىنى قولى بىلن  
سىلىپ قۇيدى:

«خدايا، چقە لاغىمنى اۋزىڭ سقلەگىن.»

رخشانە كېچە جودە اچىنرلى و خىرە بۇلىپ كۇرىندى. طارق  
خواطرلەنىپ سۇردى: ساغلىغىڭ يىخشى مى بىرار جاينىڭ آغرىمەيمى:  
«بىلمەيمىن طارق، ھېچ يىخشى اېمىسمن و يورەگىم بىر قىسم دىر.

«نېگە، نىمە گپ بۇلگن؟»

«بوگون قۇشنىمىز نىڭ خاتىنى كېلگن اېدى.»

«خو باشقە نىمە؟»

«مېن تامانگە قرەب، قارنىڭ قنچە كىچىك و حاملەلىگىڭ ھېچ معلوم  
بۆلمەيدى دېب ايتدى.»

بوگېنى اېشىتىش طارق نىڭ ھىم روح و روانىنى بوزدى. او، اېرتە  
خاتىنى كابلگە يىخشىراق بىرار داكتىرگە آلىپ بارىپ معاينە قىلىش اوچون  
تصمىم آلدى.

كابلگە بۇلگن سفر، و اېر و خاتىن نىڭ اېنگ اچىق سفرى اېدى،  
چونكە داكتىر اېنگ يامان خبرنى بولرگە ايتدى. داكتىر: چقە لاق آنە نىڭ  
قارنىدە ساغلام اېمىس دېدى. آنە كويد ۱۹ كىسلىگى پىتىدە اۋز باشىمچە  
دارىلرنى اىچگن و باشقە تاماندىن ھىم داكتىرلەر ھىم كۇپ دارىلر بېرگنلر،  
بونىڭ حاملەلىگىنى ھىم ھېچ كىم بىلمىدى. بو دارىلرنى اىچىش جىنىڭگە  
زىان يېتكىزىپ اونى اۋسىشدىن قۇيگن.



طارق و رخشانه، بىر عالم اميدسىزلىك بىلن چارىكارگه قىتىدلىر. بولر نىنگ قرارى و اويقوسى اوچىب اورنىنى قىغو و غم قاپله گن. رخشانه نىنگ كېچە و كوندوز دېمەى يىغلىشلىرى باعث جنين سقط قىلدى. هنوز دىياگه كېلمە گن و آنە نىنگ قوچاغى نىنگ هيدىنى حس قىلمە گن بالەنى قۇلدن بېرىش ياش آنە نىنگ روح و روانىنى جودە بوزىب تشلەدى. مىنگ بىر آرزو و اىستكلر بىلن تىكىلگن بالە نىنگ كىم - كېچكلرنى كۇرىش هر كون رخشانەگە رنج بېردى. كونلردن بىرى طارق نىنگ اۈگى آنەسى رخشانە نىنگ آلدىگە كېلىپ، قۇشنى نىنگ خاتىنى كۇرگنى كېلگن دېدى:

«قىزىم، تور نېچە دىقە تشقىرىدە گى حاولىدە ايله نىلىك. قرە مرسل گللر عجاب چقنب آچىلىدى بىر ساعت چىلە نىنگ تىگىدە اۈلتىر قۇشنى عباللر هم كېلىپ شو پېردە اۈلتىرگنلر.»

«بوره گىم تشقىرىگە چىقىشنى اصلا اىستەيدى، مېنى يالغىز قۇينىنگ!»

«قىزىم، اېر تەدن آقشامگچە قىغونى محكم اوشلب اوى نىنگ چېتىدە اۈلتىرسنگ عقلدن آزه بەسن، تور تشقىرى بارەپلىك فكرىنگ بىر آز باشقە بۇلسىن، تور آنە قىزىم!»

عايله نىنگ سېوگى و محبتى هر كون رخشانەگە كوچ بغىشلەيدى. كېچ طارق دكاندن كېلىشى بىلن، رخشانەنى ارغوان تېپەلىگىگە آلىب بارردى، چونكە خاتىنى گل غندى و ارغوان نىنگ عاشق ليگىنى بىلدى. قىتىشگە هم اونگە موز قىماق آلىب بېردى. ايرىم پىتلردە ايكاولرى چارىكار بازارىنى كىچگچە ايله نىب سودا ساتىق قىلىپ خوش و خرسند اويگە قىتىردىلر.

نهايت گل غندى ارغوانلرى هوا اىسىشى بىلن رنگلرىنى باى بېردى، لېكن اميدنىنگ چىرايلى گللىرى رخشانە نىنگ آرزومند كۇنگلىدە قىتەدن آچىلدى او حلى هم اۈز و جودىدە بالە كتە قىلە يانگىنى حس قىلدى.





اېندى بوتون عايلىه هر جھتدن رخشانه خاطر جمع ليگىنى حس  
قيليشگه حرکت قىلر اېدىلر؛ چونکه هر بيرلرى ساغلام باله، ساغلام آنه  
قارنیده اۋنىب - اۋسىشى ممکن ليگىنى انىق انگله گن اېدىلر.



## دنيا اۋيينچاقلرى

كىمىدىر درخت نىنگ قوروق يالەلرینی قۇللىرى بىلەن سىندىرەدى. ترق ترق قوروق يالەلرنى سىندىرىش نىنگ تاووشىنى اېشىتىش، اوروشلر سەبەلەنگە قاچىق كۈنلر يىمىزنى ھەر دايم مېنگە اېسلەتەدى.

بىر وقتلر بىرچە مېز بىر ھالەتدە ھايات كېچىرە ياتىقن پىتىمىزدە كېچقورونلر آنەم و خالەم بوتەلر قوروق يالەلرنى شۈندەي قىلىپ سىندىرىپ تەندىرگە تەشلەيدىلر. تەندىردن اوزون آلاو و يانە ياتىقن تەلر ھىدى، مېنى ھىجانلەنتىرەدى. بو بوتەلر نىنگ نىمە آتى بارلىگىنى ھىچ بىلەمەن، بىراق، بىزلر اونى كۈھى بوتەلر دەپ ايتەدىك. اوشبو كۈھى بوتەلر شۈنچەلىك يىخشى ھىدىلى اېدىكە يانە دىگن پىت آدم نىنگ روھىنى مەست قىلەدى.

يغاچلر و قوروق يالەلرنى ترق ترق سىندىرىش، مېنى ارق نىنگ او تامانىدن كتە پنچە چنار درختى پەنەسىدە اۋلتىرگن كىشى سارى تارتەدى. مېن اۋزى نىنگ خىاللر يىگە غرق بۈلگن يانەدە قوروق سىندىرىلگن نودەلر تۈدەلنگن اق سقال آدمنى كۈرەمەن:

«بابە جان سلام!»

«ھارمىڭ اۋغلىم.»

«ساغ بۇلىڭ باھە، قنچە وقتدن بېرى ياغاچلارنى سىندىرىش آوازىنى  
 اېشىتەن، نھايت طاقتىم بۆلمەدى، عىن اريق نىڭ اويانىدن اۋتېب  
 يانىڭىزگە كېلدىم.»

«خىر كۆرسىن باھەسى نىڭ گلى، بىز خىلقلر مەنە شو اۋتىن - چوب بىلن  
 كۈنىمىزنى اۋتكۈزمىز.»

«ھە راستى باھە، مېنى كېلگىمنى ھەم بىلمەي قالدىڭىز نىمەنى حقىدە  
 اۋىلەب ياتگن اېدىڭىز؟»  
 «اى، اى، چۆرت فېكر كىم اېمس.»

«ئەھ ھە باھە...»

«باھەسى نىڭ گلى، مەنە شو حاضرھەم اۋتمىش نىڭ چۆرتىدە اېدىم،  
 اوشبو پىل و پلواندە بىر وقتلر اياق قۇيگىدىك جاي يۇي اېدى، يالغانچىلر  
 ايتگندىك، اېگىنە تىشلە گۈدىك جاي يۇق اېدى.»  
 «خى نېگە خالى بوندە جىم جىرىتلىك؟»  
 «اى، اى، آدملر شېكر قىلمەدىلر...»

«نېمە نىڭ شېكرىنى؟»

«ساغلىك و سىلامتلىك شېكرىنى، اۋشە وقتلردە قوم و قىرىنداشلر بىلن  
 بۇلىب كۆرىش شېكرىنى»

«اوندە بۇلسە ھەمەسى آدملر نىڭ ناشكرلىگىنى نىڭ نىتىجەسى دېب  
 اۋىلەي سىزمى؟»

«ھە راستىنى ايتسىم باھە، يۈرەگىم تۈلە، ايتىڭىچى بو قىشلاق نىڭ  
 آدملىرى قەپىرگە كېتگنلر؟»

چال شو قدر نانىق گېردى، مېن اونىڭ نېمە دېماقچى اېكن لېگىنى



توشونمەدیم. شەر - شەر اېتېلب تورگن سوو نینگ تاووشى حلى هم شو قەدر بلند اېدىكى، مېن چال نینگ بېلن بلند آوازده گېلشيشگە مجبور بۇلدىم. مەيىن شىمال اېسردى، چال نینگ تېزە لىرى و بېلكە لىرېگە بىر نېچتە بىرىك، چىرايلى چنار بىرگلىرىنى تشلەدى. بالە لىكدن اوشبو درخت و بو نىنگ پنجه كى بىرگلىرى نىنگ عاشقىمىن. سوو نىنگ آوازى، درختلر نىنگ شىرشىرى و قىشلاق نىنگ سىكوتى مېنى سىحرلەگن اېدىلر. بوتون وجودىم بىلن بو محلگە باغله نىب قالگنمىن. چال منگولى آوازده خىرگامى قىلششىنى تىنگلەدیم:

«ارىق نىنگ چېگە سىده اۋ تىرىب، حىات نىنگ اۋ تىشىنى كۆرىنگ، ارىق نىنگ چېگە سىده اۋ تىرىب، حىات نىنگ اۋ تىشىنى كۆرىنگ»  
 «باە، ھېچ بۇلمەگندە تىنچلىككە تۇلە بىر نېچە كونى كە كۆردىنگىز!»  
 «بۇراندن آلدىن تىنچ، بۇراندن آلدىن تىنچلىنىگ»  
 «تۇغرىسىنى ایتىم مقصدىنگىزنى درست انگلە آلمەدیم باە!»  
 «باەسى نىنگ جانى، سېنىنگ ایتىشىنچە او نېچە كون آراملىك، برچە نابىر قارلىكلر بىرىنى تىنگلشتىردى»

سىز لردن ياشورىب نىمە قىلەى، چال نىنگ قىسە لىرى و گىلرى اىچىدە اۋزىمنى يۇقاتگن اېدىم، او قنچە لىك قىسە قىلمەسىن، كۇپراق شىبە لىردىم. نىھایت اېسكىرگن كرتىسى نىنگ كىسە سىدن رنگىنى بېلگىلش مەمكىن بۇلمەگن بىر اېنى تشقىرى چىقارىب قوروق شاخەلر و بوتە لىرى باغلىشگە باشلەدى. اوشبو يوك، بېلكەسى خىم بۇلگن و كوچ سىز چال نىنگ كوچىدن يوقارلىكىنى حس قىلدىم. مېن تشبشى اۋز قۇلىمگە آلدىم و بېلكە مگە كتە مقداردهگى قوروق اۋ تىنىنى قۇدىم.

«باە، اېندى سىز اىلگىرى - اىلگىرى يورىنگ، مېن سىز نىنگ اىزىنگىزىدن



«اخ، دىنيا كېتىدى و بىزلىرىنىڭ يۈرەگىمىزنى ھم الاو بېردى و كونيىمىزنى قارە قىلدى.»

«دىنياگە نىمە بۇلگن اېدى بابە؟»

«خداوند كرونا نىنگ اوينى كۆيدىرسىن، بىزلىر كرونا اوچون دىنيانى اېمىلە تىشىگە آلىب بارە آلمەدىك. شو اېدىكە جگر گوشەگىنم كسل بۇلدى و تېز بىزلىرىنىڭ آرەمىزدن كېتىدى.»

قرى چال نىنگ كۆزىدە ياش ايلنگن اېدى. اونىنگ قىغو و غمىنى كۆزىب مېنى ھم قىغولتتىردى. اۋزىمچە اۋىلەدىم اوشبو كشىف و يروس قنچە عايلەلرنى اۋز عزىلرى نىنگ قىغوسىگە چۈمدىرگن دىر.»

اوى نىنگ اۋرتەسىدە عذاب چېكىب كويلنگن قۇشقىنى اېشىتىدىم:

«يا مولا، دلم تنگ آمدە

شىشە دلم اى خدا، زىر سنگ آمدە

ياران و برادران مرا ياد كنيد

تابوت مرا ز شاخ شمشاد كنيد

يا مولا، دلم تنگ آمدە

شىشە دلم اى خدا، زىر سنگ آمدە»

بوندەى بىر مونگلو تاووشنى اېشىتىش بىلن تىم جىمىلىب كېتىدى، پرشانلىك و حىرت بىلن بو آوازنىڭ اېگەسىنى قىدىردىم. چال مېنىڭ قىزىقىشىمنى كۆردى و آھستە دېدى:

«بو نامراد كېلىنىم دىر، ھر كون دېوانەلر سېنگرى صفەنى يىغىب

سوپرەدى و سۇنگرە دىياسى نىنگ اۋىنچاق و قاغورچاقلرىنى آلىب كېلىب

بو پىرگە قطار قىلىب تېرەدى.»

«توبە خدايا، قنچە قىين دىر!»

«جودە قىين دىر جودە قىين. بىرار كون دايرەنى ھەم آلىب كېلىب قاغورچاققە كويلەدى. اوندىن كېيىن تېلەلردېك اۈزىگە اورىب يىغلب ساچلىرىنى يولىب - يولىب اۈزىب آلەدى.»

«اخ، بېچارە آنە!»

«بىرار وقت شىوندەى مونگلى بىتلر اۈقىدىكە تاش نىنگ يورەگى ھەم اونىنگ حالىگە كۈيەدى.»

«آفرىنى، شوکە تىرىك دىر، كتە گپ دىر.»

«ھان، ھان، اما آتىگە تىرىك - دە»

«خودىگە، خداوند اۈن يىلدىن سۈنگ بىر بالە بېردى و كېيىن بو بلا اېسە

بالەسى اوستىگە كېلدى، چىدەش قىين دىر...»

چال قىشلاق نىنگ سىكوتى و يالغىزلىك سىبى ھەم كويد ۱۹ كىسلىكى اېكن لىگىنى ايتدى. آدمىر جانى نىنگ قۇرقىشىدىن تشقريگە چىقمەيدىلر و بالەلرىنى ھەم اويلرىدىن تشقريگە چىققىنى قۇيمەيدىلر.

اوجودە قارىب چال بۇلىب قالگىنىنى حس قىلدىم. يورەگى تۇلىب، اولر نىنگ دنىاسى كىسل بۇلگن كېچە حقىدە ايتدى:

«بو جودە قرانغو بىر كېچە اېدى.»

«نېورەنگىز كىسل بۇلگن اۈشە كېچەنى ايتەسىز مى، بابە؟»

«ھان ھان، دنىام كىسل بۇلگن اۈشە كېچەنى ايتەمن، دنىامىز كىسل

اېدى.»

«نىمە بۇلگن اېدى؟»

«آلدى كېنى الوازن دېك قىپ قىزىل بۇلگن اېدى.»

«ھوووووى قىزەموق چىققن اېكن، ھە؟»

«ھان، بوندەى قىزەموقنى مېن بوتون حىياتىمدە كۈرمەگندىم.»



«اىستىتمەسى ھەم بار اېدىمى؟»

«اى اى، اوشبو شوم كېچەنى اونوتىپ بوندن قاچىش اوچون قنچەلىك  
حرەت قىلمەيىن، بۇلمەدىكە بۇلمەيدى. سېوئىملى قىزچەمىز، بىرگىنە  
قىزىمىز اىستىتمە اىچىدە كۆپرەدى.»

«واى شونچەلىك اىستىتمەسى بلند اېدىمى؟»

«جودە بلند اېدى، جودە، كاشكى فقط اىستىتمەسى بۇلسە اېدى،  
بالەگىنەمىز قىزەموق كىللىگى يانيدە اىچ كېتمە ھەم بۇلدى.»

«ھووووووى، يعنى اىچ كېتمەسى و ھەم قوسىشى ھەم بار اېدىمى؟»

«ھان، آش قازانيدە ھېچ نرسە تورمىسدى، اونىنگ آش قازانىنى ھەم  
خراب اېدى... اۋشە كېچە، بختگە قرشى، آتەسى اويدە اېمىس اېدى، كابل  
كېتگن اېدى.»

«كابل گە نىمە قىلردى؟»

«دكانى نىنگ مالى توگەگن اېدى، دكانىگە سودا مودا آلىب كېلىش  
اوچون كېتگن اېدى.»

«خى شوندى اېكن، دوالش اوچون كاشكى دىنانى ھەم اۋزى بىلن

كابل آلىب كېتگن بۇلسە اېدى!»

«اى اى آدم غافل دە، اۋغلىم كابلگە جۇنەگندە دىياگىنەسى گل دېك  
توپە توزىك اېدى، آە، ھېچ اونوتە آلمەيىن، آتەسى اونى قوچاغلب آلگن  
وقتلىرىدە اونى يوزلرېنى اۋپردى، آتەسى نىنگ قوچاغىدە كولىب اونگە  
قرەب اۋزىنى پتېردىب اورردى توبە.»

«وى، بېچارە آتەسى.»

«امممم، بېچارە آتەسى، كابل دن دىياگىنەسىگە تورلى - تورلى كىيىم و

اۋيىنچاقلر آلىب كېلگن اېدى....»



اۋيغىسىنى تۇختەتە آلمەدى، اۋنىنگ اينگىچگە و بوكىلگن يىلكەلىرى  
يىغلسە و آغرىق شىدنىدن تىترەب تورردى. اۋنىنگ قىغوسىنى كىمە تىرىش  
اۋچون اۋنگە تسلىت اىتە دېگن ھىچ سۇز تاپە المسدىم. يۈرەگىم چال و  
كېلىنگە جودە ھىم كۈيدى. خلقىمىز و يورتىمىز ھالىگە افسوسلندىم، كرونا  
سىز ھىم آدملىرىمىز اېنگ آز صحى امكانىتلرگە ھىم اېگە اېمىسلىر، اېندىكە بو  
آفت و بلا كېلگنى بېرى، آدملىر بوتۈنلەى بېچارە بۇلگنلىر.

چال بىلن خىرلشماقچى بۇلدىم، اۋ عذر قىلىپ بىنگىمنى تارتىب دېدى:

« كېل بو چىلە نىنگ ساىە سىدە اۋلتىر. »

« ئىشنگ بابە، كېتىشىم كېرەك. »

« اۋلتىر، تىرىك اېكىم كە سېنى چقىرەيىمىن. »

« بابە، اېندى كېتەمىن، ىنە باشقە بىرار وقت كېلەمىن. »

« قەپەرگە كېتەسىن بابەسى نىنگ جانى، اۋلتىر سېنگە بىر گىلاس وطنى

سوت پىشىرىپ بېرەى. »

چال شو قدر مېر بىلن اۋتىرىپ، مېن بىلن بىرگە نان و سوت اېچىشىنى

سۇرەدى، مېن اۋنىنگ التماسىنى رد اېتالمايدىم. قىنە تىلگن سوت ھىدى

بىلن ارەلشگن اۋسىملىك ھىدى مېنى مەقتون اېتدى. مېن بوتون عمرىم

دوامىدە بوندەى مزەلى طعاملىرىنى بېمەگن اېدىم.

كېكسە چال بىلن خىرلشىپ، اۋنىنگ كلبەسىدن چىققىنىمدە، مېن بو

اچىق واقىئەنى يۈلدە اۋىلردىم و مېن بو آدم نىنگ ھىكايەسىنى و نېورەلىرى

نىنگ اچىق تقدىرىنى يازىشگە قرار قىلدىم؛ افسوسكى، ھىكايە يازىش

اۋچون استعداد كېرەك، مېن ھىتا شو كۈنگىچە اېسدەلىك يازىشگە قادر

اېمىمىن.



## قۇرقىنچلى توشلار

شو بوگون قىتتىق پارتلىش نىنگ سېسى بىلن اويقودن اويغايىب كېتىدىم. هنوز هم فكرلر يىمى يىغىب تېرىب آلامه گنمن. مېنىنگ ذهنيىم جوده ترقاق و چلكيش دىر. اويغاقلىك دن قاچىب، اويقوگه پناه ايزلشنى ايسته يمن؛ آه، اويقولر يىم قۇرقوودن بۇلك نرسه لر اېمس دىر. ساچلر يىم تۇكىله يانگىنى توش كۇردىم، يۇق، يۇق بو اويقو اېمس، خودى اويغاقلىك دىر، اويغاقلىك. كرونا دېب اتلووچى اۇشه آفت و بلادن سۇنگ ساچلر يىم جوده كۇپ تېز تۇكىله باشلەدى. ايشانىنگ حتى ساچلر يىمى ترەشدىن قۇرقردىم:

«اگر اۇز شخىصلرىده كرونانى محرقه يازسه لر هم داكلرلر نىنگ گناهى اېمس اېدى البته. اوشبو كئيف كسللىك آدمنى اىچكرىدن كۇيدىرىب الاوگه تارتهدى.»

دهليز يىمى ده ياروغ گلابى رنگلى تۇشك تۇشلكن دىر. تۇشك نىنگ رنگى دهليز تامى نىنگ تېوره گيده گى خطگه اۇخشەيدى و هر بير كۇرووچيگه اېزگو بير حس بغيشلەدى. اياغلر يىمى سېكىن - آهسته اوشبو تۇشك يوزيگه اوزه تىب آيينه قرشىسىده توره من.

«ۋاي، افتيم سرغيگن آلمه گه اۋخشب قالگن، گويا قندهى دير بير آفت ايچكر يدن ويران قيلگن بۇلسه. يعنى مېن آفت اورگن و اچين بۇلگن بير آلمه دن بۇلك نرسه اپمس من.»

بيرينچى مرته كرونا آتيني بيتكرمه لر آرقه لى اېشيتگنمن. كرونا، چين و ووهان برچه سى بير - بير يگه باغليق. بو وىروس نينگ نيمه ليگى و قۇلدىن نيمه ايش كېلىشى مېن اوچون هيچ مهم اپمس اېدى. اۋيله شيمچه چين بيزلر نينگ شھرىمىزدن شونچه آيس ده كه بو حقه تشويش قيليش بيزلر اوچون اصلا اۋرىنلى اپمس.

هر كونى مينگلېب عايله قۇرقيشىدىن ايران دن اولكه گه قيتيب كېلىشى حقيده گى خبرنى اېشيتشكندە مېنينگ هم جانيمگه قۇرقوو پيدا بۇلدى، مهاجرلر يميز ينه هم اوروش اۋيقانيدە ايله نيب قالگن شو يورتده پناه ايزله ديلر. چنان خشك سالى شده اندر دمشق

كه ياران، فراموش كردند عشق

اوشو بيت نينگ بو قسمى كون بۇيى مېنينگ تېلىمده اېدى و عايله اعضالى قوروق سېوگى و محبت يىللر ينى باشدن كېچيرگنلىكلر ينى و بير - بيرلر يدن قۇرقيب، بير - بيرلر يدن قاچيشلر ينى كۇريب حيران قالدېم. ممكن مبالغه دېب اۋيله سىنگيز، لېكن تۇغرى ايتە من تۇغرى، قۇشنىلر يميزدن بېرى قلىن خط بيلن اۋيى نينگ دروازه سېگه يازيب قۇيگن اېدى.

قدرلى دوستلر و قرينداشلر! سيزلرنى يخشى كۇرىشىمىزنى بيله سيز، اما كرونا وىروس تۇگه گونچه سيزلرنى قبول قيليش دن عذر سۇرىمىز.

هيچ كيم زمان بوندهى نرسه لرنى باشدن كېچيره دى و حتا برچه مراسملر و مدنى قدر يتلرگه ضد روشده خدا نينگ دۇستى بۇلگن مهماننى قبول قيليشدن قاچه دى دېب اۋيله مه گن.

المارىدىن كىچىك رادىومنى آلەمن. باش برماغىم موجنى اۋزگرتىر و وچى  
گوتك نىنگ اوستىدە، ايلنەدى. خداوندگار بلخ نىنگ اپنگ سۇنگى شىرىنى  
كويىل تورگن احمد ظاهر سېسىنى اېشىتەمن:

روسر بنه به بالين، تنها مرارها كن

ترك من خراب شىگرد مبتلا كن

گويابو شعر اۋزىمدن بۇلسە و اوشبو تاووش هم اۋزىم نىنگ جنجرەمدن  
چىقە ياتگن بۇلسە دېب حس اېتەمن. كۋىنچە آدمىر بوندى بىر حالتنى تجربە  
قىلگن بۇلسەلر و كىسلىك جانلىرىدىن هم تۋىدىرگن بۇلسە.

قارە كىچىك رادىونى تىخت نىنگ اوستىگە قۇيەمن و رهنورد زىياب نىنگ  
چهار گرد قلاگشتم... كىتابىنى قۇلىمگە آلەمن. كىتابنى اۋقىب سۇنگىگە  
پىتكزگنمىن. يازوچى نىنگ ايتىشىچە روزگارنىنگ حكىملىرىدىن بىرى كىس  
بۇلگن و آتەسى تورك داكلردن بىرىنى كىسلى نىنگ آلدىگە آلىب كېلگندە،  
اۋغلى محرقە كىسلىگىگە يولىققن ليگىنى انىقلەيدى داكلر. اوشبو كىچىك  
حكىم كىسلىگىنى نىنگ علامەلىرىنى ايتگندە، آدمىر كرنا دېب ايتەدىگن كويد  
۱۹ كىسلىگى بېلگىلىرىدىن هېچ قندەى بىر تفاوتى يۇق. قىتىق ايسىتىتمە، جان  
آغرىق و... .

مكىمل ايگى هفتەدن بېرى يكە و يالغىز اتاقىمدە يشەيمىن. كۋچەدەگى  
بالەلرنىنگ شاوقىنلىرىنى اېشىتگنمىدە، قىتىق بىر هېجان يورەگىمدە ايجاد بۇلەدى،  
عادىمگە قرشى كۋچەگە چىقىپ هر بىر بالەگە سلام و كولىگى ساوغە قىلگىم  
كېلەدى:

«بو مست بالەلر نىنگ كولىگىسى و هزللىرىنى مېن قنچە ساغىنگنمىن.»

خىاللەرگە تۋلدىرىلگن بوجىنى آرقەمدە كۋترىب دېرەزە نىنگ يانىگە بارەمن.  
اتاقىم نىنگ سىرمەيى رنگلى پردەسىنى سېكىنگىنە بىر چككەگە تارتەمن. اوچ

تە ياش قىزى بىلەن بىرگە لىكسەدە اۋىلرى نىنگ توشنچىلرىنى يۈۈب تۈرگن قۇشنىمىز نىنگ خاتىنىگە كۈزىم توشەدى. قۇشنىمىز نىنگ تۈجەسىنى جەلب قىلىش اۈچۈن كلكىننى نېچە مەرتە قىتتىق آچىب قەيمەن. اۈ بىلەن بىر آزدە دل قىلماقچى بۇلەن. نەھت كلكىننى نېچە مەرتە آچىب قەمىش و اۈنىنگ ياقىمىز تەرق - تۈرۈق سېسى بىلەن قۇشنىمىز نىنگ خاتىنى مېنگە تۈجە بۇلىب، كۈلىب سلام بېردى:

«ھارمىنگلر، تۇشنىچىلرىنىگىزنى يۈۈپسىز لرمى؟»

«يىشنگ، مەجبۇرىت دە، يۈۈمەسك، ايسلنەدى.»

«تۇغرى ايتەسىز، قىشەدە ھەمە نرسە قىقرا بۇلىب كېر بۇلەدى.»

«اممەن مەنە نۈرۈز ھەم بىخىر يىقىنلشماقەدە.»

«ھان، نېچە كۈندەن سۇنگىن بىلەن بۇلەدى بىخىر.»

حقوق و علوم سياسىسى بۇلىمىنى بىتتىرىب و نېچە وقتەن بىرى قىسى بىر دفتەردە ايشلەب كېلەدېگن قۇشنىمىز نىنگ كتە قىزى بو سۇزنى اېشىتىش بىلەن، باشىدەگى قىسىنى تەماغى نىنگ تەگىدە مەھكەم باغلب قۈۈانگىنەن كۈلىب دېدى:

«خالە، بىلەن اۈياققە تۈرسىن عەصرىن گىلنەدى، اېنگ قىزىغى شۈندەكە بىز و سىز لردە ذوالقرنىن مەز.»

اۈنىنگ كىچىك سېنگىلىسى تەكرارلەيدى:

«ذوالقرنىن ذوالقرنىن! يەنىكە بىز لردە اۈيگى قىرنى كۈرەمەز، ھە؟»

اۈلر نىنگ چقى - چقى اۈسپۈرىن طبعەتلى ياش سېنگىلىسى ھەم، قەھالەب دوام بېرەدى:

«قۇرلەھەم ذۇ حىياتىن دىرلەر ھەھەھە... ھەھەھە ذۇ حىياتىن!»

ايشلر يگە خەلت بېر مەسەم دېب قۇر قەمەن، يەنە ھەم بىر آزدە تەكلىف بىلەن دېمەن:

«اگر ياردەم ضرورت بۇلسە مېن ھەم تيار بۇلەي؟»





«يۇق سېنگلىم، سىز قىچان ساغ سىز، يىل اۋن ايگى آى دارى ايچەسىز.»  
 قۇشنىمىز نىنگ بو گېلرىنى اېشىتىش بىلن نىمە اوچون دىر يورەگىم اۋزىمگە  
 كۆيەدى. شاشىلىب اولر بىلن خىرلشەمن. يەنە اتاقىمدە پناە ايزلەيمىن. نھايت  
 اېسكىرىب شۇشەگىدىن چوپلرى غرچ - غورچ قىلەدىگن تىخت اوستىگە  
 اۋزىمنى تىشلەيمىن. يوزىمنى ياستىققە بېرىب زار - زار يىغلىەيمىن.

بو كۆز ياشلر نىمەگە آقەياگىنى بىلمەيمىن. عايلەمنى و فرزندلرىمنى  
 ساغىنگن لىكدەنىمى يا اولر نىنگ مەرسىز لىگىدىن مى. شونچە وقت ايچىدە فقط  
 بىر - ايگى مرتە اۋغىللىرىم و بىر بار ھم آپەم افغانىستان دن تشقىرىدىن قۇنغىراق  
 قىلىب احوال آلگىنىنى اېسلەيمىن.

مېنىنگ كىياوۋىم، بىگانەلر كىي، احتىياجىم بۇلگن سوادلرىمنى ھەفتەدە  
 بار كېلتىرىب كرۇنا وىروسنى يوقتىرىب آلمىسلىگى اوچون اونى يشەدىگن  
 بلاكىم آرقە اېشىكىكە قۇىب كېتەدى. قىزىم ھم حتى بىر بار ھم خىر آلمەگن  
 مېن تىرىكىمىن مى اۋلىكىن من. كرۇنا اونگە تېلفون آرقەلى بېتىب بار مىسلىگىدىن  
 قۇرقىشى مۇمكىن:

«اى اى جان قنچە شىرىن دىر!»

عايلەمىز نىنگ ھر بىر كىشىسى نىنگ عادى باش آغرىغىنى چىدە آلمىسلىم  
 و ھر بىرى اوچون اىرى - اىرى چاىبب يوگورگىمنى اېسلەيمىن. بوگون بىر سلام  
 و كلام نىنگ محتاجى من، ھىچ كىم احوالىمنى آلمەيدى:

«بو دنيا بىز نىنگ حركتلىرىمىز نىنگ تېسكىرىسى بۇلگنى يلغان، بو دنيا بىز  
 نىنگ برچە حركتلىرىمىز نىنگ تۇلىق كۆزگوسى اېكنلىگى يالغان، ھمە نرسە  
 يالغان و يالغاندىن باشقە نرسە اېمىس. ھمە نرسە.»

«بوف كور» نى آچىب بورمان نىنگ توشىنىلمەگن خطلىرى ايچىدە اۋزىمنى  
 يوقايتىب قۇيگنگە اۋخشەيمىن. برچە گۆزلىكلىرگە شېبە بىلن قرەيمىن، اگراولردن

پردە آلىب تىشلنە، مېن فقط خىنكلىككە گواه بۇلەن و بو بېترلى.

سبزوات ساتوۋچى موتورنىڭ سېسى، مېنى كىسلىك خىاللارمىدەن  
چىقارەدى:

«گىندە باغله مى اۋن روپىه، ايسپلاق باغله مى اۋن روپىه، كتە كتە كچالو،  
وطنى قىزىل كچالو، سريغ طلايى پياز، قلمى بادرنىڭ...»  
مېن جودە آچلىكىنى حس قىلەپمەن، آزار بېرەدى و اۋزىمنى ضعيف و عاجز  
حس قىلەن:

«كاشكى بىر تە - ايگى تە گىندە نىڭ بۇلانىسى بۇلسە اېدى، يوپقە - يوپقە  
بۇلانىلر. گىندەسى خىمىرىدىن كۆرىنىپ تورگن قاق - قاق بۇلانىلر بۇلسەيدى.  
قىزىل قلمپىر چىتىسى بىلەن اچىق - اچىق بۇلانى.

دروازەنى تاق - تاق اورىلىشى مېنى اۋزىلەمگە قىترەدى و مېنىڭ قىلىم  
مزلەلى و اچىق طعام اوچون آشيقە يانگىنىنى حس قىلەپمەن. فقط نېچە تە  
ايچىملىك نىڭ بۇش قوطىسى سالىنگن قارە پلاستكى خىلتەنى قۇلىمگە  
آلىب، اوبلر نىڭ چىقىندىلر نى يىغەدىگن بالە كىگە بېرماقچى بۇلەن.

قۇللىرىم قىتتىق قىلتىرەشىنى حس اېتەن، شو سۇنگى ايگى ھفتە ايچىدە  
ايگى مرتە ھم درست اشتھاب بىلەن نان يېمەگىنىنى اېسلەيمەن. شونچە كۈنلردەن  
كېيىن قىندەى قىلىپ اشتھام و نان يېيشىنى جودە خواھلەگىم اوچون اۋزىم  
خىرانمەن.

قىلتىراق قۇللىرىم بىلەن آبارتمان نىڭ دروازەسىنى آچەن و چىقىندىلر  
خىلتەسىنى تىشقىرگە قۇبەن. قىزىم نىڭ قىتتىق كۈلگۈسى مېنى خىرتگە قۇبەدى.  
«مېنى چىقىندىلر نى تۇپلاۋوچى كىشى خىيال قىلگن ئەنە جانىم نىڭ  
صدقەسى بۇلەى.»

«وى بېچىم، سېن... سېن قىندەى كېلدىنىڭ. ئەنەسى نىڭ جانى، ھلە مېندەن









## آنە نینگ بۇش اۋرنى

ھوا ايسىق و دم بۇلگن اېدى. فضانينگ قىغو و ماتم ھىدى قاپلەگن. بىر موسىچە قۇشنى اويى تامى نىنگ چىكە سىدە يالغىز اۋزى عيسى قۇى كېتىرەدى موسى تۇى كېتىرەدى دېب پىچىرلەيدى. آمنە نىنگ كۇزى رنگمە - رنگ كېوتىرل خىليگە توشەدى. قرشىسىدەگى قۇشنى نىنگ اۋسپورون اۋغلى بىر ژندە لتەنى يغاچ نىنگ اوچىگە باغلب كپترلرنى اوچىرەدى.

قىزىل قناتلى كپترنىنگ تام اوستىدن اوچىشنى اىستەيدى. لېكن، اۋسپورون بالە لتەنى قىمىرلەتەب كىش - كىش قىلىب اونى اوچىشگە مجبورلەيدى.

آمنە كپترلرنىنگ منتظم و چىرايلى پروازى گە دقت بىلن باقەدى و اولرنى جودە ھم ياقىتەرەدى. او، ھر دايم كپترلرنىنگ غومبىرلشى و اوچىب قۇنىشىنى كۇپدن كۇپ ياقىتىرەدى. بالە ليگىدە اۋزى نىنگ ھم قارە قناتلى آباق كپترى بۇلگىنىنى اېسلەيدى. او كپتر كۇزلىرى ايگى خىل رنگگە اېگە اېكن ليگىنى اېسلەدى و بعضىدە ايگى خىل كۇزلى كپتر قندەى بۇلىشى ممكىن ليگى حقىدە حيران بۇلەدى!

آمنە خانەدن ينە چىقىب كېتەدى و آنەسى نىنگ اۋرنى بۇشليگىنى كۇرگىچ،

اونىنگ غمگين كۆزلىرىدە ياش آقەدى و او اچچىق خۇرسىنەدى. بې اختيار قىچقىرىب يوبارەدى:

«خدايا نىمە اوچون؟ خدايا نىمە اوچون؟»

يىغىسىنى توختە آلمەيدى. يوقارى آواز بىلن زار-زار يىغىلەيدى. ھەمە نرسە دەشتلى اويقوگە اۋخشەدى، منگو آواز بىلن دەيدى:

«خدا، ھەمە نرسە حەقىقتاً ھەم اويقو بۇلسە اېدى!»

«بوندىن كېيىن آنەسىز قالگنىمگە ھىچ ھەم ايشانمەيمەن.»

او كۆك پردەنى دېرەزە اوستىگە تارتىپ، اوى نىنگ بورچەگىدە آغرىقلى باشىنى تىزەسىگە قۇيىپ اۋتيرەدى. اونىنگ كۆزلىرى بىر نەقشەگە تىكىلىپ تۇرەدى. نېچە كۈن آلدىن آنەسى نىنگ ايتگن گېلرېنى اېسلەيدى:

«قىزىم، خداوند بخت و اقبالىنگى بىلند قىلسىن، آنەنگ او بو - نرسنگى ھەم

غىمىنى بېب قۇيگن...»

«آنە، يەنە اۋشە گېلرېنى باشلەدىنگىز، مېن حلى تۇى قىلمەيمەن دەپ سىزگە

قنچە ايتەى.»

«آنەنگ صدقە بۇلسىن، مقصد مېن اۋز بورچىمنى بىجىدەيم، مېنىنگ

اوستىمگە حەقىنگ بار، اۋشە ضرور نرسەلر، فقط اۋشە نرسەلرنى ساتىپ آلىپ

تىارلەدەيم و بس.»

آمنە، اوى نىنگ بورجىگىدە قۇيىلگن بىكسىگە تىكىلىپ قرەيدى و يورەگى

كۆكرەگى اىچىدە الاودە يانە ياتگىنىنى حس قىلەدى:

«قى اېدى بىز باشقە بىر يورتدە توغىلگن بۇلسىك، قنى اېدى بو اولكەدە

بۇلمەسىك اېدى!»

او فقط ايككى ھفتە آلدىن آنەسى كسل بۇلىپ قالگىنىنى و بىر كۈنى اېرتەلب

آنەسى نىنگ نالە قىلگىنىدىن اويغنگە نىنى اېسلەيدى:

«آنە، آنە جان، نىمە بۇلدى؟»

«باشىم، آخ باشىم آغرىقتىن يارىلار درجە دە.»

«يوز قوللار يىمى يۈرى در حال سىزگە باش آغرىق دواسى بېرەمەن.»

«دارى - مارونى فایدەسى يۇق، اول آقشامدىن بېرى نېچە تە باش آغرىق

دارىسى ايچلدىم، اما ايگىنە چە ھەم فایدە قىلمەگەن.»

آنەسى نىنگ ساغلىق احوالى ھەر ساعەت اۋتېشى بىلەن يامانلەشەشەن

اپسلەيدى. آنەسى پرىشانلىك بىلەن اونى شەخسى شفاخانەلردىن بېرىگە آلىپ

بارەدى. داکتر معاینە قىلگەندىن سۇنگ، فقط ايگى تە - آغرىق قالدېرۇچى دارى

بېرەدى - يوبس.

آنەسىدە ھەم كۇنگىل آينىش و ايسىتمە پىدا بۇلىپ، اشتھانى يۇقاتەدى:

«آنە جان، تۇرىنگ بىر قولتوم يەخشى شۇرە ايچىنگ، كېيىن دارىلار يىگىزنى

ايچىرەمەن.»

«اف ھىچ تىنچ قۇيمەيسەن، تۇقمن دەيدىم كۇ، يورەگىم ھىچ نرسە

ايسىتمەيدى.»

«قەچان بىر نرسە پىدىنگىزگە تۇق بۇلسىنگىز، تۇرىنگ آنە جانىم.»

«قىزىم سېن ھىچ گېنى بىلمەيسەن، قۇى بىر باشىمنى قۇيىپ آلەى، نان نىنگ

ايسىنى ياقىتىرەيمەن ھەلى.»

آمنە نىنگ آنەسى تېزە اباغدىن قالەدى و اوندە قىتىق نەس قىسىلىشى ھەم

تاپىلەدى. پرىشان آنەسى، خاتىنى بىر نېچە كلينىك و شفاخانەگە آلىپ بارەدى؛

لېكىن ھىچ بىر شفاخانە اونى قىبول قىلمەيدى. خاتىنىگىزنى كرونا آلگەن بىزلردە

لازم طىبى اوسكۇنەلر و آكسىجەن ماشىنى يۇق دەپ ايتەدىلر شفاخانەلر داکترلر.

آمنە نىنگ آنەسى كۇپ قىغۇلنگەندىن بىقىرىپ يوبارەدى:

«سىزلر مىسلمانمى، مىسلمان اېمىس سىزلر، خاتىنىم جان بېرەپتى، سىزلر



بۇنچەلىك نام و نشانىنگىز بىلن بىر تە آكسىجىن ماشىنلرىنگىز ھەم يۇق.»  
 «كېلىنگ آتە يو بېردن كېتەمىز، تاغىم قۇنغىراق قىلىپ، كرۇنا كىسلىگى اوچون  
 افغان - جاپان شفاخانەسىگە بارىنگلر دېگن اېدى.»

آتەلىك قىز مىنگ بىر تشوئىش بىلن كىسلىرىنى افغان - جاپان شفاخانەسى  
 تامان آلىپ جۇنەيدىلر.

«آتە، بو بېردە نىمە حال، بۇنچە گۇجۇمكە، قرەنگ برچە كىسلىرنى تشقرىگە

چىقىردىلر.»

«قىزىم، يامان كون كېلگن، باى وغرىب بو شفاخانەگە محتاج بۇلگنلر.»  
 كىسلىخانە نىنگ حوىلىسىدە كۇيلىپ بېمارلر اوخلەماقدە. ايرىملر تخت  
 اوستىدە و بعضىلر اېسە بېردە ياتقىزىلگن. بولر نىنگ بىر تە يىرەمەسىگە آكسىجىن  
 بالونى تاقىلگن. كىسلىرنىنگ كۇپىنچەسى نىنگ آكسىجىن گە احتىياجى بار، لېكن  
 آكسىجىن دن درك يۇق اېدى. شو آندە لوكس بىر موتر تېز ھىدەب كېلىپ شفاخانە  
 نىنگ عمومى اېشىگىدە تۇختەدى. نېچە كىشى شاشىلىپ موتر دن پىستگە توشىپ  
 قىرى بىر چالنى موتر دن توشىردىلر. آمەنە و اونىنگ آتەسى اېندى گىنە بېمارلر  
 آرەسىدن اساسى بناگە يۇل آچىشگە قىرار قىلگن اېدىلر. آدملر، بىتە - بىتە نفس  
 الەدىگن تابوتدە اوزەتىلگن چالنى شاشىلىپ شفاخانە نىنگ حاولىسىگە آلىپ  
 باردىلر. آدملر كىسلىرىنى اىچكرىگە آلىپ اۋتىشى اوچون، آمەنە و آتەسى، آمەنە  
 نىنگ آنەسىنى بىر آز كېيىنراققە آلىشگە مجبور بۇلدىلر. تۇستىدن بىلەن تاۋوش  
 سېسى چىقىدى. آق كىيىم و ماسك تىلگن بىر نېچە تە عىال اېركك بىلەن تشقرى  
 چىقىدىلر. اولردن بىرى بىلەن آواز بىلەن بقىرىپ يوباردى:

«ھو آدملر، نېچە مرتە سىز لرگە ايتەيلىك، باشقە جاى يۇق. اېكى حاولىدە

ھەم جاى يۇقلىگىنى اۋزلرىنگىز كۆرمەيىسىزلىرىمى. كىسلىرنى آلىپ كېلىنگلر.  
 كىسلىرنى بو بېرگە آلىپ كېلمەنگلر، اۋلەدىلە. آكسىجىن يۇق، داكتر يۇق، نرس



يۇق، دارى يۇق، ياتاق يۇق، قىسى تىل بىلن سىزلىرنى توشىنتىرەي، خدانىنگ يوزىنگى كۆرىنگىر!»

ىنگى كېلگن آدملىر سېكىنلەشىپ قالدىلىر. اولردن بىرى ملايملىك بىلن آپاق كىيم كىگن آدملىر تامان باردى: #

«داكتىر صاحب، آتەم نىنگ سىۋىنگى نىفسلىرى، خدانىنگ يوزىنى كۆرىنگ بىر چارە قىلىنگ...»

آمنە باشقە اونىنگ سېسىنى اېشىتمەدى. اونىنگ آوازىنى اۋرىنىنى، كىسللىرىنىگ نالە و فرىادى قولاغىنى قاپلەدى. او عذاب بىلن بوتون نكاهىنى حاويلدەگى بېمارلىرگە قرەتدى. بىراو آغىر درددن بىغلىردى. اولر نىنگ اوستىدە دېرلى ھېچ قندەى شفاكار ياكە نرس يۇق اېدى. حاولى دە بىر نېچەتە ياتاق بار اېدى. قالگن كىسللىر كىمىل ياپىردە توشك توشىپ اوستىدە ياتگنلىر. خودى شو قرەش بىلن تقربىاً حالتىدىن بى حال بۇلگن وىلچىردە اۋتىرگن آنەسىنى كۆردى. آتەسىگە قرەدى. آتەسى اونىنگ كۆزلىرىدىن يورەگى نىنگ سىرلىرىنى اۋقىدى شېكىلى:

«آتە، كېلىنگ بو پىردن كېتەيلىك.»

«قەبىرگە كېتەمىز، بو اۋشە كېچە و كوندوز يوزلب اعلانى نىشر قىلنەدىگن

شفاخانەدىر.»

«دۇھل نىنگ سېسى اوزاقدن ياقىمتلى دېب، تۇغرى ايتگن اېكنلر.»

«اى خدا، بىلمەدېم قىچان بىزلىرگە رحم قىلەسن؟»

«ھەر كون خىبرلردە اېشىتەمىزكە كرونا وىروسىگە قرشى كورەشىش اوچون قنچە

نقدى ياردىملر بۇلەدى، بىلمەدىك بونچە پوللرنى قەبىرگە صرفلەدىلر؟»

«قىزىم، اگر بو خايىنلر سېگىردن بىر تۇبىغىنى بو بورت اوچون صرفلەگنلىرىدە

اېدى، بىزلىرنىنگ كونىمىز بوندەى قرا بۇلمىس اېدى.»

شمال، پردەنى قىمىرلەتىپ يوبارەدى و آمنە اېسە قىغولى خياللردن تىشقرى



سىزنى قوتقىش اوچون ھەر بىر دروازە آلدېگە بارگىمىزنى  
 اېسلەي آلمەيمەن. بىلەسىز مې، بې چارە تاغەم سىزگە آكسىچەن  
 بالونى ساتىب آلىب كېلىشە قىيىنەلدى؛ اما بو سىز وفات  
 قىلگەن كېيىن يىتەب كېلگەن دارى اېدى. بىزنى تەرك اېتەب  
 كېتىگىنىڭىزنى قەندەي اونوتەي. قەسم اېچەمەن ئەجان، شو بىر  
 نېچە كۈن اېچىدە مېن بىر پەرحە نانى آسانلىكچە بېمەدەيم. سىز  
 نېچە كۈن فقط سىرەم آلدېنىڭىز نە نان پېدىنىڭىز و نە ھەم سوو  
 اېچدىنىڭىز، شۇنى اېسلەسەم يورەگىم گۈپە الاو آلدەي. بوگۈن  
 قۇشنىمىزنىڭ كېتىرلىرىنى كۆرگىنىمە، يورەگىم بوتۇن حەسەردەن  
 تۇلدى، ساغىنىپ-ساغىنىپ كېتەيەيمەن، يانىمەدە كەتە بىر بۇلشېق  
 آغزىنى آچىپ مېنى بېگۈدىك بۇلەدى.

آخ ئەجان، سىزدەن كېيىن، كېم مېنى سىزدەك بېخشى كۆرەب  
 سېوەدى، كېم سېوېملى قۇللىرى بېلەن مېنىڭ ساچلىرىمنى  
 سېلەب اېرەكتەدى و مېنى دىنانىڭ اېنگ گۈزەل قىزى دېب  
 اېندى كېم چقىرەدى؟ بلكە بىر كۈن بو مەكتۇبلىر كېمگە دېر  
 يېتەب بارر، بلكە بىر كۈن كېم دېر سىز نىڭ يۇقلىڭىڭىزدە  
 قەنچە يالغىزلىك و آغرىقنى باشدەن كېچىرگىنىمەن و بۇش جانىنى  
 كۆرىش نەقدەر اچىنەرلى اېكەن لېگىنى بېلەر. كېم دېر كرۇنا بىزنى  
 اجرەتەب يوبارگەن بىلا اېكەن لېگىنى بېلىشى مەكەن. يۇق، يۇق  
 فقط مېن و سىزنىڭ جەسمىمىز بىر-بىراوېمىزدەن اجرەلگەن،  
 سىز مېنىڭ ھەر بىر نەفسىمە لېگىزنى خەدا بېلەدى، حەتە كېچەلەر  
 اۋرۇنىمگە كېرگىنىمە سىزنىڭ كېلگىنىڭىزنى حەس اېتەمەن و اۋشە  
 مەربان قۇللىرىڭىز بېلەن باشىمەن سېلەيسىز و مېنى آتېمەن



تۈنۈپ ھېقىرەسىز دىنانىنگ گۈزەل قىزى دېپ آتە قۇيەسىز. »

آمنە، كىتابچەسىنى دوبارە آلىپ المارى نىنگ خانەسىگە قۇيەدى و كېچكى  
اوقتىنى تيارلش مقصدىدە آش خانە تامان بارەدى. آتەسى بو دىئان كۈچىپ  
كېتىگى بېرى، اۋزى و آتەسى نىنگ آغىزىدن ھم مزە كۈچىپ كېتىگن دىر.  
اوبىردن بو بىر نېچە كۈن ايچىدە آتەسى بىلن بىر نېچتە قىستقە جملە المشگىنى  
اپسلەدى و شو بىلن توگەدى. آتەسى اپر تەلب دكانىگە بارەدى و چىراق و قىغۇ  
بىلن كېچقورون قارانغىدە اويىگە قىتەدى.

اونىنگ آتەسى اوى نىنگ اوستونى بۇلىپ، جاذبەلى كوچ بىلن او عايلەسىنى  
اطرافىگە تۇپلەگن اېدى. آمنە پىشانەسىگە قۇلىنى قۇيەدى و آتەسى نىنگ بارلىگىنى  
كتە نەمت صفتىدە قبول قىلىشگە و ياش قۇللىرى بىلن عايلە فۇناسىدەگى قىغۇنى  
آلىپ تىلشگە قارار قىلەدى.

تۈستىدن، دروازە نىنگ تۈق - تىقلىپ كېلىگن اۋزى اونى خىيالىدن چىقىرىپ  
يوباردى، او اېشىكىگە يۈگۈرەدى و دروازەنى آچگىندە او حىرت و قىوانچ بىلن  
بقىرەدى:

«سلام آتەجان! قندەى بوگون بىر آز وقت كېلدىنگىز؟»

«قىزىم، يۇلدن سېنگە بىر نرسە ساتىپ آلگن اېدىم، شو نرسەنى شامىدن

آلدىن سېنگە كېلتىرىپ بېرەى دېدىم.»

«واى...»

«آتەسى نىنگ عىلى، بونى سېنگە آلدىم. بىلەمن سېن بالەلىكدن آپقاق

كېترنى كۆپ ياقىتىردىنگ.»

كېتر، كىچىك بىر جان ذات اېدى؛ اما او آمنەنى شو قدر قىوانتىردىكى،

آنەسىنى يۇقاتىش غمىنى و كرۈنا وىروس نىنگ دەشتىنى بىر لىحظەگە اونوتىپ

يوباردى.



## آدمی لیک اولمه گن

راپه - راسه بهارگه بیر آی قالگن دیر، اما برچه درختلر چقنب یشنه گن. رنگ سیز و روح سیز گلر. زرین هر بیر پیت بو درختلرگه باققنیده، اؤزی نینگ حالی اېسیه توشه دی و اؤزی نینگ بو زېریککن غنچه لرگه اوخشس حس قیله دی:

«کۆپ وقتلردن بېری یامغیر یاغمه گن. قیش هم قوپه قوروق اؤتگن. مادامیکه درخت و اؤسیملیکلرگه سوو بېریلمسه، دال - درخت نینگ حالی بوندن کۆره یخشی بۆلمسلیگی انیق گپ.

زرین کیچیک دکانچه سیده اؤلتیرگن. قۇشنسی نینگ باغیگه قره تیب قوریلگن یگانه دېره زه نى آچیب قویگن او. قیین آته سیدن میراث قالگن اېسکیرگن و قدیمی میز نینگ اوستیده، تیکو و چیلک لته لری تیتکیلە نيب یاتگن. بیر بیلدن بېری هیچ بیر مشتری دکانیکه باش اورمه گن، تیکو و چیلک و دست و زلیک ایشلریگه هیچ هم خریدار یوق. قیغوله نيب دېدی:

«قۇلیم - قۇلیمگه تېگمه یدیگن عجایب کونلریم بار اېدی و یریم

کېچه گچه، ایگینه، ایپ و تکه.»



ھەمەسىدن قىيىنى، بىر يىلدىن بېرى دكان نىنگ كراسى تۆلنمەگن و ھر مرتە كاكا صمىدنى كۆرگن پىتدە اۋزىنى كۆچە حسن چىگە اورەدى، شو بىلن اۋزىنى كۆرمسلىككە اورماقچى بۆلەدى:

«كرونا ناملى وىروس بوتون دىنانى قرا توپراق بىلن يكسان قىلىپ و اوروش باتقاغىدە قالىپ اېزىلگن بو يورت نىنگ آدملىرىگە ھەمدن كۆپراق زىان يېتكىزىشىنى ھىچ كىم ھم اۋىلەمسدى.»

زىن نىنگ بغلان ولايتى پلخمىرى شھرى نىنگ پس كۆچەلىرىدىن بىرىدە بىرىگىنە غرىبانە كىچىك اوبى بار اېدى. او، تورموش اۋرتاغىنى اوروشلردە قۇلدىن بېرگن. كتە و كىچىك اوچ تە بالەسى بىلن حياتنى اۋلمە جانىم چىقمە جانىم قىلىپ تېرەتەدى. او، اوازق بىللىر تىككوچىلىك قىلىپ، نھايت اۋتىز مىنگ افغانى پس انداز قىلە آلگن. زىن بو پوللرگە تىككوچىلىك و قول تىكىش ايشلىرىنى رونق بېرىش و كۆچەسىدەگى كىچىك دكاننى كراگە آلىش اېدى.

ايش و كوچى جودە يىخسى اېدى و ساتىپ آلووچىلر ھم اوزاقلردن كېلىپ يىخن، گل تىكىلگن رومال و چرمەدوزلىك بوىروتمە بېرىدىلر. اينىقسە اېندى اونشتىرىلگن قىزلر ياسىتىق پوشلىرىنى چرمەدوزلىككە بېرىدىلر. حتى قۇل صنعتى تجارلرىدىن بىرى، ھر آى كېلىپ زىن نىنگ قۇل تىكىشلىرىنى كابل بازارىگە ھم آلىپ كېتىدى.

اوشبو خاطرلەرنى اېسلىشى زىننى رنجىتەدى. اۋزىچە نالىدى:

«خدايا، بالەلرنىنگ آتەسىنى مېنىدىن آلدىنگ، آدملىر دېدىلر چىدە خدانىنگ رضاسى شو اېكن، بىزلە ھم چىدەب صبر قىلدېك. بالەلرىمنى موشوك بالەلرىنى آغزىگە آلگىنى كى تىشىمگە تىشلىب موشىمگە موشىتلىب كېچە و كوندوز دېمەى اىگىنە اورىپ تىككوچىلىك قىلىپ كتە قىلدىم.



كۈزلىرىم اۋتمسلىگى و برماقلىرىم هم تېشىك - تېشىك بۇلىشىگه قره مەى شو اوچ ته باله اوچون ايشله يىمن دېدىم. بىر آغىز نان تاپىش بىلن بىر دكان آلدىم، اۋلدىرووچى بو كرونا كسللىگىنى بىز لرگه يوباردىنگ، خدايا، آيت اېندى قندهى قىلىپ بو روزگارنى آغه آلىب بارەى؟»

او كىچكىنە دكانى نىنگ تۇرت بورچه گىگه، يىرىم تىكىلگن كىمىلرگه و توگللنمە گن و بورچككە توشىب فالگن يىخنلرگه قره دى. حتا بىر مرته اىگنەنى آلىب، توگللنمە گن ايشىنى توگه تىشنى خواهله مە دى. او افسوسله نىب پىچىرلە دى:

«كرونا وىروسى بىرە گن وقتده بوتون سرمايه منى قۇلدن بېردىم، حتى دكان كراسىنى تۇلشگه هم قورىب بېتمە يدى، بىر قنچه پولگه خام مواد و بىر قنچه سىگه اېسە قۇل صنعتى تيارلش مقصدىده تكه و اىپ ساتىب آلگن اېدىم، بىراق اېندى بو وضعىتده نه ساتىب آلووچى بار نه هم بازار.»

او كىچكىنە رادىوسىنى دلتنگلىك بىلن ياقه دى. نطق نىنگ آوازى رادىو سىپىرى آرقەلى اېشىتېلە دى:

«خاتىنلر قۇل صنعتى يعنى تجارت اتاقلرى معلوماتى نىنگ كۇرستىشىچە، كرونا وىروس ترقه لىشى نىنگ بىرىنچى موجىده افغانستان بۇىلب ۸۰ فايز كىچىك تجارتلر سقوطگه روپه ره بۇلگن و بولر نىنگ ۲۰ فايزى هم ايش و كوچلرېنى توخته تىب قۇيگنلر دېدى. كرونا بحرانى دنيا نىنگ بىرىك اقتصالىرىنى بوتونلەى ركودگه مواجه قىلگن و افغانستان هم بو كارواندن بىراق قالمە گن دىر.»

اوشبو تحقيق كرونا وىروس ترقه لىشى نىنگ بىرىنچى موجى و ماركىتلر نىنگ تعطىل بۇلىشى آرتيدن ۱۵۰ ته تجارت قىلووچى عىال بىلن اۋتكز يلگن مصاحبه اساسىده تيارلنگن دىر. بو اتاق نىنگ قۇلگه كىرىتگن



معلوماتىدە، كىچىك تجارتى بۇلگن بىر قنچە خاتىنلر ايش و کوچلر ينى قىتە باشلش كوچىگە اېگە اېمسلر...»

زرىن نىنگ خۇلقى آلدىندىن كۆرە كۆپراق اچىق بۇلەدى. رادىونى  
اۋچىرىب قۇيەدى. ھنوز ھم رادىو نىنگ سېسى دكان فضاىدىن بوتونلەى  
يىغىلمەگن بىر پىتدە سېنگلىسى گل جان دكانگە كىرىب كېلەدى. گل جان  
نىنگ سېسى رادىو آوازى نىنگ جايىنى قاپلەيدى:

«سېنگلى جان، كۆپ قىغوروب ھم اۋلتىمىر مە، خدا مېربان دىر.»

«خدانىنگ مېربانلىگىگە شك و شېھەم يۇق، سېن بىلەسن كە مېنىنگ

بىرتە غىمىم يۇق مېنىگ بىرتە غم و جنجال آرتىمدىن توشگن.»

«خىر ھر بىر قرانغولپكىنى، ياروغلىگى ھم بار.»

«ايشانىنگ، گل جان، حىيات حلقە كىبى بۇنىمنى قىسىب بۇغغن،

بعضن يورەگىم بىخى حىياتدىن بدتر يامانلشەدى»

«توبەدى زرىن سېنگلىم.»

«وى وى، سېن نىمە بىلەسن، ھر پىت دكان اېگەسىنى كۆرگىنمە

تېرىمنى كېلتىرەمن، دكاننى كراسىنى بېرىنگ دېب انە ھىقىرەدى مانە

ھىقىرەدى دېب، يورەگىم گرپ - گرپ اورە باشلەدى.»

«بىلەمن زرىن جان، قىين كونلرنى اۋتكزەسن، لېكن حوصلە قىلىشىنگ

كېرەك.»

«ايتىش آسان گل جان.»

«فقط يالغىز سېن اېمس سن كو، قرشىنگدەگى قۇشنىنگگە ھم قرە،

خداگە شكر اوى اۋزىنگدن، او بىچارە كرايى اويدە يشەيدى او ھم اوى ھم

دكان كرا بېرىشگە مجبور دىر.»

«بوگپنى توغرى ايتەسن گل جان، مېنى ايشلرىم نىنگ بازارى بۇلمسە

ھەم، حد اقل ساتىب آلگن نرسەلەرنى تىكىب قۇيىمەن خراب بۇلمەيدى، او  
بېچارە نىنگ سۇل - سۇل تەرشى، چەتتى و مەرباسى ساسىب كېتەدى مەجبور  
تەشقىگە چىقارەب تۇكەدى.»

گل جان، زىنگە روزگار نىنگ قىنچىلىكلەرنى چىدەش اوچون  
كۆنگىلىنى كۆتەرىپ روحيە بەردى. قىتەدن فعال انگىزە بىلەن تىكۈۈچىلىك  
ايشلەرگە دوام بەرىشىنى اىستەدى.

سېنگىلىسى كېلىپ كېتىگەن سۇنگ، تىكىغ سىز قالگن تەكلەرنى يىغىب  
تەرىپ تىكىب بېتتەرىشى اوچون قارار آلدى. يەن تىكىشگە باشلەدى.  
«دستمال مى دوزم، دستمال زىيا، زىب دست يارم باشە...»

اونىنگ زەمەسىنى اۋسپورەن قىزى نىنگ سېسى بوزىب قۇيەدى.  
«ھوھو، آنە، كۆزلىمىز آيدىن بۇلسىن مەنە يەنە اىپ اىگىنەنى قۇلگە آلىپ  
سىز.»

«شلا قىزىم، حىيات نىنگ باشقە بىر آتى، مەجبورىت دىر.»

«آنە مقصدىنگىزنى بىلمەدەم، نىمە دەدىنگىز؟»

«مقصدىم بو كە تىرىكچىلىكنى اۋتەكزىش اوچون ايشلەشىمىز كېرەك.»

«تۇغرىسى آنە جان، بوگون سىزنى اېسكى پىتلەردەك تىكۈۈچىلىك

مىزىنگىز آرقەسىدە كۆرىپ كۆنگىلىم آچىلىپ كېتەدى.»

«قىزىم، خەداوند خەلە گل جانىنگ ھەر دايم ساغ بۇلسىن، دوبارە

ايشلەرىمنى باشلەشىم اوچون اۋشە مېنى مەجبور قىلدى. بۇلمەسە يورەگىم

تىكۈۈچىلىك و يەن تىكىشەن بوتۇنلەي قالگن ابدى.»

«خەلەم خىر كۆرسىنلەر.»

«آمىن!»

«آنە، مېن ھەم بىكار مەن سىزگە ياردەم بەرىشىم مەمكەن.»

«كېل قىزىم، چرمە دوزلىگى بىتتىرىلگن منە بو ياسىتىقلارنىڭ پوشىنى  
 قلب آلب آلدىمدن بىغىب آلگىن.»

«آنەجان، ھمە نرسە يىخشى بۇلىشىنى و سىزىنىڭ تىكو وچىلىك  
 بازارىنگىز رونق تاپىشىنى يورەگىمدە حس قىلەمن.»

«خداوند تىلىنگنى يىخشىلككە ايلنتىرسىن قىزگىنەم، تىكىلگن نرسەلرنى  
 يىرىم نرخگە ھم آلدەپگن تاپىلسە ساتەمن، چونكە كاكاسىم دكانى نىڭ  
 كراسىنى تاپىشىم كېرەك. آتەسىگە رحمت شونچە وقت بىر نرسە دېمەدى  
 دكانى نىڭ كراسىنى تىلمەدى.»

\*\*\*

زىرىن كاكاسىم دكانىنى كراسىنى اوز قۇلى بىلن اىشلب چىقىرىلگن  
 متاعلىرىنى ساتىش آرقەلى تيارلب بېرىش اوچون قرار قبول قىلگن اېدى.  
 شونىڭ اوچون ھم او چرچمە سدن كېچە و كوندوز دېمەى اىشلەيدى. او  
 حتى يىرىم نرخدە ھم آدملىرىنىڭ كىيىمىنى تىكىپ بېرىدى. شىيلا ھم اونگە  
 كۇپ ھمكارلىك قىلدى. او بعضاً ھىل تشلنگن ايسىغ چاى و بىر آز قاوون  
 قاغى كۇترىب آنەسى نىڭ آلدەى آلب كېلدى. شىيلا بختلى سۇزلىر و ھزل  
 حكايەلرىنى ايتىپ، او عذاب چېكەياتگن آنەسىنى كولدېردى.

اگر كىم دىر بو قىزنى و آنەنى شوندى لىحظەلردە كۇرگن بۇلسە، اولر  
 آنەلىك قىز اېمس، بلكە ايگى دۇست دېب اۋىلشەدى. زىرىن چىرايلى  
 و كۇركم قىزىنى كۇرىپ يورەگى كوچلندى و اونىڭ كولىگىلىرى زىرىن گە  
 انرژى بىغىشلىدى.

زىرىنگە ھېچ كىمگە ھامىلىك قىلمىسدىن و اونگە ياردەم بېرمىسدىن، بىر  
 اۋزى فقط اوچ تە سېۋىملى فرزندلرىنى كتە قىلگن، فقط لايدن ايشلنگن  
 منە شو اۋى اونگە و فرزندلرىگە مىراث بېرىلگن اېنگ كتە بايلىك اېدى.

اېندى ياش و اۋسپورن شيلا آنەسى نىنگ اېرتەلب و كېچقورون  
ھەمدىگە ايلنگن:

«آنە، آنەجان، بىراو دروازەنى اورماقده.»

«خدايىلەدى كون نىنگ بو وقتىدە كىم دىر؟»

«مېن بارەيمى؟»

«يۇق، قۇى اۋزىم بارىب دروازەنى آچەمن.»

«آنە، قىس دروازەنى بارىب آچدى.»

«وى ايلەنەى كاكا صمدكە، اېندى قندەى قىلەى؟»

«آنە، نېگە رنگ رويىنگىز بوندىە اوچىب قالدى؟»

«قىزىم، كاكا صمد حتمن دكانى نىنگ كراسى اوچون كېلگن دىر.»

«كۆپ تشويش قىلمەنگ، يوگورىب بارىنگ مەمكىن دكان كراسى

كېنىدن كېلمەگن بۇلسە.»

«كرانى كېنىدن كېلمەگن بۇلسە، خى نىمە اوچون كېلگن؟»

«بارىنگ آنە، گپ معلوم بۇلسىن.»

«ھارمىگ كاكا صمد!»

«خىر كۆرگىن قىزىم.»

«كاكا صمد، آلدىنگىزدە جودە شىرەندە من، سىزىگە قرەگىدېك يوزىم

قالمەدى.»

«خدا قىلمەسىن قىزىم، نىمەلر دېپىسن سېن؟»

«يۇق كاكا صمد، آدم اگر سىيال ھەم بۇلسە توشىنەدى، يقىن كونلردە

كرانىنگ بىر قىسمىنى بېرەمن.»

«الاهىم كۆرگىن قىزىم، مېن ايتدىم سېن نىمە دېسن. سېنگە بېرىلگن

دكان و باشقە اوچتە قۇشنىمىزگە بازاردە كراگە بېرىلگن دكانلر كراسىنى





بغيشله گنيمدن خبر سيز اپكن سن.  
شو آنده، زرين نينگ قوريب قالگن لبلر يده ملايم كولگى مجسملندى.



## کتاب جادوسی

بهار اۇزى نىنگ بوتون گۈزەللىگى بىلن يېتىپ كېلگن پىت. باغ و راغلىر يَم يَشىل بۇلىپ، سريغ چىرايلى نوروزى گللىر بىلن قاپلنگن. اۋرىك همده بادام درختلىرى نىنگ چقنه گن گللىرى اېندىگينه تۇكىلگن و درختلر اېسه تىنىق برگلر بىلن قاپلنگن، لېكن شفتالو همده ناك درختلىرى هنوز گللكىنچە يۇق حلى. كۇكلم، يامغىر و توپراق نىنگ هيدى يانیده گلله گن درخت ياله لریده سىره ب تورگن قوشلر نىنگ ويچىر - ويچىر قىلىشى آدم نىنگ يوره گىنى هيجانلنتىرىپ كۇنگلىنى قىتىغلب يوبارمەى قۇيمەيدى.

قىش نىنگ بوتون قىينچىلىگى و ساووغ كونلرى اۋتىپ كېتگن، باشقه هيج بير وقت بوندهى اچىق كونلرنى كورمىسلىك اوچون اۋزىمگە مژده بېرىپ دعا قىلە من. آدملرگە تۇلە بۇلگن بير شېھر، حلى اۋلىك اۋلگن بير شېھرگە ايلنگن، قۇرقوو و تعجب دن ميه م قىزىپ كېتەدى بعضن.

تۇستدن قۇرقاق و بيچاره بير آدمگە ايله نىب قالىشىنى هيج بير وقت هم اۋيله مسلدىم. ايشانىگكى حتى آنه گىنەم ايش دفترىدن كېلگن وقتلریده اونىنگ آلدیگە چىقىپ سلام بېرىشىنى هم يوره گىم تېلە مسدى. شوندهى

تصور قىلدىمكە اۋز بىرىم و بىگانە بىر آدم زىان يېتكىزىپ مېنى كىسل قىلەدى دەپ تصور قىلدىم. يىرىم كېچە لىرگچە اوخلە مسىدىم. عجايب خياللىر و قۇرقوو توشلردن قوتىلە آلمىس اېدىم. اخ او كونلر نىنگ هر بىر دىقىقەسى و هر بىر ساعىتى، مېنى شوندى قىنردىكە فقط اۋزىم بىلدىم و خدائىم. بوتون حىياتىم پوچ و قارە تفكرلر بىلن يوغرىلىپ قالگن. دىياگە عشق و اميد بىلن قرەش اوچون بىرىنچى حالتىمگە قىتىشنى اصلا ايشانمسىدىم. ماسك تقىشدىن كېلىپ چىققن نفس قىسىلىشى توغدىرگن قىينچىلىكنى ھنوز ھم اونوتمەگنم. حلى ھم اىرىم كېچە لىر توشىمىدە كويد ۱۹ كىسلىگى نىنگ قۇرقووى كۆرەم. بوتون نىم تىرلب شىب شىتە بۆلەم و يورەگىم دوگىللب اورىشىنى اېشىتەم.

قندەى بىر قىين كونلرنى باشدىن كېچىردىم. ھفتەلب اويدن تشقرى آياغ قۇيمەگنم. مىوھسىز و تركارى سىز ىشەدىم. بىرىنچى و يىگانە آرزوم اېسە شىقت سىز كرونا نىنگ چىنگاليدن قوتىلىش اېدى. بوتونلەى باشقەچە بىر آدم بۆلگندىم. ساچ و سقالىم شوندى اۋسىب كېتىگن اىدىكە حتى بعضن اۋزىمنى اۋزىم تانىمسىدىم. كرونا وىروسنى سلمانى و اونىنگ بوىوملرىدىن يوتقىرىب آلىشدىن قۇرقىدىم. نىچە اىلردن بىرى سلمانى بارمەگنم. نىچە كونلردن بىرى آنەگىنەم نىنگ گېلرى يورەگىمدن سىنچىب اۋتدى.

«اۋغلىم! نىمە حال تشلەگىسن، بىر مرتە آينەگە قرە اۋزىنگى نىمە توزەتگىسن، اېتىنگ سوپكىنگگە ياپىشىپ قالىدىكو.»

«آنە، مېنى تىنچ قۇيىنگ»

«اۋغلىم جانىمگە، بونچە ھم قۇرقىب اۋلتىرمە، ھوشيار بالەسن، قۇرقىش نىنگ اۋزى بدن مقاومتىنى توشىرىب يوبارىشىنى يىخشى بىلەسن»  
«عسل اۋغلىم، جان ھمەگە شىرىن، كۆپ تشوئىش ھم قىلمە، نىچە

کوندن بېرى حتى بير وقت هم نان پېمه یسن.»

«يوره گيم هيچ نان تيلمەيدى. آغزيم زهرديک اچيق دى.»

«همەسى اۋزىنگ نىنگ قۇلىنگدن، تشويش قىلىب - قىلىب اۋزىنگى

كسل قىلىب قۇيدىنگ.»

«كروناگە چلىنگنگە اوخشەيمىن، باشيم گويىلەيدى، نان و ياغ نىنگ

هيدى سېرە هم ياقمەيدى آنە.»

«هيچ گپ اېمس اوغلىم، ناحق اۋزىنگە هر بير گېنى يوره گىنگگە

آلەويرەسن.»

«كۆپ ايسىتىمە توتەدى، بخارىگە قنچە چوپ تشلمەى، اصلا جانيم

ايسىمەيدى.»

تشقريدن اويگە قىتىب كېلە ياتگنىمدە ماسكنى يوزىمدن آلىب، آشخانه

سارى يوكىرىب بارىب توز سووى بىلن تماغىمنى چىقە ياتگنىمدە ينە آنەم

نىنگ تاووشى بلند اېشىتىلدى.

«تاماغىنگى يىرتىب يوباردىنگ، هر ساعت و هر دقيقە اېمس، كوندە

بىر - ايگى بار توز سووى بىلن غر - غرە بۇلسىن دېگنلر كو.»

«آنەجان ايشىنگىز بۇلمەسىن!»

«اوغلىم يوره گيم سىتىلىب - سىتىلىب كېتەدى، تاماغىنگى اوستىگە

شونچە باسىم آلىب كېلەسن كە هر قندەى كرونا بۇلسە هم اۋرتەدن

كېتەدى.»

«قندەى قىلەى آنە، اويلەيمىنكە تماغىمدە بىرار نرسە توگىلىب قالگن

بۇلسە.»

«همەسى تشويش نىنگ قۇلىدن، اۋزىنگى بونچە هم جورتمە، بوتون

كابل دە آلتى مىليون كىشى يشەيدى، بو كۆپگە كېلگن توى.»

«بوندەي ھەم اېمىس آنەجان، جاننى سىقىلىش ھەم فرض دىر»  
 آنەگىنەم توغرى ايتردى: توز سوويدە كۆپ غر - غرە قىلگىنىمدن،  
 تماغىم يره بۇلگن ابدى حتى بعضن قان كېلردى، لېكن كرونانن قۇرقىش  
 تىنچ قۇيىمىدى، اگر ايسىق سوودە تماغنى چىقسە، كرونا وىروسى تماغدىن  
 اىچكرىگە اۋتمىس دن اۋرتەدن كېتىپ يوقالردى.

ارىغ اېدىم، حلى جودە اريغله گىمىن، بىلمەيمىن بو تشوئىش و خواتردە  
 نىچە كىلو وزنىمنى بېرگىمىن. كۇزلىرىم چۇكىب چىغلىرىم چىقىپ قالگن.  
 ھفتەلردن بېرى كولىگى و شادلىك يوزىمىدن اوچگن فقط تشوئىش بىلن  
 بولىپ قىغۇرمانىگە چۇكىب كېتىگىمىن.

كونلردن بىر كون ايش دىفترىمىدن معاش سىز رخصت آلىش اوچون قرار  
 آلدىم، چونكە ھەمكارلىرىم بىلن بۇلىپ اولرنىنگ يانيدە ايش قىلىش اوچون  
 اصلا يورەگىم ايستەمسدى. او بونى كرونا وىروسىگە چىلىنگىنى ھەر كون  
 اېشىتىردىم، بو خىبرلرنى اېشىتىش حالىمنى ينە يامانلىشتىردى.

كوندەلىك ايشىم تام نىنگ كلكىنى شىشەسىدن تشقىرىگە باقىش اېدى.  
 اۋتمىش كونلرنى ايتتىقلىك بىلن كوتردىم، كرونا تھىدىن قوتىلىپ شىھر و  
 بازارگە ايلەنىپ چىقىشىنى آرزو قىلدىم. اۋرتاقلرىم بىلن اوچرەشىب شىھر  
 نودەگى رىستورانلردن بىرىدە پىتزا تىناول قىلىشىنى كۆپ ساغىنگىمىن. آھ،  
 كونلردن بىر كون قدرلى اۋرتاغىم بەزاد مېنگە قۇنغىراق قىلىپ اويدەسىمنى  
 دېب سۇردى:

«سلام، ايناغە اويدەسىن مى؟»

«يۇق، يۇق، اويدە اېمىس مىن.»

«قەپىردە سىن؟»

«بىلمەدىم...»



«ھەھھھھ بېلمەدېم، اۋىلەشىمچە كرونا سېنى داۋىدېرە تىب قۇيگىنگە  
اوخشەيدى.»

«ھەفېم بۈكە بېلمەيمەن قىچان اۋىگە بارەمن...»

«انىق جايىنگىنى آيت، قەپىردە بۇلسىڭ آرقىڭدىن كېلەمن.»

«يۇق، يۇق، بەھزادجان، بۇلمەيدى.»

«اۋبچە ساغ سىنىمى؟»

«ھە، ھە، تۈزىكىمەن، اما...»

«اۋبچە خدانىڭ يۈزىنى كۆر، مېندىن نىگە ياشىرەسن، اگر ساغلىغىڭىز

يخشى بۇلمىسە داكىتر ماکتىرگە بارەيلىك.»

آخ، اۋشە كۈن ھەر بار اېسىمگە توشىڭىدە، شىردىن سوۋىگە باتەمن. بەھزاد  
بىلەن دوست و اۋرتاقلىگىمدە ھېچ بىر ۋقت اۋنگە يالغان ايتەمگەنمەن، لېكىن  
ھازىر مېنىڭ بىر بەھانە بىلەن اۋنىڭ كېلىشىگە تۈسىقمەن.

بعضىن بەھزاددىك بۇلمەگىمگە اۋزىم ھىران قالەمن. اۋ ھېچ نىسە نىڭىز  
فرقىدىن اېمىس. نىزىمدە اۋ دىنپادە اېنگ بختلى آدمگە اوخشەيدى. چۈنكى  
اۋ كرونا وىروسىدىن اصلا قۇرقمەيدى. باشىم بارىب قرا يېرىنىڭ لىدىگە  
تىگىگۈنچە ھەم بەھزادنىڭ دوستلىگىنى اۋنوتىملىك اۋچۈن اۋت اىچىگەنمەن.  
اۋ قىتىق بىر كۈنلردە مېنىڭ زىڭ اۋرىب:

«اۋبچە، درۋازەنىڭ آرقەسىدە بىر كارتىن قۇيىپ قىتدېم، يۈرگىز بارىب

اۋشەنى آل، بىراۋ اۋلىب كېتمەسىن دېدى.»

يۈز يۈرەكنى بىر يۈرەك قىلىپ، ماسك تاقىپ قۇللىرىمگە قۇل قاپ

كىيىپ يۈگىرىپ درۋازەگە باردىم، درۋازەنى اچىش بىلەن كىتاب نىڭ كىتە بىر  
كارتىنىگە كۆزىم توشدى؛

«آخ خىدايا، بەھزادنىڭ يخشىلىگىنى ھېچ ۋقت ادا اېتەلمەيمەن.»

کارتنى بىر عمللېب پىردن كۈترىب اوتاغىم تامان باردىم. دستمال و دىتول بىلن كىتابلارنى بىر تە تازەلەدەيم، كېيىن كىتابلارنى بىر تە - بىر تە قىلىپ آفتابگە تىرىپ قۇيدىم.

كىتابلارنىڭ آتىنى اۋقۇيدىم. كىتابلار ھەر دىققە مېنىڭ ھىجانىمى كۈپەيتىردى. مېن قىسى كىتابلار و قىسى يازوۋچىلارنىڭ كىتابىنى كۇپراق ياقىتىرىشىمنى بىلگىنىنى حىران قالگن اېدىم.

«يخشى اۋرتاق آلتىن دن ھم كۈرە قىمتلى دېب، بى گپ اىتمە گىلر.»

اۋزىمچە كولىب يوباردىم، بەزادنى آلتىنگە اوخشىتىگىم قنچە مناسب توشىگىنى پىقەدەيم، دىيانىڭ بوتون آلتىنلرى بەزادنىڭ بىر برماغىگە ھم يىتمەيدى. بەزاد اۋزى نىڭ مەر و مەختىنى ھەر بىر وقتلن كۈرە كۈپەيتىرگن. ھىجان بىلن كىتابلارنى اۋقىش اوچون قطار قىلىپ تېردىم.

دستلېب دروېش پنجمنى اۋقىماقچى بۇلدىم، اوندىن كىين قىسىنى اۋقىسىم امممم كاراموزوف ايناغەلرى يۇق، يۇق اوندىن سۇنگ جنائت و مكافاتنى اۋقىشىم كېرەك...

آه، قدرلى بەزاد، بو مەخت و يىخشىلىگىنگى قندەي قىلىپ ادا ايتەي؟ بوندىن سۇنگ، كېچە و كوندوز يورەك قىسىلىشنى اونوتدىم، سوو سىز قالگن آدم سېنگرى فقط كىتاب اۋقىدىم، كىتاب.

ھەر بىر كىتابنى اۋقىب بىتتىرىشىم بىلن بەزادگە زىگ اوريپ، ھەر ايگى مىز ساعىتلىب كىتاب نىڭ ايچكى مەحتواسى و موضوعى بارەسىدە گىپىردىك. بو بىشىمىز بعضن كىتابنى نقد قىلىش تامان تارتىلردى. كۈپىنچە وقتلردە كىتاب نىڭ تورلى مسالەلر بارەسىدە ايگى مىزنىڭ فەكرىمىز قىرە قىشى چىقىردى، حتى بعضن بىشىلرىمىز جنجالگە ايلەنىپ كېتىردى. كونلردن بىرى لىدىن دە يىشەيدىگن اكەم قۇنغىراق قىلىپ كېلدى:



«قندەى سن ايناغەجان، تۇغرىسىنى آيت، ھنوز ھم كرونادن قۇرقەسنمى؟»

«اكە، احتمال ايشانمەسنگيز كرونانى سوونى ايچگندىك آسان اۋتكزدىم.»

«نيمە دېسن سېن او بېچە، سېنى قىچان كرونا آلدى؟»

«بوگون، بَب برابر يىگير مە كون بۇلدى.»

«خداگە شكر ساغەليب كېتىدىم.»

«شكر، شكر، قندەى اۋتكزدىنگ، سېنكە جودە قۇرقدىنگ؟»

«تۇغرىسىنى ايتسم اكەجان، خداوند بهزادگە خىر پېرسىن، مېنى روھىم و ذھنىمنى جودە يىخشى اۋزگرتىردى.»

«بھزاد؟»

«امممم آلتىنچى صىفندن بىر اۋرتاغىم بۇلىب كېلگن صىفداشىمنى

ايتەمن.»

«تانىمن، آيت قندەى قىلىپ بھزاد سېن قۇرقاقنى اۋزگرتىردى؟»

«بىر كون مېنگە بىر كارتىن كىتاب كېلتىرىپ بېردى.»

«او بېچرە، كىتاب كروناگە نيمە؟»

«گېنى اېشىتىنگ اكە، كىتابنى اۋقىشدىن سۇنگ كىتاب موضوعلىرى

اوستىدە مېن بىلن بھزادىنىنگ بحث قىلىشىمىز، بوتونلەى مېندن باشقە بىر

آدم توزەتىپ يوباردىم.»

«نيمە دېماقچى سن؟»

«ايكى مىز ھم ھر كىچە كىتاب بارەسىدە گېپىردىك، كىتاب نىنگ آتىدن

اىلىپ يازىش شىوہەسى و باشقە موضوعلىرىنى محاكمە قىلدىك. بالاخرە

بوتون كىتابنى اوستىدە بحث قىلىپ فكر المىشتىردىك.»







و آنه گینم نینگ ایتیشیچه، هر وقت کتابلر ایچیده سرگردانمن، وهیچ بیر وقت مطالعه و کتاب اؤقیشدن خسته بؤلمه یمن.

بعضن کتاب نینگ شخصیتلری، تصویرلری و سؤزلری ذهنیمنی اؤزیگه مصروف قیلهدی. بار- بار اؤزیمنی بورومانلرده گى قهرمانلر نینگ جایگه قۇیگنمن. ایریم وقتلرده اؤزیمنی یازووچى اؤرنیگه قۇیبب اگر مېن بورومان نینگ یازووچىسى بۇلسم باشقه بیر توگیچ یازردیم.





## آنە مکتىبى

رابەھە بالەلىگى و ياشلىگىنى اوروشلردە باى بېرگن. عمرى نىنگ بوتون يىللرىنى بىر كون هم خواطرسىز و اوروش نىنگ ناخوش خبرلىرى سىز اۋتكزگىنىنى اېسلىمەيدى.

هر دايم خبرلر بىرىنچى سىرەسىنى اوروش حادثەلرى، اۋلدىرىش و ويرانگرچىلىك قاپلەيدى. او اوروش و ناتىنچلىك نىنگ قاره شوم يىللرىدە توغىلگن و شوندهى بىر قرا كونلردە اولغەيگن.

او بوتون آرزولرىنى بو ويرانگرچىلىك اىچىدە قۇلدىن بېرگن اېدى. يازىلىپ بىرەلىپ كون كۆر مسدن اولغەيب اۋيلندى. رابەھە هر دايم كۆچەسى نىنگ دروازەسىگە چىقىپ اۋلتىرىپ، مىنگ بىر ندامت بىلن مکتب قىزلرىگە باقردى.

او سنتى متعصب بىر عايله دە يىشب اولغەيگن. اونىنگ اۋقىش و اۋرگەنىشگە بۇلگن قىزىقىشىگە قرەمەي، هيچ بىر وقت اونى مکتبگە قۇيمەگنلر و درسى صنف چوكىسىدە اۋلتىرە آلمەگن.



اپرتەلب ھەمدەن آلدین اویغانردى. بالەلرینگە نان و چای تیار اپتردى. توش دە اولرنى انتىقلىك بیلن كىلىشلرنى كوتر.

بیرار كون بالەلریدن بیرار تەسى كېچىكتیر ماچى بۇلگن دە پیر و آسمان اونگە جای پیر مسدى. بیر عالم تشویش بیلن كۇچە نینگ دروازە سیدە اۇلتیریپ فرزندلرینگە كۇز تیکەدى. بو دىقەلرنینگ دردینى فقط بوندەى بیر حالتتى تجربە قیلگن آنەلرنینگ توشینیشى ممکن دیر. كۇپنچە كونلر حتى قۇلى بیر پارچە قوروق نان و بیر گلاس شیرین چایگە پیتمسدى. آچ قارین بیلن فرزندلری بیلن بیرگە لیکدە توشلیك قیلیش اوچون اولرنى كوتیب تورردى.

بیر مرتە زمان نینگ چرخى اۇزگردى. اپندى ھفتەلب و كونلر زھرە و شمس اویدەر، توشگە یقین پیتگچە اولر اوخلەیدیلر. كېچەلر ھم یریم تونگچە اۇلتیریپ تلویزیون كۇرەدیلر. بوندەى بیر حال و احوالگە اۇرگنمەگن رابعە، كون ساین پریشان بۇلیب اۇزینی - اۇزی پیدی. اوزاق ییللر دوامیدەگى محنت و تلاشلری ثمرەسینی تېکین گینە قۇلدن بېریب قۇییشدن قۇرقەدى. كونلردن بیر كون اونینگ جھلی چىقدى، تۇستدن چىغ اوریب بقیریپ یوباردى.

«خدايا، بو قندەى بیر كون دیر، مېن بو حالگە چیدە آلمەیمن دیوانە بۇلەمن.»

«آنە، سېسینگیزنى ھمە قۇشیلر اپشیتەدى، نیمە گپ بۇلگن؟»

«ینە نیمە گپ بۇلسین، سیزلر آپە و اوکلر كېچگچە اوخلەى سیزلر، نى

درس بار نى سباق.»

«اخ آنەجان، مین اویلەدیم نیمە گپ بۇلگن بۇلسە اپکن؟»



«سىز لىرىنىڭ نىزىنىڭىزگە بو عادى بىر گپ.»

«آنە، نېگە حق و ناحق اۋزىنىڭىزنى چىنەى سىز، بو ايشگە بىز لىرىنىڭ

گناھىمىز نىمە، ھمە آدم لىر بىز لىردىك بۇلگن؟»

زھرە نىنىڭ گپلىرى آنەسىگە قىتىق تاثير قىلدى و اونىڭ حق لىگىنى ھم پىقەدى. كرونا و ىروس نىنىڭ بىرەشى و كۋىنچە آدم لىرىنىڭ بو كىسلىككە چلىنىشى، مكتبلر و بىلىم يورتلرىنىڭ تعطىل بۇلىشىگە سىب بۇلگن ابدى. شونىنىڭ اوچون ھم اۋقووچىلر اويدە قالگن ابدىلر.

فرىزىدلرىنى تىبلىك و بىھودەلىكدىن چىقارىش اوچون رابە بىرار اىش قىلىش گە قرار آلدى و موجود فرىستدىن بىخىشى فاىدەلەنىشنى اۋىلەدى. اېرتەسى اېرتەلب اولرنى اوىقودن اوىاغتىب كرونادىن آلدىنىڭى كونلر كىبى اولرگە چاى تىارلەدى و كېيىن اولرنى درىسلىك كىتابلىرى بار اتاققە آلىب باردى.

«كېلىنگلر كېلىنگلر بالەلرى، مېن بوگون سىزگەلر اۋقوتوۋچى بۇلىب در

بېرەمن.»

«آنە! تۇغرىسى اۋزىنىڭىز درىس بېرەسىز مى؟»

«شىمس نېگە حىرتلەنىب قالدىنىڭ، دېمك بوگونگچە آنەم مېن و سېنگە

درىس بېرەمگن مىلر؟»

«بو كە درىست گپ دىر، دېمك آنەم مكتب نىنىڭ درىسلىرىنى بىلمەيدىلر.»

«جىم اۋلتىر دىوانەلردىك گىپىر مە آنەم نىنىڭ يورەگى قان بۇلەدى.»

«قىزىم زھرە، او كەنگ شىمس تۇغرى اىتەدى مېنىڭ سوادىم يۇق، لېكن

سىز لىرگە قندەى درىس بېرىشنى بىلەمن.»

اۋشە كون آنەسى زھرەدىن شىمس اوچون منظم درىسلىك تىقسىم



اوقات توزەتېشنى اىستەدى و هر كون اونگە معين وقتدە درس بېرىشنى سۈرەدى. آنەسى نىنگ بو ايشدن مقصدى زهره بيلن شمس نىنگ هم درس اۋقىشى ھمدە فرصتدن يىخشى فايدهلە نىش اېدى. شونىنگدېك قىزىگە هم كوندەلىك درسلىرىنى منتظم بىر تقسيم اوقاتدە اۋقىشى و اۋزىگە اوى نىنگ ايشلىرىگە ياردەم بېرىشنى طلب قىلدى.

كونلرنىنگ بىرىدە شمس پياز و كچالو ساتىب آلىب كېلىش اوچون كۈچە نىنگ دكانىگە چىقدى و او پېردە صنفداشى مرادنى كۆردى.

«او بچە شمس، اوى تاووغى سېنگرى ھىچ اويدن تشقرى چىقمەيسن.»

«مراد، سېن نېگە ماسك تاقمەگنسن؟»

«مېن نىمە دېمن، دىمبورم نىمە دېدى.»

«مېن سېنى گېنىگىنى انگلەدىم، لېكن سېن مېنىنگ گېمىنى

توشىنمەدىنگ.»

«شمس، اۋزىنگىنى كتە - كتە توتمە، درست كە سېن بىر ماسك اۋرنىدە

ايگى تە تاققن بۇلسنگ ھەھەھەھەھە.»

«مراد، كتە مٹە بچەسن كرونا وىروس قنچە كۈپەيگىنىنى اۋزىنگ يىخشى

بىلەسن، اگر اۋزىنگىنى غىمىنگە بۇلمەسنگ آنەنگ نىنگ فكريگە بۇلسنگ

يامان بۇلمەيدى.»

«مېنى گېگە توتمە شمس، قىچاندن بېرى سېن مېنىنگ معلمىم بۇلىب

قالدىنگ؟»

«گپ معلملىككە اېمس، بو كىسلىك چودە يامان دىر.»

«بار، مېنى اۋز حالىمگە قۇي، مکتبلىر رخصت بۇلگىنىدن مېن خوش

من، حاضر سېن كېلىب كۈچە نىنگ اوستىدە مېنگە درس بېرەسن.»

شمس او يگه كېلگونچە يۇلدە اۈزىچە اويلىب اگر آنهسى اونگه اويده  
صنّف توزتمەگندە، صنفداشى مراد كىبى وقتىنى كۈچەلردە اۈتكزىب هيچ  
نرسە اۈرگنمس ليگىنى اۈيلهدى.»

رابعه، درس نىنگ يريم قسميده اوى نىنگ اېشىگىنى قاشىق بىلن اوريب  
«شيرين بير كولگو بىلن اولرگه اعلام قىلردى.»

«فرزندلريم، دم آليش وقتى دير.»

«آنه، دم آليش ساعتە نيمە يېمىز؟»

«شمس اوكه سېن فقط يېش نىنگ فكرىدە سن ههههههه.»

«هيچقىسى يۇق زهره، اوكهنگ شمس تۇغرى ايتەدى تفرىح دە يېنگىل

بير نرسە يېشلىرىنگىز كېرەك.»

«خى نيمە يېمىز آنه؟»

«بالەلريم بوگون سىزلىرگه گئندەدە ايسىق بولانى پىشىردىم، تېز

قۇللىرىنگىزنى يووينگلر ساويمەسىن.»

زهره و شمس نىنگ آنهسى بالەلرىگه خانەگى صنف و درسنى قندەى

قىلىب يىخشى قىزىق قىلىشىنى بىلردى. او يىللردن بىرى عايلهسى اۈزى

اوچون نيمە اوچون اۈقىش و تعليم آليش شرايطنى يرهتمگنى اوچون

حسرت يېب كېلردى. حال بوكە او اۈقىش و اۈرگەنىش نىنگ عاشقى

اېدى. بعضن بالەلرى نىنگ يانيدە اۈلتىرىب اولردن اۈرگەنىشنى اىستردى.

اگر فرصت تاپگن كئە قىزىقىش بىلن بو ايشنى بجرردى.

قۇشنىلر هر دايم بولرنىنگ آروز قىلردى و هر دايم اۈغىل قىزلىرىگه

رابعه و زهره شمسنى مثال بېردى. اولرنىنگ وقت و فرصتدن قنچە يىخشى

فايدهلەنىشى هر دايم باشقەلرگه داستان اېدى. كونلردن بېرى، قۇشنىلريدن

بېرى شريف رابعه نىنگ اويىگه كېلدى:

«سلام رابعه سېنگلىم، قندهى سن؟»

«رحمت نجيپ جان نىنگ آنەسى، اۋزىنگ يىخىمى سن؟»

«سلامت بۇل...»

«اىلگىرى كېل اويگه بارەيلىك.»

«يۇق اى، بو خدا اورگىر كرونا كىسلىگىنى قۇلدىن ھىچ كىم باردى

كېلدى قىلمەسىن دېدىلر.»

«تۇغرىسى ھم بو كىسلىك ھەمەنى تىرىكچىلىك و ايشدن چىقارگن.»

«ھا، ىنە بو بالەلرنى مکتىبنى درسىنى بوتونلەى چىقارگن.»

«تۇغرى ايتەسن سىنگلى جان...»

«اېرتەدن آقشامگچە بالەلر بىر - بىرىنى اوريپ شوخلىك قىلەدى،

تۇغرىسىنى ايتىم سىنگلىم مېندە ھىچ حوصلە موصلە قالمەگن.»

«بىرار وقت قىلمە قىلمەدىب بىخى يورەگىم نىنگ مدارى اوزىلەدى.»

«هان، هان، خداگە شکر سېنىنگ قىزىنگ و اۋغلىنگ ھوشيار دىر،

ھم درس اۋقىدىلر و ھم تىكۈچىلىك ايشلرىنگە ياردەم بېرەدىلر. خدا گېنى

آلمەگن بالەدن اسرەسىن.»

ايگى كوندن كېيىن، كۈچە نىنگ باشىدە اويى بۇلگن و نېچە عايلە بىر

پېردە تىرىكچىلىك قىلەدىگن قۇشنىلردن بىرى رابعه نىنگ اويىگە كېلدى:

«سىنگلىم رابعە، سېنگە بىر جنجال آلىب كېلدىم.»

«نېمە جنجال؟»

«بىلمەيمەن بىلەسنمى بىلمەيسەن نىنگى ھفتە ايگىنچى اۋغلىم نىنگ

تۇبى.»



«بوكە جنجال اېمس، توى بخير اۋتسىن خداوند كېلىن نىنگ قەمىنى نىك قىلسىن.»

«متدار من رابعه سىنگلىم، جنجال بوكە اوشە تىكووچى كسل بۇلگن،  
كرونامى نىمە كسللىك آلگن دېدىلر.»

«وى بىچارە.»

«هان، حاضر همه كىملىرىمىز ميدانده قالگن و كېلىن نىنگ كىمى ھم  
تىكىدىرىغىسىز قالگن.»

«نىمە دېسن سىنگلىم، يەنە بىر ھفتە دن كېيىن تۇيلرىنگىز بار و بو تامانده  
بوتون كىملىرىنگىز تىكىدىرىغىسىز قالگن!»

«نېچە تە كىم؟»

«بىر - بىر تە بىزلر نىكى و تۇرت بېش جورە كېلىن كىاودن.»

«اى بوكە جودە كۇپ دىر، بىزلە ھم يكە و يالغوز، بونچە كىمىنى آز  
وقتندە تىكىش ممكن بۇلمس.»

«بوندى بىزلر نىنگ يورەگىمىزنى قالدیرمەنگ سىنگلىم رابعە، بىزلر نىنگ  
ھەمە امىدىمىز سىزگە.»

«مېن يالغانچى تىكووچىلردن اېمس لىگىمنى اۋزىنگىز بىلەسىز و يالغان  
ايتىشدىن جودە يامانىم كېلەدى.»

«شونىنگ اوچون سىزنى آلدىنگىزگە كېلدىم و سىزكە يورەگىم تۇلە.»

قۇشنى نىنگ خاتىنى قۇيرگە قۇيمەدى، رابعە كىملىرنى تىكىب بېرىشنى  
قبول قىلىشگە مجبور بۇلدى، لېكن، كىملىرنى وقتىدە تىكىب بېرىشدىن  
جودە خواطردە اېدى. رابعە اۋزى بىلن اۋىلب فكر قىلدى، زھرە بىلن  
شمس آنەسىنى ھەر قندە ي بۇلر بۇلمس فكرلردن چىقاردى.



«آنه، بونچه اويلب اولتير منگ.»

«زهره قيزيم، مېنى اويلاو باسگن، بيرته اېمس، قره نېچە تە دىر.»

«آنه، سىنگلېم زهرە ايتگندېك اويلاو بىلن ھېچ نرسە بۇلمەيدى، ھېچ

تسويش قىلمىگ مېن بىلن سىنگلېم سىزگە ياردەم بېرەمىز.

«رحمت بالە لىرىم، لېكن جودە كۆپ دىر.»

«آنه، اوى مکتىبى يانىدە بىزلرگە درس دن تشقرى يىخشى بۇلدى

تىكوچىلىكىنى ھم اۋرگتدىنگىز. ھەھەھەھەھەھە، اېندى قۇلىنگىزگە ارە كىرەمىز،

بار شمس اوکە جان يۇگىر ماشىنىنى آلىب كېل، ايپ ايگىنەنى اۋتكز.

«صبر صبر كىيىم نىنگ رنكىگە ماس ايپنى اۋتكزەي.»

نوگنچ



